

OLELIAHONA

O i Tatou o
Aao o le Alii,
itulau 8, 12, 20

E Mafai Faapefea Ona Faaoga
e le Atua Oe? itulau 28

Lagolagoina o Tamaiti
E Le o i ai le Lagolagoina o le
Talalelei i le Fale, itulau 40

UA I AI
IINEI LE
EKALEΣΙΑ

Taxco **Mekisiko**





O Taxco de Alarcon, Guerrero, Mekisiko, sa avea ma se aai e eli ai maina, ua lauiloa i le taimi nei o se tasi o *pueblos magicos* (aaia maoa'e), tautaua mo lona gaosiga o meataulima siliva, fausaga o fale koloniolo faa-Sipaniolo, ma le matagofie o laufanua lata ane. O loo taoto le aai i luga o laufanua gaoa ma o auala e tifato ma e le sa'o. O lona nofoaga autu o le falesa Santa Prisca mai le seneturi lona 18.

O Taxco foi e i ai le Paranesi a Taxco O Le Eklesia a lesu Keriso o le Au Paia o Aso e Gata Ai, lea e feiloai i Aso Sa taitasi i se fale i *avenida de los Plateros*. O le paranesi, o se vaega o le Siteki a Iguala Mekisiko, o se tasi o le 1,987 faapotopotoga a le Au Paia o Aso e Gata Ai i Mekisiko, lea e silia ma le 1.4 miliona tagata o le eklesia, 34 misiona, ma malumalu e 13. O Mekisiko o loo i ai foi le Nofoaga Autu mo le Aoaoina o Faifeautalai i le Aai o Mekisiko, o le NAF aupito tele lona lua i totonu o le Eklesia. O le nofoaga autu e mafai ona faofale ai le silia ma le 1,000 faifeautalai i le taimi.

- ATAPUE MALE GETTY IMAGES
- O tagata muamua o le eklesia e toalima i Mekisiko na papatisoina i le 1876.
 - O Mekisiko o le uluai atunu i fafo atu o le Iunaite Setete e i ai ni siteki e 100.
 - O le Malumalu o le Aai o Mekisiko i Mekisiko, o le uluai [malumalu] lea i Mekisiko, na faapaiaina i le 1983. O le malumalu na faapaiaina talu ai nei o le Malumalu o Tijuana Mekisiko, na faapaiaina i le 2015. Na faasilasilaina le Malumalu o Puebla Mekisiko ia Oketopa 2018.
 - Ina ua asiasi Peresitene Howard W. Hunter (1907-95) i Mekisiko i le 1994, sa ia faatuina le Siteki a le Aai o Mekisiko Contreras, o le siteki lona 2000 a le Eklesia.





O Le Auaunaga
o Le Vaai Atu
i Isi e Pei ona
Faia e le Faaola
8




Auaunaga i se Auala
e Sili Atu ona Paia
Elder Neil L. Andersen

12



Fesoasoani i Isi ia Maua le
Faamalologa a le Alii
Merrilee Browne Boyack

20



O Le Avea ma Soo o le
Taitaiga Faalelagi
Epikopo Dean M. Davies

28

E Mafai e La Tatou Auaunaga Ona Fesoasoani e Faamaloloina Isi?

Ise tasi Aso Sa, sa ou saofai i le sauniga faamanatuga ma mafaufau loloto ina ua ou faiat i a'u tusitusiga paia faapea e tatau ona tatou faia galuega na faia e le Faaola (tagai 3 Nifae 27:21). Sa ou manatu ia te au lava ia, "O a galuega a Keriso i luga o le fogaeleele?" Sa ou mafaufau muamua i mea e lua: auaunaga ma le faamalologa. O le auaunaga e mafai ona ou faia, ae o le faamalologa?

O le mataupu o le faamalologa o se tasi o mea na ou mafaufau loloto i ai i le tele o taimi. I lo'u olaga sa faia ni o'u taotoga e 16 ma sa manaomia ona faia le *tele* o faamalologa! Ae sa ou mafaufau pe mafai faapefea ona ou pei o lesu Keriso ma fesoasoani i isi ia faamaloloina. E mautinoa lava sa le i ai ia te a'u mana faamalolo sa ia te la. E faapefea la ona finagalo o la ou te faia Ana galuega o le faamalologa i luga o le fogaeleele? O le a se mea e *mafai* ona ou faia?

A ou mafaufau loloto i auala na fesoasoani ai isi ia te au e faamalolo, na tatalaina lo'u mafaufau i galuega ofoo fogia o le faamalologa-faamafanafana, auauna atu, ma auaunaga-na faia e isi mo au i lo'u olaga. Faatasi ai ma le taula'i atu i le auaunaga i isi i auala e finagalo ai le Faaola, o lenei mataupu o le fesoasoani i isi e faamaloloina o se mea mamana. O i tatou uma lava o mafatia i le taimi o la tatou malaga faaletino i luga o le fogaeleele. E tele naua i latou e i ai ma'i o le tino po o le mafaufau pe o loo mafatia faaleagaga. O i tatou uma lava e manaomia le faamalologa. E pei ona ou faamalamalama atu i la'u tusiga (itulau 20) ma e pei ona aoao mai e Elder Neil L. Andersen i lana tusiga (itulau 12), o i tatou uma lava e mafai ona auai i le auaunaga i isi i auala o le a fesoasoani e faamaloloina ai i latou.

Ma le faamaoni lava,
Merrilee Boyack

Anotusi

5 O Le Valaauga o se Tamā ☺

Faitau i aoaoga sili ona fiafia i ai e uiga i le tulaga faatamā mai tusitusiga paia ma perofeta.

6 Atatosi o le Faatuatua:

Rodrigo Quintanilla—Valparaíso, Chile ☺

8 Mataupu Faavae o le Auaunaga: O Le Auaunaga

o Le Vaai Atu i Isi e Pei ona Faia e le Faaola

12 Auaunaga i se Auala e Sili Atu ona Paia

Saunia e Elder Neil L. Andersen

Ao e vaavaai mo auala e auauna atu ai, o le a taitaiina atu oe e le Atua i Ona atalii ma afafine.

20 Fesoasoani i Isi ia Maua le Faamalologa a le Alii

Saunia e Merrilee Browne Boyack

Aoao pe faapefea ona tatou fesoasoani e faamālōlō i latou o loo mafatia.

24 Faamanuiaga o le Ola Tutoatasi:

Fugalaau ma le Saogalemu Tautupe ☺

Saunia e Mechel Wall

26 Lesona mai le Feagaiga Fou:

Mareta ma Maria ☺

Saunia e Camille Fronk Olson

28 O le Avea ma Soo o le Taitaiga Faalelagi

Saunia e Epikopo Dean M. Davies

O le a tuuina atu e le Atua ia te oe taitaiga faalelagi ao e saili e avea ma Ona soo.

32 O Leo o Le Au Paia o Aso e Gata Ai ☺

O sina taimi o le manino na suia ai lona olaga; o le iloaina sa avea o ia ma faifeautalai i lenei taimi atoa; o se faigamalaga na aumai ai o ia i le Eklesia; o se lauga na faamalosia ai lana molimau.

36 O Le Mea Tatou Te Talitonu I Ai:

Matou te Talitonu i le la Atoatoa-ia Keriso ☺

38 O Tatou Aiga, O Tatou Auaiga:

Pili, Alisi, ma le Taimi ma Tamaiti ☺

Saunia e Nancy Thomas

40 Aoaoina Atu o le Autalavou ma Fanau Laiti:

Pe a Le Auai le Tasi po o Matua uma i le Lotu ☺

Saunia e Karmel Newell

☺ Faitauga Vave

I Le Faavae
The Release,
saunia e Jenedy Paige.



Vaega

Autalavou Matutua

42

O le taimi e maua ai tamaiti,
pe toafia, ma pe faapefea ona
taulimaina pe a le fetaui ma
tulaga na fuafuaina, o nisi
o fesili e mafai ona oo mai
a'o e **fuafua mo lou aiga**.
Faitau faamatalaga patino
mai isi talavou matutua i
le vaega o lenei masina.



Autalavou

51

Aoao pe faapefea ona
faatu ni sini moni,
saili le filemu e ala i le
ata o le faaolataga, ma taofia
le **faalavelave o mea faaeletonika** i tusiga o lenei
masina.



Tamaiti

Saili pe faapefea ona **faia ni**
uo fou ma fesoasoani i uo tuai.

Aoao atili e uiga i **le Agaga Paia**.

Ma vaai po o le a
le mea na tupu i
le asiasiga a Elder
Cook i Pasila.



E NA'O TUSIGA FAATEKINOLOSI E FAAALIA AI



Ua l'u Lava Ona Ou O'o i le Malumalu

Saunia e Ramona Morris

Na faasoai mai e se talavou matua mai Barbados
Iana tala o le sauniuni ma iu ai ina mafai ona
asiasi i le malumalu.



O E Aoaoina se Mea Fou i Aso Uma?

Saunia e le Tautua mo le Ola Tutoatasi

O le a'oa'oina o mea fou e i ai ona lelei, e aofia ai le
puipuia mai le Alzheimer ma le faaleleia o le soifua
maloloina o le mafaufau.

IUNI 2019 VOL. 43 NU. 6
LIAHONA 18606 890

O le mekasini faavaomalo o Le Ekalesia a
Iesu Keriso o le Au Paia o Aso e Gata Ai
O Le Au Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo e Toasefululu'a:
M. Russell Ballard, Jeffrey R. Holland, Dieter F.
Uchtdorf, David A. Bednar, Quentin L. Cook,
D. Todd Christofferson, Neil L. Andersen,
Ronald A. Rasband, Gary E. Stevenson, Dale G.
Renlund, Gerrit W. Gong, Ulisses Soares

Faatonu: Randy D. Funk

Faufautua: Brian K. Ashton, Randall K.
Bennett, Becky Craven, Sharon Eubank,
Cristina B. Franco, Donald L. Hallstrom,
Larry S. Kacher, Erich W. Kopischke,
Lynn G. Robbins

Pule Faatonu: Richard I. Heaton

Faatonu: Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr
Faasalalau Lagolago: Camilla Castrillón

Au Tusitusi ma Faatonutonu: Maryssa
Dennis, David Dickson, David A. Edwards,
Matthew D. Flilton, Garrett H. Garff,
Jon Ryan Jensen, Charlotte Larcabal,
Michael R. Morris, Eric B. Murdock, Sally
Johnson Odekirik, Joshua J. Perkey, Jan
Pinborough, Richard M. Romney, Mindy
Selu, Lori Fuller Sosa, Chakell Wardleigh,
Marissa Widdison

Pule Faatonusili o Faatufugaga: J. Scott

Knudsen

Faatonusili o Faatufugaga: Tadd R.
Peterson

Mamanu: Jeanette Andrews, Fay P.
Andrus, Mandy Bentley, C. Kimball Bott,
Thomas Child, Joshua Dennis, David

Green, Colleen Hinckley, Eric P. Johnsen,

Susan Lofgren, Scott M. Mooy, Emily
Chieko Remington, Mark W. Robison,
Brad Teare, K. Nicole Walkenhorst

Faatonu o le Puletaofia o Meatotino:

Collette Nebeker Aune

Pule i le Gaosiga: Jane Ann Peters
Gaosiga: Ira Glen Adair, Julie Burdett,

Thomas G. Cronin, Bryan W. Gygi,
Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Lomitusi: Steven T. Lewis

Faatonusili o Faletusi: Troy R. Barker

Mo le okaina o mekasini, alu i le

store.lds.org po o le Faletusi Tutotonu

i Pesega, Telefoni 64127, Totogi o le

Mekasini: \$0.55 (Samoa) i le kopii, Totogi

mo le Tausaga Atoa \$6.60 (Samoa).

Auina atu tusitisiga ma faafesili

i luga o le initoneti i le liahona.lds.org: pe

meli mai i le Liahona, Rm. 2420,

50 E. North Temple, Salt Lake City, UT

84150-0024, USA; po o le i-meli:

liahona@ldschurch.org.

O Le Liahona (o lona uiga i le Tusi

a Mamona o le "tapasa" po o se

"faatonuula") e lomia i le faa-Alepania,

Aminia (Sasae), Pisilama, Palekeria,

Kemupotia, Sepuanu, Saina, Kalaoitia,

Siekiisolovakia, Tenimaka, Take, Igilisi,

Esitonia, Fit, Finelani, Farani, Siamani,
Eleni, Hanikeri, Initu, Iselani, Initonesia,

Italia, Iapani, Kiripati, Korea, Lativia,

Litunia, Malakasa, Masela, Monokolia,

Nouei, Polani, Potukala, Romania,

Rusia, Samoa, Saina (ua faafagofieina),

Silovenia, Sipaniolo, Suetena, Swahili,

Tagaloka, Tahiti, Tai, Toga, Lukureini, Urutu,

ma Viatename. (E esese lava gagana.)

© 2019 Puletaofia le Intellectual

Reserve, Inc. Ua taofia aia tatau uma.

Lomia i le lunaite Setete o Amerika.

Faamatalaga o le Puletaofia: Vagana ua

faailoa mai, e mafai e tagata taitoatasi

ona kopii anomea mai le Liahona mo lo

latou lava faaogaina patino, e le faia ai ni

pisinisi (e aofia ai valaauga o le Ekalesia).

O lenei aia tatau e mafai ona faaleogaina

i soo se taimi. E le tatau ona kopii na ita

pe afai o loo faaalia le faasaina i le laina o

faaaloaloga faatas i ma le faatufugaga.

Ia auina mai fesili e uiga i le puletaofia i

le Intellectual Property Office, 50 E. North

Temple St., FL 13, Salt Lake City, UT 84150,

USA; email: cor-intellectualproperty@

ldschurch.org.

Mo le Aufaitau i le lunaite Setete ma
Kanata: June 2019 Vol. 43 Nu. 6. LIAHONA

(USPS 311) Samoan (ISSN 1045-0947) is
published monthly by The Church of Jesus

Christ of Latter-day Saints, 50 E. North

Temple St., Salt Lake City, UT 84150. USA

subscription price is \$10.00 per year;

Canada, \$12.00 plus applicable taxes.

Periodicals Postage Paid at Salt Lake City,

Utah. Sixty days' notice required for change

of address. Include address label from a

recent issue; old and new address must

be included. Send USA and Canadian

subscriptions to Salt Lake Distribution

Center at address below. Subscription help

line: 1-800-537-5971. Credit card orders

(American Express, Discover, MasterCard,

Visa) may be taken by phone or at

store.lds.org. (Canada Post Information:

Publication Agreement #40017431)

POSTMASTER: Send all UAA to CFS

(see DMM 507.1.5.2). NONPOSTAL

AND MILITARY FACILITIES: Send address

changes to Distribution Services, Church

Magazines, P.O. Box 26368, Salt Lake City,

UT 84126-0368, USA.

SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Saili le lomiga o le taimi nei.
- Maua ai na'o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoaa atu tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

FAAFESOOTAI MAI I MATOU

Imeli mai au fesili ma manatu faaalia i le liahona@ldschurch.org.

Ia auina mai au tala e faatupu faatuatua i le i-meli i le liahonaldschurch.org, pe lafo mai i le:

Liahona, flr. 23

50 E. North Temple Street

Salt Lake City, UT 84150-0023, USA



**"O LE VALAAUGA O SE TAMĀ, E FAAVAVAU,
MA O LONA TAU A E LE NOATIA I SE TAIMI."**

Aoaoga a Peresitene o le Ekalesia: Ezra Taft Benson (2014), 194.

O NISI O AOAOGA
E SILI ONA TATOU FIAFIA
I AI E FAATATAU
I LE TULAGA FAATAMA

A e manaomia sina faamalo-siau, ia e tagai i se tasi o nei savali:

- Luka 15:20-24
- D. Todd Christofferson, "O Tamā," *Liahona*, Me 2016, 93-97.
- L. Tom Perry, "O Le Tulaga Faatamā, o se Valaauga e Faavavau," *Liahona*, Me 2004, 69-72.
- "O Valaauga Paia o Tama ma Tina," mataupu 15 i le *Aoaoga a Peresitene o le Ekalesia: Ezra Taft Benson*.
- "Alofa i le Aiga," mataupu 14 i le *Aoaoga A Peresitene O Le Ekalesia: Harold B. Lee* (2000).

Rodrigo Quintanilla

Valparaíso, Chile



Ina ua le mafai ona savali talu ai se faalavelave tau galuega, na le mafai ai e Rodrigo Quintanilla ona toe galue o se tagata uelo—pe faia foi le tele o isi mea. Ae na ia filifili e agai i luma ma le faatuatua, faalagolago i le fuafuaga a le Tama Faalelagi mo ia ma lona aiga.

LESLIE NILSSON, TAGATA PUEATA

A tupu se mea matua leaga ia i tatou, e mafai ona tatou tali atu i se tasi o auala e lua. E mafai ona tatou ita i le Atua ma o ese mai le Ekalesia, e le toe manao e i ai se sootaga i ai. Pe mafai foi ona tatou tootutuli, tatalo, ma faauau pea ona tuputupu ae.

Sa le'i leiloa lo'u faatuatua, ou te le'i fesili ifo foi ia te a'u lava, "Aisea na tupu ai lenei mea ia te a'u?" Sa ou musu e alu i lalo i lena auala.

Pe a oo mai se tofotofoga ia i tatou, ou te iloa ua saunia e lo tatou Tama oi le Lagi se auala e sao ai mai lena tofotofoga. A o ou toe malosi, o le i ai o le mafutaga a le Agaga Paia sa taua. Sa tatau ona ou toe faatulagaina a'u lava i le tulaga tau galuega, o lea sa ou tatalo ai mo le taitaiga a le Agaga. Na tali mai le Atua ia te a'u.

Ia i latou o e na mafatia i le faalavelave po o se mea na tupu na suia ai le olaga, ou te faapea atu, "E mafai ona faigata le olaga, ae ia tumau i le Ekalesia. Tumau i le talalelei. E sili atu ona faigata le olaga e aunoa ma le talalelei. Tuu atu le tele o taumafaiga e te mafaia, ma o le a faia e le Tama Faalelagi mea o totoe."



SAILI NISI MEA

Saili pe na faapefea e Libuletswe Gofrey Mokgatle mai Aferika i Saute ona faatuatua ina le Atua ma agai i luma ma se manaoga faapitoa i le lds.org/go/6196.

Aoao e uiga i punaoa a le Ekalesia mo tagata e i ai manaoga faapitoa i le lds.org/go/9184.

E mafai ona e maua isi Atatosi o le Faatuatua i le lds.org/go/18.



Mataupu Faavae o le Auaunaga

O LE AUAUNAGA O LE VAAI ATU I ISI E PEI ONA FAIA E LE FAAOLA

Sa faaaluina e lesu le tele o Lona taimi faatasi ma i latou o e sa vaaia e ese mai i latou; na la silasila i lo latou gafatia paia.

a tatou taumafaiga e auauna atu e pei o le Faaola, atonu e talosagaina i tatou e auauna atu i se tasi e ese mai ia i tatou. O lenei mea ua maua ai se avanoa mo i tatou e aoao ma tuputupu a'e ai.

O tulaga faaleaganuu, aoaoga, faala-potopotoga, tamaoaiga, matua, amioga i le taimi ua mavae po o le taimi nei, po o isi eseesega e mafai ona faigofie ai le faamasinoina o se tasi ae tatou te le'i masani

i ai. O lenei muai faamasinoina o loo i le totonugalemu o le faailoga tagata, ma o lea na lapatai ai le Faaola e uiga i ai (tagai 1 Samuelu 16:7; Ioane 7:24).

Mata e mafai ona tatou autilo i tua atu o eseesega ae vaai atu i isi e pei ona faia e le Faaola? E faapefea ona tatou aoao ia alolofa i isi mo le tagata moni o i ai i latou ma le tagata e mafai ona avea ai i latou?



Silasila Atu ma Alofa Atu

O loo ta'u mai e le Tusi Paia le tala masani o le alii mauoa na fesili pe faapefea ona maua le ola e faavavaau: "Ua silasila atu Iesu ia te ia, ua alofa atu ia te ia, ua fetalai atu foi ia te ia, E tasi le mea e le o ia te oe: Ina alu ia, faatau atu au mea uma, ma avatu i e ua matitiva, ona e maua lea o le oa i le lagi: i le ē sau ai, ma ave le satauro, a e mulimuli mai ia te au." (Mareko 10:21).

Ina ua suesueina e Elder S. Mark Palmer o le Fitugafulu lenei mau i nai tausaga ua mavae, sa faafuasei lava ona tumatalila mai se vaega fou o le tala ia te ia.

'Ua silasila atu Iesu ia te ia, ua alofa atu ia te ia.'

"A o ou faalogo i upu nei, sa faatumulia lo'u mafaufau i se ata manino o le Alii o loo tu ma *silasila atu* i lenei alii talavou. *Silasila atu*—e pei o le vaai totoa ma le mamana i totonu o lona agaga, silafaina o lona agalelei ma lona

gafatia foi, faapena foi le silafaina o lona manaoga silisili.

"Sosoo ai ma upu faigofie—ua *alofa atu Iesu ia te ia*. Sa ia lagona le alofa faagaeetia ma le agalelei mo lenei alii talavou lelei, ma *ona* o lenei alofa, ma *faatasi ai* ma lenei alofa, sa talosagaina e Iesu nisi mea mai ia te ia. Sa ou vaai faalemafaufau pe na faapei mo lenei alii talavou le lagonaina o lea ituaiga o alofa a o talosaga foi e faia se mea sa faigata tele e pei o le faatuaina atu o mea uma na ia te ia ma tuiuina atu i e matitiva. . . .

[Na ou fesili ia te a'u lava ia] 'E mafai faapefea ona faatumulia au i le alofa faaKeriso, ina ia mafai e [isi] ona lagona le alofa o le Atua e ala ia te au ma manao ia sui?' E mafai faapefea ona ou *vaai atu* [i tagata o siomia a'u] i le ala e tasi na silasila atu ai le Alii i le alii talavou mauoa, vaai ia i latou i le tagata moni o i ai i latou ma le tagata e mafai ona avea ai, nai lo na o mea o loo latou faia pe le o faia? E mafai faapefea ona avea atili a'u e pei o le Faaola?"¹

Aoao e Vaa'i Atu i Isi

O le aoao e vaai atu i isi e pei ona faia e le Faaola e maua ai tauri sili. O nisi nei o fautuaga e mafai ona fesoasoani ao tatou galulue agai i lenei sini.

IA FAAMASANI IA I LATOU

Fai le taumafaiga ia iloa tagata i tua atu o auiliiliga papau [superficial details]. Ia iloa o le fausiaina o sootaga e mana'o-mia ai le taimi ma taumafaiga faamaoni. (Tagai i le tusiga o le Mataupu Faavae mo le Auaunaga ia Aokuso 2018 "Fausiaina o Sootaga Anoa" mo se fesoasoani.)

ILOILO OE LAVA IA

Gauai atu i faamasinoga atonu o e faia ma le iloa po o le leiloa foi. Tusi manatu o lo'o e faia e uiga i isi ma taumafai ia malamalama pe aisea e faapea ai ou lagona e uiga ia i latou.

TAOIFI LE FAAMASINO ATU

Ia iloa e le o faamatalaina e tulaga le taua o se tagata. Tuu oe i o latou tulaga ma mafaufau i le auala e te manao ai i se tasi e vaai mai ia te oe pe afai e te oo i lea foi tulaga. O le vavaescina o filifiliga ma amioga a se tasi mai lo latou taua ma le gafatia faalelagi e mafai ona fesoasoani ia i tatou e vaai atu ai ia i latou e pei ona faia e le Faaola.

TATALO IA ALOFA IA I LATOU

Tatalo e le aunoa mo i latou e ala i le igoa ma mo le onosai e atiina ae se faigauo moni. Tagai atu ma le agaga tatalo i lau auaunaga. E i ai se va i mea o lo'o e faia ma mea latou te matuai manaomia?



Sa faaalu e Iesu Lona taimi e faatasi ai ma tagata mai le tele o auala eseese o le olaga: o e mauoa, o e matitiva, faipule, ma tagata lautele. Na masani ona aafia o ia i faamasinoga le tonu a isi tagata pe a latou tilotilo atu ia te Ia ma Ona foliga mativa po o le le taua. "A tatou vaai ia te ia, e leai sona lalelei tatou te mananao ai ia te ia. . . . Sa inosia o Ia, ae sa tatou lē manatu ia te ia" (Isaia 53:2-3).

VALAAULIA E FAATINO

O ai e te manaomia e vaavaai atu i ai i se auala ese? O le a se mea e te faia e sui ai le auala e te vaai ai ia i latou?

FAASOA OU AAFIAGA

Auina mai ou aafiaga ia i matou a o e auauna atu i isi po o le mauaina foi o se auaunaga. Alu i le liahona.lds.org ma kiliki i le "Auina Mai se Tusiga po o ni Manatu Faaalia."

Vaai Faa-Keriso

Ua faasoa mai e se tuafafine lenei tala e uiga i le aoao e vaai atu i se tuaoi ma fofoga o Keriso:

"O Iulia (ua suia le igoa) na nofo latalata ia te au ma na foliga mai e leai ni ana uo. Sa masani ona foliga e le fiafia ma ita o ia. E ui lava i lena, na tonu ia te au e avea ma se ue ia te ia. E le na o se ue faamasani, ae o se ue moni. Sa ou talanoa ia te ia i soo se taimi lava ou te vaai ai ia te ia ma faaalia lo'u fiafia i soo se mea na ia faia. E le'i umi, ae ou faia se sootaga faa-le-uo ma ia, ma aumaia ai le olioli i lo'u loto.

"I se tasi aso, sa ou filifili ai e asiasi ia Iulia ma fesili atu ia te ia e uiga i lana filifiliga o le le auai i le lotu.

"Sa ou iloaina e leai sona aiga e lata ane. Na o le tasi lava lona tei, o se tuagane e nofo mamao, ma e faa-tasi i le tau-saga ona talanoa ma ia e ala i le telefoni. A o ou faalogologo atu ia te ia o sasaa mai lona le fiafia, ita, ma le le mautonu e uiga i lona aiga ma le Ekalesia, o se lagona e lemafaafitio o le agaalofa ma le alofa mo lenei uso na matua malosi lava ona oo mai ia te au. Na ou lagonaina lona tiga ma le le fiafia. Sa ou iloaina le tuuatoatasi o lona olaga. Na pei na ou faalogo i se fuaiupu filemu i o'u tua: 'Ou te alofa foi ia te ia. Alofa ma faaaloalo ia te ia.'

"Sa ou nofo ma faalogologo seia oo ina le toe i ai sana tala. Sa ou lagonaina le alofa ma le agaalofa mo ia. O se uso lenei e le'i iloa lava pe faapei le alofagia. Na faafusei ona ou malamalamalama lelei ia te ia. Sa ou faafetai ia te ia mo le faatagaina o a'u ou te asiasi atu ia te ia, ma sa ou tuua o ia ma se fusi mai ma faatasi ai ma lo'u alofa ma le faaaloalo mo ia. O le a le



iloa lava e ia le tele o lona pa'i mai ia te a'u i lena asiasiga. Ua tatalaina e le Tama Faalelagi o'u mata ma aoaoina au o loo ia te au se gafatia ia alofa atu ai ma le faateleina o le agaalofa. Ua ou naunau i la'u faaiuga ia le gata o se ue ia te ia ae ia avea foi ma se aiga ia te ia."

O se mea paia le vala'auliaina i totonu o le olaga o se isi tagata. Faatasi ai ma le tatalo, onosai, ma le fesoasoani mai le Agaga, e mafai ona tatou aoao e faia faapea ma se vaaiga e faapei o Keriso. ■

FAAMATALAGA

1. S. Mark Palmer, "Ua Silasila Atu Iesu ia te Ia, ua Alofa Atu ia te Ia," *Liahona*, Me 2017, 115.

SUESUE ATILI

Aoao atili e uiga i le fa'afeiloa'i:

- Faitau "E Mafai Ona Lelei Atu Ona Tatou Faia: Faafeiloa'iina o Isi i totonu o le Lafu" i le *Liahona* o Setema 2017.
- Maimoa i taitai o le Ekalesia o faamalamalama mai nei aoaoga faavae i le lds.org/go/61911.





Saunia e Elder
Neil L. Andersen

O Le Korama
a Apostetolo e
Toasefululua

Auaunaga i se Auala e Sili Atu ona Paia

Ou te folafola atu ao e alofa atu i le Atua ma lou loto
atoa ma tatalo e avea ma meafaigaluega i Ona aao,
o le a tuu e le Alii Ona atalii ma afafine faapitoa i lou ala.

Ole tusi ua faaulatalaina *The Narcissism Epidemic* e amata i faataitaiga faateleina o le aganuu a Amerika i aso nei:

“I luga o se polokalama a le TV e faatatau i le olaga moni, o se teineitiiti na fuafuaina lona aso fanau lona 16 e mana’o e poloka se auala tele ina ia mafai ai e se failipu ona muamua atu a’o le’i faia lana ulufale tele i luga o se kapeta mumu. O se tusi ua faaulatalaina *My Beautiful Mommy* o loo faamatalaina ai i tamaiti laiti le faia o ni taotoga mo le faalaitiiti ai o foliga o o latou tina mo le ‘Mommy Makeover.’ Ua mafai nei ona faafaigaluegaina tagata pueata pepelo e mulimuli ia te oe i le pucina o lou ata pe a e alu i fafo i le po-e mafai foi ona e ave i le fare se mekasini lauliloa pepelo o faaalia ai ata. O se pese lauliloa e tautino mai, e aunoa ma se taufaifai manino, ‘Ou te talitonu e tatau ona siomia e le lalolagi a’u!’ . . . E ofuina e pepe ni talifaua o suiina i ai ni ‘Tagata Faatusa’ . . . ma susuina ni meataalo faamoepape ao faitaua e o latou matua ni solo faamoepape o aso nei mai le *This Little Piggy Went to Prada*.¹

I le avea ai o ni soo o Iesu Keriso, tatou te matua teena le manatu faapea o o tatou olaga e faatatau ia i tatou lava. Nai lo lena, tatou te mulimuli i le Faaola, o le na fetalai mai:

“O se fia sili ia te outou, ia fai o ia ma a outou auauna;

“O se fia muamua foi, ia fai o ia ma a outou tautua;

“. . . O le Atalii o le tagata e lei sau ia ina ia auauna mai tagata ia te ia, a ia auauna atu ia, ma foaiina atu lona ola e fai ma togiola e sui ai tagata e toatele” (Mataio 20:26–28).



Tatou te faatauaina Ana upu:

“Ia outou fealofani, e pei ona ou alofa atu ia te outou”
(Ioane 13:34; tagai foi Ioane 15:12).

“Fafaga i a’u tamai mamoe. . . . Fafaga a’u mamoe”
(Ioane 21:15, 16).

“Pe a liua mai oe, ona e faamalosi ai lea i ou uso”
(Luka 22:32).

“Fesoasoani i e vaivai, sii i luga lima ua tautau i lalo,
ma faamalosi tulivae ua vaivai.” (Mataupu Faavae ma
Feagaiga 81:5).

O se faataitaiga o le ituaiga o auaunaga faa-Keriso lea e
tupu i totonu o tagata o le Ekalesia a le Alii. Na tusi talu ai
nei se tamaitiiti aoga i le Iunivesite o Polika Iaga:

“Sa ou feagai ma se taimi sili ona faigata. I se tasi aso,
sa ou tauivi moni lava ma na toetoe a maligi ou loimata.
Sa ou aioi ma tatalo lemu mo le malosi e faaaauai ai. I lena
lava taimi, na aumai ai e la’u uo ma te potu faatasi se tusiga
e faailoa mai ai lona alofa mo au. Sa ia faasoa mai se mau
ma tuuina mai se molimau. Na aumaia ia te au le tele o le
malosi ma le mafanafana ma le faamoemoe i lena taimi o le
le fiafia.”

Se‘i ou fa‘asoa atua ni nai mafaufauga ou te faamoemoe o
le a faamalosia ai le auala sili ona mata‘ina e te auauna ai i le
tasi ma le isi. O lo‘u manatu muamua o le: Manatua le tulafono
muamua ao le‘i faia le lua. Na sau se tasi alii talavou i le
Faaola ma fesili atu ia te Ia:

“Le Aoao e, o le fea poloaiga o i le tulafono ua sili?

“Ona fetalai atu ai lea o Iesu ia te ia, E te alofa atu i le
Alii lou Atua ma lou loto atoa, ma lou agaga atoa, ma lou
manatu atoa.

“O le poloaiga muamua lena ma le sili.

“E faapena foi lona lua, E te alofa atu i le lua te tuaoi, ia
pei o oe lava ia te oe” (Mataio 22:36–39).

O lou gafatia e aumai se auala sili ona paia i le alofa i lou
tuaoi, i le tausiga ma le auauna atu i isi, o le a faalagolago
i le malosi e te tausia ai le poloaiga muamua.

O Se Isi Ituaiga o Auaunaga

O loo i ai se meaalofa tulaga ese ma paia o le auauna atu
lea e mafai ona sau mai se tasi e alofa i le Atua ma lona loto
atoa; o le ua mautu, mausali, ma le le mafaagaeetia i lona faa-
tuatua ia Iesu Keriso ma i le talalelei toefuataiina (tagai Efeso
3:17; Kolose 1:23; 1 Nifae 2:10; Mosaea 5:15; Alema 1:25;
3 Nifae 6:14); ma na te tausia poloaiga ma le atoatoa.

Sei ou tuuina atu ia te oe se mea ua e iloa. I le salafa o le
lalolagi, ua le mautu le augatupulaga laiti i lo latou faatuatua
aemaise lava i lo latou talitonuga i se tapuaiga faapitoa. Ina
ua ou faauu mai le BYU i le 1975, o le fuainumera o talavou
matutua (18 i le 24 tausaga) na i ai se sootaga ma se tapuaiga
e lata i le 90 pasene. O lenei ua pau i le 66 pasene. “O le tasi
vae tolu o le autalavou matutua e le i ai se sootaga ma soo se
lotu faatulagaina.”²

I le 2001, na tusia ai e se tagata atamai i mataupu faa-
lelotu o Robert C. Fuller se tusi ua ta’ua *Spiritual, But Not
Religious*.³ O se tulaga agai atu i le faaleagaga faaletagata
lava ia i fafo atu o faalapotopotoga faalelotu aloaia atonu
na moni i le 20 tausaga talu ai, ae e le moni i le asō. O tala-
vou matutua i le Iunaite Setete i aso nei e tatalo e aunoa ma
se taimi, talitonu itiiti i le Atua, talitonu itiiti i le Tusi Paia,
ma talitonu itiiti i poloaiga.⁴ E valea le talitonu e le mafai
e aga a le lalolagi ona faatosinaina i tatou uma—e oo lava i
tagata filifilia.

O le tausiga o isi, faaletino ma faalelagona, e manaomia ai se loto le manatu faapito ma le maaleale. O lenei popolega o se vaega taua o le talalelei. Ua faia i totonus ma fafo atu o le Ekalesia e tagata lelei, tagata talitonu ma tagata le talitonu. E tele tagata maoae, agalelei i le lalolagi atoa, ma e mafai ona tatou a'oa'o mai ia i latou.

Ae ui i lea, o le tulaga ese i se tagata liliu mai O Le Ekalesia a Iesu Keriso o le Au Paia o Aso e Gata Ai o se isi ituaiga o le auaunaga. I le avea ai ma soo o le Faaola, ua tatou mauaina ni avanoa e auauna atu ai i se auala e fesoasoani ai e taofia le faatuatua o se uo mai le faavaivai, e faamanatu atu ai i se uo i se auala agalelei o le faitauina o le Tusi a Mamona i aso uma lava e aumaia moni ai vavega, ma ua faaali atu ai i se tagata o le uarota o tulaga faatonuina o le Ekalesia ua le na o se seti o tulafono ae o se auala e faalatalata atili atu ai i tatou i le Atua ma aumaiia i tatou le fiafia.

O se tagata e i ai se loto lelei e mafai ona fesoasoani i se tasi e fai se pa'u [ua pa], ave se tuaoi i le fomai, fai se taumafataga o le aoauli ma se tasi o faanoanoa, pe 'ata'ata ma fai atu talofa e faafafia ai se aso. Ae o se soo o le poloaiga muamua e masani lava ona faaopoopo atu i nei

galuega taua o le auauna atu, uunaia le tagata o loo faia le mea lelei i le tausia o poloaiga, ma faasoa atu se fautuaga atamai e faamalosia ai le faatuatua o se tasi ua faamamulu atu pe o manaomia se fesoasoani i le siitia atu i luga o le ala na malaga ai muamua.

Ou te luiina outou ina ia faamalosia au tau-mafaiga e auauna atu ai faaleagaga i le tasi ma le isi. O le auauna atu faaleagaga e mafai ona amata i le taoina o ni kuki po o le taaalo i se taaloga o le pasiketipolo. Ae mulimuli ane, o lenei auala sili atu ona paia o le auauna atu e manaomia ai le tatalaina o lou loto ma lou faatuatua, ma le lototetele i le uunaia o le tuputupu ae lelei o loo e vaaia i se uo, ma le faaalia o le popolega e uiga i mea o e vaaia ma lagonaina e le o ogatusa ma le avea ai ma soo.

Sei o tatou le faafiaamitonu, ae ia tatou lototetele faaleagaga i le auauna atu i se auala e sili atu ona paia, aemaise lava e ala i le faamalosia o le faatuatua o isi. Ina ia faatupuina ou manatu, mafaufau i tulaga nei:

- E te iloa o lo'o faaalu e se uo se taimi tele e ta'alo ai i taaloga i luga o se telefoni poto ae e seasea auai i talanoaga e feso'ota'i ma autu o le talalelei.
- E te lagona e i ai se tagata o le uarota o i ai se faafitauli i ponokalafi.
- O loo faaaluina e au uo le tele o le taimi e ave ma tuuina ai i luga ni ata o i latou lava lea e agai atu ai i le le tauagafau.
- E te matauina o se tasi na foliga mai sa fiafia e talanoa e uiga i le Tusi a Mamona ae o le taimi nei e le o toe ta'ua lava.
- E te matauina o se tagata o le aiga na foliga mai sa fiafia e alu i le malumalu ae i le taimi nei ua le alu.
- E te matauina o se uo na tautala muamua ma le faatuatua e uiga i le fautuaga a le perofeta o lo'o tautala nei ma le faitio.



- Ua e iloa se faifeautalai ua maea lana misiona o le ua le aloaiaina le ofuina o laei ia atagia ai feagaiga o le malumalu.
- Ua e matauina e saili e se tagata o le uarota ni mafuaaga e alu ai i isi nofoaga i le Aso Sa nai lo le lotu.
- E te lagona ua amata ona le faamaoni se uo i mea laiti.
- E te iloa se tagata na i ai se malamalamā i ona mata pe a mae'a ona sau mai se misiona, ae o lenei ua foliga mai ua mou atu le malamalamā.
- E i ai sau uo e tausua i mea paia.
- E i ai sau uo o lona lotovaivai i tafaoga faamasani ua siitia atu i le "E le alofa le Atua ia te a'u."
- E te va'ai i le fa'atuatua o se uo o lo'o a'afia e ala i le fetuuna'i o le agavaa ma se mana'oga ia salamō.

E mafai ona e mafaufau i nei tulaga po o isi e pei o i latou? E i ai ni igoa patino e o'o mai i lou mafaufau? Sa fai mai le Apostolo o Paulo, "Aua tatou te le tau ma tagata, a o alii sili, ma faipule, ma alii o le pouliuli o lenei lalolagi, atoa ma agaga leaga i mea o i le lagi," (Efeso 6:12). O se tasi o manaoga silisili i le lalolagi atoa o le i ai lea o le tele o le faatuatua i lo tatou Tama Faalelagi ma Lona Alo, o Iesu Keriso, ma ia sili atu le naunau e mulimuli i poloaiga.

Auaunaga i le Tasi

Afai tatou te mulimuli i le mamanu a le Faaola, o le tele o la tatou auaunaga o le a mai le tasi tagata i le isi. I le fafine Samaria i le vaieli, na fetalai le Faaola:

"A o se inu i lenei vai e toe fia inu foi:

"A o se inu i le vai ou te avatu ia te ia, e le toe fia inu ia. . . .

"Ua fai mai le fafine ia te ia, Le Alii e, aumai ia te au lena vai, ina ia ou le toe fia inu. . . .

"[Ona ia faapea ifo lea,] Ou te iloa e afio mai [le] Mesia, o le ua igoa ia Keriso: ma pe a maliu mai, o le a ia tau mai mea uma ia i matou.

"Ona fetalai atu lea o Iesu ia te ia, O au lenei, o le tautala atu ia te oe." (tagai Ioane 4:13–15, 25–26).

E oo lava i le tautinoina atu o Lona lava paia, na auauna atu Iesu i le tasi.

E le pei o le suiga o se pa'u pa, na o se tasi le aafiaga faaleauanaga e seasea lava ona foia ai se faafitauli faaleagaga.



E mana'omia le taimi, talanoaga, ma aafiaga faamalosiau o le a fesoasoani i le toefausia o le faatuatua. E sau e pei o le sau mai le lagi nai lo se osofa'i e tasi mai se fagaau fuimu. E tatau ona e auauna atu pea lava pea pe a e fesoasoani i se tasi e toe foi mai i le Atua ma toe faalagolago i le Faaola ma Lana Togiola.

Ina ia auauna atu i le ala a le Alii, tatou te manaomia le fesoasoani a le Agaga Paia. Na saunoa malosi mai Peresitene Russell M. Nelson i lenei mataupu ao faagasolo le konafesi aoao ia Aperila 2018: "I aso a sau, o le a le mafai ona ola ai faaleagaga e aunoa ma le taiala, taitaiga, faamafanafanaga, ma le faatosinaga mafanafana a le Agaga Paia."⁵

Na faaopoopo mai Peresitene Nelson, "Ou te uunaia outou ina ia faateleina lou tomai faaleagaga o i ai nei e maua ai faaaliga faaletagata lava ia."⁶ Sa ia fautuaina i tatou ia tatalo, faalogo, tusitusi i lalo o tatou mafaufauga, ma faatino.

E mafai ona tatou faaaoga lenei mea e auauna atu ai i se ala e sili atu ona paia? Ia tatou tatalo, faalogo, tusia o tatou mafaufauga, ma fai taga e faatatau ia i latou e mafai ona tatou auauna i ai.

Tatalo mo ni avanoa e fausia ai le faatuatua i isi. E le o i latou uma e te fesoasoani i ai o ni tagata e te iloa. Ina ua auauna atu Iesu i le fafine ua oti lana tane mai Naina, sa agai

atu o Ia i le aai. Ae ui i lea, na vaai o ia ia te ia, sa alofa ia te ia, ma faatu ae lona atalii mai le oti. O Lana galuega na suia ai lona olaga (tagai Luka 7:11–15).

Tatalo ina ia oo mai ia te oe ni avanoa auauna atu, faalogo, tusi i lalo ni ou manatu, ona saunia lea e faia ni faatinoga ao tuuina mai tagata i lou ala.

E masani lava ona faagaeitia au i le tagi a le faisalamo': Na ou tepa i le itu taumatau, . . . a ua leai se tasi na fia iloa au: ua leai lava se alofaga ia te au; ua leai se tasi na te sailia au ia ou ola" (Salamo 142:4). Sei o tatou fesoasoani atu ia i latou o e lagona faapena.

Ia Faaavanoa se Taimi mo le Agaga

Ina ia maua le fesoasoani a le Agaga Paia, e tatau ona tatou saunia o tatou mafaufau ma loto. I la tatou augatupulaga, tatou te mana'omia le amio pulea ma le taofiofia i le auala tatou te fa'aaoga ai a tatou masini tekinolosi. Na saunoa mai Adam Alter, i lana tusi *Irresistible*, e uiga i amioga fai ma vaisu o tekinolosi ma ala o faasalalauga lautele. Na ia ta'ua Greg Hochmuth, o se tasi o enisinia na amataina le Instagram, o le na fai mai, "E i ai lava se isi faailoga apafai [hashtag] e kiliki ai. Ona faia lea o lona lava olaga, e pei o se meaola, ma e mafai ona avea tagata ma mea e le mautonu."⁷

Na faaopoopo mai Mr. Alter: "O le Instagram, e pei o le tele o isi faasalalauga faaagafesootai, e le gata. O le Facebook e le gata lana faasalalauga; o le Netflix e otometi ona sosoo mai le isi vaega o se ata faasolo; o le Tinder e faamalosia tagata e faaauau le fesuisuiia i le sailiga o se filifiliga e sili atu. . . . E tusa ai ma le tala a Tristan Harris, o se 'tagata fai mamanu lauiloa,' o le faafitauli e le o le leai o se malosi o tagata; ae o le 'o loo i ai le afe tagata i le isi itu o le lau [screen] o le latou galuega o le talepeina lea o tulafono faatonutonu a oe lava ia."⁸

Na faaauau le saunoaga a Mr. Alter: "O le fiafia [like] i luga o le Facebook ma le Instagram e taia ai se tasi o nota [uaua sa'o], e pei o le taui o le faamaeaina o se misiona i luga o le World of Warcraft, pe vaai foi i se tasi o au tuiti [tweets] na faasoa mai e le faitau selau o tagata e faaogaina le Twitter. O tagata e fatufatu ma fa'aleleia tekinolosi, taaloga, ma feso'ota'iga fefa'asoaa'i e lelei tele i mea latou te faia. Latou te faia le faitau afe o su'ega ma le faitau miliona o tagata faaaoga e iloa ai po o fea vaega o lo'o lelei ma po o fea foi e le o lelei—o le a le talaaga, sitaili tusitusi, ma leo e faatele ai le faaaogaina ma faaitiia ai le faanoanoa. A o tuputupu a'e se mea na tupu, ua avea ma se mea e le mafaamatalaina, o le auupega o le mea na tupu muamua. I le 2004, na manaia le facebook; [i aso nei,] ua fai ma vaisu."⁹

Ina ia mafai ona afio le Agaga i totolu o i tatou, e tatau ona i ai le taimi ma le avanoa. Ia aoao e tuu i lalo tou telefoni feaveai. Ia faatulaga le taimi e te le faaaogaina ai au tekinolosi.

I le taimi o le konafesi aoao ia Aperila 2018, na saunoa ai Peresitene M. Russell Ballard, Sui Peresitene o le Korama a Aposetolo e Toasefulu: "Ua anoanoai tagata ua faatagaina i latou lava e toetoe lava ola i le initonetia i a latou masini poto—o lau o masini e suluia ai o latou fofoga



i le ao ma le po ma meafaalogo i o latou taliga ua poloka ai le leo filemu ma le ititi o le Agaga. Afai tatou te le mauaina le taimi e sei ai le palaka, tatou te ono misia avanoa e faalogo ai i le siufogoa o Ia na fetalai mai, “Ia soia [ia], ma iloa o a’u o le Atua.’ [Salamo 46:10]. Ia e leai ma se mea e leaga ai le faaaogaina o tulaga lelei o tekinolosi ua musuiaina e le Alii, ae e tatau ona tatou atamamai i lo latou faaaogaina.”¹⁰

Faamalosia o le Tasi ma le Isi

I le taimi o o’u tausaga aoga i le BYU, e ese mai i lo’u toalua, o Kathy, o ana faatosinaga e le mafai ona fuaina, e toalua a’u uo na ma potu faatasi—o le tasi ao lei faia la’u misiona ma le isi na mulimuli ane—na matua mamanuina lo’u

faavae faaleagaga. O le tasi o Reid Robison, o se polofesa i le BYU i amiooga a faalapotopotoga [organizational behavior]. Sa ou feiloi ia te ia i la’u misiona, ma sa ma potu faatasi i se taimi mulimuli ane. O le sa’o a’ia’i o Reid i le mulimuli i poloaiga, lona alofa mo le perofeta, ma lana molimau le maluelue e uiga i le Faaola na faamalosia ai au ma i latou uma o loo siomia o ia. Ma ua faaauau pea ona avea o ia ma se faataitaiga ia te a’u mo le 45 tausaga talu ai.

O le isi na matou potu faatasi e igoa ia Terrel Bird, o loo nofo nei i St. George, Utah, ISA. Sa ou feiloi ia Terrel ao ma auai i le aoga maualuga i Pocatello, Idaho, ISA. E ui sa ma taaaalo faatasi i le pasiketipolo, ae na amata le ma faigauo ina ua ou matauina lona matua faaleagaga. Na te fa’asoaina faasamasamanoa mai ni manatu faaleagaga na ia maua atoa ai ma mataupu faavae o le olaga sa ia faitau e uiga i ai ma aaoaoina. Sa ou maofa i le faalogo atu i nei mea mai se tagata e 17 tausaga le matua. Na ma filifili ma te potu faatasi i le BYU.

I na aso, e le’i i ai ni matou komepiuta; na i ai masini talolomi [typewriter]. E ave e Terrel ia mau ia e taua ia te ia ma upusii na faatupupulaia uiga lelei, tusitusi i lalo, ona teuina lea i totonu o se atigipusa laitiiti ina ia mafai ona ia piki mai ai i aso taitasi. O se mea masani ia te ia le sili atu ma le afe mau ma upusii, o le tele o na mea o le a ia taulotoina. E ui sa ou faigaluega—faamamaina le faletusi i taeao uma mai le 4:00 i le 7:00—ma le tauaveina o se atoaga o vasega, i le matamata ia Terrel, na amata ona ou fausia la’u lava faila.

O se tasi lenei o upusii ou te manatua pea mai le toeitiiti 50 tausaga talu ai:

*Mafaufau o le mana o le Matai e mamanuina ma faia,
Ma o le Tagata o le Mafaufau, ma na te aveina pea
O le meafaigaluega o le Mafaufau, ma, faavaeina mea na te mana’o ai,
Na te aumaia le afe o ‘oli’oli, tasi le afe o mea leaga;—
Na te mafaufau faalilolilo, ma e o’o mai lava:
Siosiomaga o lona ata tioata.¹¹*

Ou te manatua foi, ioe, mau malolosi e pei o lenei:

“O a’u nei o le toetu ma le ola: o lē faatuatua mai ia te a’u, e ui lava ina oti, a e ola lava ia:

“O tagata ola uma o e faatuatua mai ia te au, e le oti lava”
(Ioane 11:25–26).

Na fesoasoani Terrel ia te au e tuu i lo’u mafaufau o se tagata fou i upu BYU o tusitusiga paia ma upu o le poto na uunaia ai au i lo’u olaga atoa. Ou te faafetai ia Reid Robison ma Terrel Bird mo le popole ia te au faaleagaga i se taimi na faia ai se eseesega.

O nisi nei o solo na tusia e lo’u tuaoi o Thomas L. Kay:

*Fa’afetai atu i le Atua mo i latou uma o e tuuina mai le faamafanafanaga
mo i latou e matua popole lava*





*I latou o e tuu o latou lima faataamilo ia i latou o e vaivai
ma aioi mo i latou i le tatalo
Faafetai i le Atua mo i latou o e faalogo i le loto
ma faalogo mai i upu
O le e iloa se vaaiga po o le pa'i malie
e sili atu nai lo le lalolagi atoa
Faafetai i le Atua mo i latou e sii i luga lima
ma faamalosia tulivae vaivai
O le na te toefuatai agaga
i se auaunaga filemu.¹²*

A'u ue pele ma uso a soo, ou te tuuina atu ia te outou la'u molimau mautinoa ou te iloa o loo soifua le Faaola. Ua toetu o Ia. Na te taitaia lenei galuega paia. O Peresitene Nelson o Lana perofeta faauuina i luga o le fogaeleele. O lo tatou taimi i le lalolagi e taua e faavavau.

Ou te folafola atu ao e alofa i le Atua ma lou loto atoa ma tatalo e avea ma meafaigaluega i Ona aao, auauna atu i tagata taitoatasi, fausia lou gafatia e maua faaaliga, ma faalagolago i le uunaiga a le Agaga Paia, o le a tuu e le Alii Ona atalii ma afafine faapitoa i lou ala ma o le a avea oe ma a latou agelu auaunaga, faamanuiaina o latou olaga e faavavau. O le a e auauna atu i se auala e sili atu ona paia.

Ou te tatalo o lenei mea e mafai ona avea ma se mea e taua ia te oe ao e faaauau pea i lenei ala sili ona taua o lo tatou olaga faitino. Ou te tuuina atu ia te outou la'u molimau mausali ma le mautinoa e uiga i le Faaola ma lo outou taua e faavavau ia te Ia ma o le a Ia toe afio mai ma o le a fusia i tatou o Ona atalii ma afafine, o Ona soo. ■

Mai se saunoaga i le faigalotu, "O Se Taulai Paia Atu i le Auaunaga," na tuuina atu i le Iunivesite o Polika Iaga i le aso 10 o Aperila, 2018.

FAAMATALAGA

1. Jean M. Twenge and W. Keith Campbell, *The Narcissism Epidemic: Living in the Age of Entitlement* (2009), 1.
2. Jean M. Twenge, *iGen: Why Today's Super-Connected Kids Are Growing Up Less Rebellious, More Tolerant, Less Happy—and Completely Unprepared for Adulthood* (2017), 121; tagai foi Figure 5.1, 121.
3. Tagai Robert C. Fuller, *Spiritual, But Not Religious: Understanding Unchurched America* (2001).
4. Tagai Robert C. Fuller, *Spiritual, But Not Religious: Understanding Unchurched America* (2001).
5. Russell M. Nelson, "Faaaliga mo le Ekalesia, Faaaliga mo o Tatou Olaga," *Liahona*, Me 2018, 95.
6. Russell M. Nelson, "Faaaliga mo le Ekalesia, Faaaliga mo o Tatou Olaga," 95
7. Greg Hochmuth, in Adam Alter, *Irresistible: The Rise of Addictive Technology and the Business of Keeping Us Hooked* (2017), 3; tagai foi Greg Hochmuth, in Natasha Singer, "Can't Put Down Your Device? That's by Design," *The New York Times*, Dec. 5, 2015, nytimes.com.
8. Adam Alter, *Irresistible*, 3; tagai foi Tristan Harris, in Natasha Singer, "Can't Put Down Your Device? That's by Design."
9. Adam Alter, *Irresistible*, 5.
10. M. Russell Ballard, "O Meaalofa Faapelepele mai le Atua," *Liahona*, Me 2018, 10.
11. James Allen, *As a Man Thinketh* (1902), frontispiece.
12. Thomas L. Kay, "Saints," in *The Road I've Taken* (2016), 16; tagai foi "Saints," music by Rachel Bastian, *New Era*, Sept. 1999, 51.



Fesoasoani i lsi ia Maua le Faamalologa a le Alii

Saunia e Merrilee Browne Boyack

Tna ia avea e pei ona i ai o Ia e tatau ai foi ona tatou faia mea na Ia faia: “E moni, e moni, ou te fai atu ia te outou, o la’u talalelei lenei; ua outou iloa foi mea e tatau ona outou faia i la’u ekalesia; *aua o galuega na outou vaai i ai ua ou faia ia faia foi e outou*” (3 Nifae 27:21; faaopoopo le faamamafa).

Sa ou mafaufau ia te au lava ia, “O a galuega a Keriso i luga o le fogaeleele?” Sa ou mafaufau muamua i mea e lua: auaunaga ma le faamalologa. O le auaunaga e mafai ona ou faia, ae o le faamalologa? E mautinoa lava sa le mafai ona ou fa’amālōlōina isi-pe sa mafai?

Sa ou i ai nei i le faagasologa o le toe manuia mai se taotoga lea na sosoo ai ma se afaina [o le tino] ogaoga matautia. Sa vave ona ou mafaufau ia i latou na fesoasoani ia te a'u i le faagasologa o lo'u faamasologa, ma o se lisi umi. Afai latou te mafai ona fesoasoani ia te a'u ia toe maua lo'u malosi, pe le mafai ea ona ou faia le mea lava e tasi mo isi?

E mafai e i tatou taitoatasi ona aoaoina le faatufugaga a le fomai.¹ Ua siomia i tatou e i latou o mafatia mai ma'i faaletino, faalemafaufau, ma le faaleagaga o le a faamanuiaina e ala i la tatou fesoasoani.

Asiasi i e Mama'i

O loo faapea mai le Mosaea 4:26, "Ou te manao ia outou faasoaa atu a outou mea i e matitiva, ia taitasi le tagata ma faia e tusa ma mea ua ia te ia, e pei o le fafagaina o e ua fia aai, faaoofuina o e ua lē lavalava, asiasi atu i e mama'i ma auauna atu mo lo latou mapusaga, faaleagaga ma faaletino, e tusa ma o latou manaoga."

O le ma'i—pe faaletino, faalemafaufau, pe faaleagaga—e mafai ona matua vavaeeseina. E fa'aalu e tagata le tele o itula na'o i latou i totonu o potumoe po o falema'i e taumafai ia toe manuia, ma e faigofie mo o latou agaga ona faavaivai. A o faateleina le pogisa, o le asiasiga a se uo agalelei po o se tagata o le aiga e mafai ona aumaia le malamalama i o latou olaga.

O le auala tatou te asiasi atu ai i tagata mamai e mafai foi ona taua. Na tali mai nisi o tamaitai i la'u fesili lea na fesili atu ai pe na faapefea ona fesoasoani isi ia i latou i le faagasologa o le faamalologa. O Judi o Arisona, ISA, na faapea mai, "O le faalogo . . . [o] se fesoasoani sili lea i taimi faigata. Faalogo ma le faamasino." O le faalogo ma le onosai, faamaoni, ma le

Tatou te faataitaia le faatufugaga a le fomai pe a tatou fesoasoani e aumaia faamanuiaga faamalolo a le Alii ia i latou o e mafatia mai ma'i faaletino, faalemafaufau, ma le faaleagaga.

alofa o se fesoasoani taua lea ia i latou o lo'o taumafai ia toe malolosi.

Na faasoaa mai e Linda o Kalefonia, ISA, le auala na fesoasoani ai se asiasiga a se uo ia te ia: "Ou te manatua na tagata faapitoa i lo'u olaga—ae maise lava i latou na matuai faalogo ma faailoa mai le fautuaga matagofie a le Agaga. Ina ua maliu lo'u toalua ma ou nofo toatasi ai i le 30 o o'u tausaga ma ni tamaiti laiti e toalima, sa ou lagonaina le loloto o le alofa o lo'u Tama Faalelagi ma le Faaola ona o la'u uo lelei o Karen. Sa tutusa ma manatu i le tele o taimi ma sa pipii ona "taliga faalogo". Ou te lei lagonaina lava le tuuatoatasi ao ia faamanatu mai pea ia te au le sootaga matagofie o loo ia te au o se afafine o le Atua."

O uso ma tuagane o auaunaga e matua'i mafai ona faataunuina lenei faatufugaga o le faamalologa. E taua le faalogo i mana'oga o i latou o lo'o mafatia. O nisi taimi o se asiasiga puupuu e talafeagai ona ua latou matua vaivai lava. O nisi taimi latou te lagona ai le tuuatoatasi ma le faanoanoa ma o se asiasiga umi o le a fetoui ma o latou mana'oga. E taua foi le gauai atu i o latou uiga patino. O nisi e mananaao i le le faalauaiteleina ma le filemu ao isi e mananaao i le tele o fegalegaleaiga ma le lagolago. E tatau ona tatou muai fuafuaina o latou mana'oga ona aapa atu lea e tusa ai.

Tauaveina o Avega a le Tasi ma le Isi

Na faamatala manino e Alema la tatou tautinoga e mulimuli i le faataitaiga a le Faaola ina ua ia fesili atu i tagata e talitonu i le Tusi a Mamona pe latou te naunau e "o mai i le lafu a le Atua, ma ta'ua o ona tagata, ma [ia] outou loto e tauave avega a le tasi, ina ia māmā" (Mosaea 18:8).

Tatou te tauaveina taitasi ituaiga avega eseese. O nei mea e sili ona faigata ona taulimaina pe a tatou mama'i pe tauivi ma



O I TATOU O AAO O LE ALII

"E silafia e Keriso le auala e auauna atu ai i isi ma le atoatoa. Pe a aapa mai aao o le Faaola, o le a uunaia i latou o e pai atu ia te la e avea ma tagata sili atu le maoae, sili atu le malosi, ma sili atu le lelei i le avea ai ma se taunuuga.

"Afai la o i tatou o Ona aao, pe le tatau ea ona tatou faia faapea?"

Elder Dieter F. Uchtdorf o le Korama a Apostolo e Toasefululu, "O Outou o O'u Lima," *Liahona*, Me 2010, 70.

ma'i faalemafaufau po o faigata faaleagaga. O se tasi o faatufugaga a le faamalolo o le fesoasoani i le tauaveina o avega a isi pe a latou mafatia.

Na faasoa mai Shannon mai Iuta, ISA, i le auala na fesoasoani ai ona tuaoi ia te ia: "O le aso na ma tanuina ai lo ma atalii laitiiti, na ma foi mai le fanuatanu ma vaaia ai na o mai faatasi le matou tuaoi i na itula ao matou i ai i lona falelauasiga e toe faaleleia atoa lo matou fanua. Sa latou totoina ni laau vao matagofie, laau, ma fugalaau, ma e oo lava i se mutia fou. I le lotolotoi o lo matou faanoanoaga le mafaatusalia, o lo latou faatinoga 'anoa o le alofa ma le lagolago na amata ai le faagasologa o le faamalogia mo i matou. Sa faamanatu mai ia i matou o le alofa ma le ola e faavavau i tausaga uma pe a toe fua mai lo matou fanua matagofie. [Sa avea] moni ma se aafiaga paia ma maoa'e lea o le a le galo lava ia i matou."

Ina ua ou maua i le kanesa o le susu, sa ou galue o se peresitene o le Aualofa ma auai atu mo le toe filifilia i le matou aufono a le aai. Na leai se galuega a lo'u toalua, ma na ma feagai ma le tele o nisi tofotofoga ogaoga i lena taimi. Na teu fatu e o'u fesoasoani le faaupuga "tauave e le tasi o avega a le tasi" ma fesoasoani e faasoa le uta o loo ou tauaveina. Na tauave e la'u epikopo nisi o a'u matafaioi. Na tauave e lo'u toalua le tele o tiute o le kuka ma le tausiaiga. Na matua

fa'ilotomaulaloina lava lo'u iloa o a'u avega e le'i aveesea, ae na faasoa i le tele o tagata na fa'ata'ita'iina le faatufugaga a le faamalolo ma'i.

Faamafanafanaina

Na aoao mai foi Alema o e mulimuli ia Keriso e "loto e faanoanoa faatasi ma e e faanoanoa; ioe, ma faamafanafana atu ia te i latou o e e manao-mia le faamafanafanaga" (Mosaea 18:9).

O le tuuina atu o le faamafanafanaga e aofia ai le lagona alofa, agalelei, mafaufau loloto, tausiga alofa, alofa, ma le alofa mama. O le affifina oi latou o e mamai pe mafatia i lima alofa e fesoasoani ia i latou e feagai ma o latou mafatiaga.

O Luann (igoa ua suia) na feagai ma se tauiviga faaleagaga ma le ola mama ma na tomanatu i lona aafiaga ma isi o e na faamafanafana ia te ia: "Na latou tepa atu i lo'u tagata i le taimi nei ma vaai i lo'u malosi gafatia, le gafatia e avea ai ma se tasi e sili atu, poto, agalelei. Ou te tepa i tua i le tulaga sa ou i ai ma o nisi taimi ou te faamimigi ai ma sina matamuli mo lo'u valea-o sina maasiasi mo a'u solitulafono ma auala agasala. Ae o le tui o le matamuli ma le maasiasi e masani ona mulimilitai i le vaifofo faamalolo o le alofa tunoa, agalelei, faamagalo, ma le alofa. Pe a ou vaai sa i

"Na latou fatuina se siosiomaga saogalemu e siomia a'u lea e mafai ai e le Faaola, le Fomai Sili, ona galue ai ia te a'u."

Faaola, le Foma'i Sili ia te a'u. Suia o a'u. Suia o lo'u loto."

O se vaega taua o le faamafanafanaina o ma'i o le liliu atu lea i le Fomai Sili. Fai mai Sabrina mai Iuta, "E leai se faamalogia e sili atu nai lo soo se tasi e fesoasoani ia te oe e saili pe toe foi atu i le Atua. Atonu e na o se faamanatu o mea ua uma ona e iloa—o loo e taumafai ia sili atu lou malosi nai loo le tulaga e tatau ona i ai, faia na'o oe lava, ae le faalagolago moni i le Atua."



Faamafanafana i e mamai ma fesoasoani ia i latou ina ia lelei e manaomia ai le mataalia i le Agaga. I se tasi o taimi o lo‘u olaga, ou te lei moe lelei i le tele o masina, e masani lava ona tusa ma le lua i le tolu itula i le po o le lelei o se moe. Sa ou mafatia tele mai le popole ma le vaivai; sa ou oo i le tele o fomai ae sa leai se aoga. Mulimuli ane, na faasino a‘u e se ue i se fomai o le Au Paia o Aso e Gata Ai, lea na vave ona ia tuuina mai ia te au se suesuega talafeagai. Ae o le isi mea na ia fai mai o se mea na faateia ai: “Merrilee, o le mea pito sili ona taua e tatau ona e faia o le liliu atu o lou popolega i le Atua.” Ona ia faamalosiau mai lea ia te au e mafaufau loloto i aso taitasi mo se taimi puupuu i le “O Le Keriso Soifua: O Le Molimau a Apostolo.”

Sa ou taumafaia lenei mafaufauga loloto i ni nai taimi e aunoa ma se manuia, ae sa ou moomoo mo le faamalologa. O le aso na sosoo ai, sa ou mafaufau loloto ma le filemu i upu mamana ia, “Matou te tuuina atu la matou molimau i le moni o Lona soifua le mafaatusalia ma le aoga e le gata o Lana taulaga togiola sili.”² O se fiafiaga na oo mai ia te au ao amata ona ou mafaufau loloto i le molimau a lo tatou Fomai Sili ma iloa ai ua ou maua le mafanafana ma le filemu i lo‘u agaga.

Gauai Atu

A o tatou suesue i tusitusiga paia ina ia mafai ai ona mulimuli ia Iesu i Ana galuega o le faamalologa, tatou te faitau ai e uiga i le faia soo e Iesu o le mea e tasi: Na ia gauai atu ia i latou na siomia o Ia.

Na silafia e Keriso tagata. Sa talanoa o ia ma le fafine Samaria e ui lava i sa faaleaganuu. Na Ia faaluina le taimi e faamanuia ai tamaiti. Na fai tausamiga o Ia faatasi ma le au telona ma tagata agasala ma auauna atu i tagata lepela ma e ua faate‘aeseina. Na Ia gauai atu i tagata taitoatas.

I le avea ai ma soo o Keriso o loo saili e aoao i Lona faatufugaga faafomai, ua mafai ona tatou amata e vaavaai atu i tagata i fosoga o Keriso. E mafai ona tatou faaluina le taimi e faamalo atu ai, ataata atu, fesili e uiga i le latou aso. Atonu tatou te le iloa le mana faamalolo ia tatou taumafaiga mo i latou o loo siomia i tatou o loo tuuatoatasi, faanoanoa, mama‘i, vaivai, pe mafatia. E oo lava i faatinoga faigofie o le alofa e mafai ona i ai se faatosinaga mamana.

A o tatou faia galuega a Keriso ma auai i le faamaloloina o isi, o le a tafe mai ai faamanuiga sili. E pei ona ta‘ua e Keriso, “Aua na faia e outou i le tasi o e aupito itiiti o o‘u uso nei, o a‘u lea na outou faia i ai” (Mataio 25:40). Ia te Ia o le na faamaloloina i tatou taitoatasi, ia te Ia o le na fusifusia i tatou i Ona aao alofa i le tele o taimi tatou te le iloaina, ia te Ia o lē na ofoina mai ia i tatou le mana faamalolo o Lana Togiola, e mafai ona tatou ofoina atu a tatou taumafaiga laiti e fesoasoani e faamaloloina o tatou uso ma tuagane. O le faamoemoe moni lenei a le faatufugaga faamalolo. ■

E alala le tusitala i Iuta, ISA.

FAAMATALAGA

1. Tagai “Faaoa e Ia Ou Alofa,” *Viiga*, nu. 150.

2. “O Le Keriso Soifua: O Le Molimau a le Au Apostolo,” *Liahona*, Me 2017, totonus o le faavaa pito i luma.

Fugalaau ma le Saogalemu Tautupe

Saunia e Mechel Wall

Ua faateleina e le Alii lo‘u malosi, faateleina ou tomai, ma na Ia faia ia sili atu lo‘u tulaga nai lo o le mea e mafai ona faia e a‘u lava.

Ole mea moni na avea ma faalavelave i taimi uma ia te au lo‘u le faauu mai le kolisi. Sa ou iloa afai e i ai se mea e tupu i lo‘u toalua, ou te le‘i saunia i le itu tautupe e tausi ai lo matou aiga.

Ona tupu lea o se mea e le‘i mafau-fauina. Na ou mauaina se valaaau tau-faamatau, ma suia ai le olaga mai le telefoni.

“Vili le 911!” o le ee lea a lo‘u toalua atuatuuvale. “O loo ou mau i lalo o le palau!”

Na ou valaaau mo le fesoasoani ma na vave lava ona ou taunu i le fanua sa ia faamamaina, pasia ai le laina umi o taavale faalavelave faafuasei i luga o le auala maa agai atu i le matou fanua i Pea Ridge, Arkansas, ISA. Na ola Barry, ae e moi sa mau o ia i lalo o le afi o le palau lea na mafuli.

I le faaaogaina o meafaigaluega mo le lavea‘iina, na sii i luga e le aufaigaluega o faalavelave faafuasei i le palau ma toso ese Barry. O ona vae, susu i le suauu tiso, na foliga mai na gau solo. Sa faanatinati atu o ia i se nofoaga tutotonu mo ma‘i tigaina, lea na ia mauaina ai se faamanuiaga faaleperisitua ao lei faia lana faata mo ona vac.



Na matou maofa ona e leai se ponaiivi na gaui, ae o le pito i tua o se tasi o vae o Barry na matua mu i le suauu tiso. O le faalavelave lea na omia ai na amata ai foi ona aafia ona fatuga'o. Na tulaga faaletonu lona ola.

Ina ua mavae ona faaaluina e Barry ni aso tuga e lima i le falema'i, na amata ona pau i lalo le aofai o vaega ona i ona fatuga'o. Na mulimuli mai ai masina e tele o le suiga o fusiga, sosooga o le pau, taotoga, ma le togafitiga e faaaoga ai le okesene [hyperbaric oxygen therapy]. Ina ua amata ona ia faalogoina ua malosi, na toe faaaauau le galuega faatau oloa a Barry mai le fale.

"E Leai Se Isi e Faafaigaluegaina A'u"

O lenei aafiaga na avea ma se valaau ua fafaguina ai a'u. A o o'u faaaluina le tele o tausaga o mafaufau i mea e mafai ona ou faia pe a leai Barry, sa ou faia ni galuega volenitiae, auai i vasega, ma saili ni galuega faavaitaimi. Ae e leai ni ou tomai faapitoa tau-maketi, ma e leai se isi na te faafaigaluegaina a'u.

Matou te nonofo i se faatoaga, faatasi ai ma fanua lafumanu mo nai manu, o lea na amata ai ona ou su'esu'e i le olaga fafaatoaga. I se tasi aso na oo mai ai se manatu ia te a'u: fugalaau. Ina ua mae'a ona ou suesue e faatatau i le faiga o fugalaau, na ou filifili loa e faataitai. Sa ou alu i se konafesi mo tagata fai-togalaau ma sauniuni mo le fesuiaiga mai le fai lafumanu i le faitogalaau. O lea, ia Novema 2016, sa ou lesitala ai mo se vasega o le Auaunaga mo le Ola

Tutoatasi i le auala e amata ai ma faola ai la'u lava pisinisi.

O La Matou Lava Faleoloa Fugalaau

O le kosi 12-vaiaso o le mea tonu lava lea na ou manaomiaina. Sa i ai la'u fuafuaga faapisinisi ma le tele o manatu malie, ae sa leai sa'u faatulagaga. Na i ai ni manatu na oo mai i le taimi o le vasega ou te le'i mafaufauina muamua. Sa ou galue i vaega taitasi. A o o'u faigaluega i lena tausaga muamua i le totoina ma le faatauina atu o fugalaau, o fautuaga ma mataupu faavae sa ou aoaoina i le vasega na amata ona aoga:

- Sa ou maua se nonogatupe faapisinisi e maulalo le tului.
- Sa ou faalauteleina la'u maketi e aofia ai maketi faatau a le aufaifaa-toaga ma faleoloa mo fugalaau.
- Na ou faatonuina ni nai gaoioiga i la matou faatoaga o se faalaute-lega o a'u auaunaga.

I le taufaauiuga o le 2017, ina ua mavae lo'u tausaga muamua o le faifaatoaga, na ou iloa ai o le faatau atu i faleoloa o fugalaau na tele le taimi na alu ai. "Ae a pe afai ou te tatalaina la'u lava faleoloa mo fugalaau?" O lo'u mafau-fau lea. Ua tapunia le faleoloa fugalaau i le lotoifale, ma ua avea le fale ma faatiga mata. O lea na ma faatauina ai ma lo'u toalua, toe faaleleia, ma tatala se faleoloa mo fugalaau lea e faatau atu ai foi faatufugaga ma meataulima mai le lotoifale. E le gata i lea, na ou tatalaina se pisinisi laau mautotogi ma

le teuina o totolu o fale i laau.

Ou te faatauina atu a'u fugalaau e ala i la matou faleoloa ma i fale fai kofe, faleoloa mo lavalava, ma se faleoloa i le malaevaalele mo le lotoifale. O aso taitasi, ou te seleselai ai mea ou te manaomia.

E Alofa le Alii

E i ai la'u molimau e alofa le Alii i la'u pisinisi. Na fesoasoani mai o ia ite au e faatuina le saogalemu mo a'u lava *ma* galuega faavaitaimi mo le tele o tamaitai o e mananao e galulue i ni taimi fetuutuunai ma mo tamaiti o loo faigaluega ma aooga. O se tasi o le ma fanau teine e pulea le faatoaga fugalaau, ma o le ma fanau tama e toalua o loo faia le tele o galuega o le faatoaga, e aofia ai le fesoasoani i le fausiaina o se fale faasao mo laau. O Barry e fesoasoani i afiai ma faiiuga o vaiaso, i le faiga o galuega mamafa.

Matou te lagolagoina uma le tasi ma galulue faatasi. Ua avea o se faamanu-iaga mo tagata uma o aofia ai. Ou te pisi lava ae o loo i ai pea le taimi mo lo'u aiga, valaauga o le Ekalesia, tiute faale-auaunaga, ma galuega volenitiae.

O le galue mai le taimi ou te totoina ai se fatu po o se tama'i laau i le taimi ou te tuuina atu ai se fugalaau i se tagata faatau ou te maua ai se lagona maoae o le ausiaina. E leai so'u masalosalo ua faateleina e le Alii o'u tomai, ma na ia faia ia sili atu lo'u tulaga nai lo o le mea e mafai ona faia e a'u lava. ■
E alaala le tusitala i Arkansas, ISA.

Mareta ma Maria

Saunia e Camille Fronk Olson

Polo fesa Litaea ma le Faamamaluina o Tusi-tusiga Paia Anamua, Iunivesite a Polika laga

Tusa lava po o le a le auala tatou te filifili e auauna atu ai, e taua tele le talia ma mulimuli ia Keriso ma le loto ma le mafaufau atoa.

I se taimi na matua'i toatele ai le nunumi i Ierusalema i le leiloa po o ai tonu le Faaola, na aoao mai ai Iesu, "Ai se tasi e fia fai lona finagalo, e iloa ai e ia le mataupu" (Ioane 7:17). Afai tatou te mananao ia sili atu mai na o le aoaoina o le mataupu faavae ma le aoao po o ai Iesu Keriso ma avea ma Ona so'o, e tatau ona tatou galueaiina lo tatou faatuatua. O le tala ia Mareta ma Maria o loo faaali mai ai e sili atu ma le tasi le auala e auauna atu ai i le Faaola i o tatou olaga.

E lei leva ona uma lenei lauga, ae o atu Iesu ma nisi o Ona soo i le fale o Mareta i Petania e aoao atu ai le talalelei. Na faamuamua e Mareta le tiutetauave o le tali atu o se tagata talimalo agalelei, atonu o le saunia o meaai ma fale mo ana malo, ae o lona uso, o Maria, na nofo i tafatafa o aao o Iesu ma faalogo ia te Ia o fetalai. (Tagai Luka 10:38–42.) O auala eseese a le auuso e auauna atu i le Matai ua aoao ai i tatou ia faaaloalo ma faamamalu ia i latou o loo faaalia le avea ma soo i auala eseese. O aoaoga a Iesu i lenei tala o loo faaalia ai foi

Lana vaaiga faapea ua saoloto tamaitai e filifili pe faapefea ona auauna atu ma pe faapefea foi ona faaalia le avea ai ma soo, e pei lava ona mafai e alii ona filifili.

Auauna Atu e ala i le Foai Atu

I le taimi lava ao lei faailoa mai e Luka Mareta ma Maria, na ia tusia le faataoto i le Samaria agalelei. I lenei tala, na aoao mai ai i tatou e le Faaola ia faaali atu le alofa mutimutivale i isi, e pei o le fafagaina, malupuipuia, ma le tausia o soo se tasi o loo manaomia le fesoasoani (tagai Luka 10:30–37). O taumafaiga a Mareta i le "fatuaiga" (Luka 10:40) o loo faailoa mai ai lona talia ma le faauigaga o lenei mataupu faavae ao ia faatuatua.

O le faaaliasina o Lana a'oa'oga o ia o le sili e auauna atu i isi (tagai i le Mataio 20:26–28; Luka 22:26–27), na fa'aalu e Iesu Lona soifuaga e auauna atu ai. Na tali Mareta ma lona manao e auauna ia te Ia. O le tala ia Mareta ma Maria o loo faaalia ai ni tamaitai se toalua o loo avea ma faataitaiga o le talitonu moni ma le avea ma soo e ala

i le auauna atu ma le aoaoina. E pei lava ona faaalia e Mareta lona alofa mo Keriso e ala i le auauna atu, e mafai ona tatou tuuina atu le auaunaga ia i latou o siomia i tatou o loo taulai atu i lo tatou alofa mo lo tatou Faaola ma lo tatou naunautai e aoao ma mulimuli i Lana talalelei.

A'o tatou galulue, e mana'omia ona tatou manatu o lo'o i ai isi auala e galulue ai ma tatou te le faamasinoina i latou e auai i ai. Ina ua "tiga" Mareta (Luka 10:40), o ona uiga na faaalia ai fefinauaiga ma faamata'uina le fiafia o le asiatisiga a le Faaola.

E ui na talimalo ma taulimaina, ae sa faamamafa i le mafaufau a Mareta ma gauai atu i lona pisi. Na faitio o ia, "Le Alii e, e te le manatu mai ea ua tuu mai e lo'u uso ia te au e sauni toatas? fetalai ane ia ia te ia, ia fesoasoani mai ia te au" (Luka 10:40). O lona tetee na faaalia ai lona manatu e na o ia lava na auauna atu. Sa tauaso o ia i auala eseese o auaunaga na tuuina atu e isi i lena taimi, e aofia ai Maria ma le Faaola Lava Ia. Na faaalia e Mareta le mataupu faavae o le foai atu ae na o



E mafai ona tatou faaaaoga faataitaiga a Mareta ma Maria i o tatou olaga ma ole atu mo le taitaiga a le Agaga e auauana atu i le auala sili.

se uiga e le talafeagai i le Agaga. I o tatou olaga i aso nei, e mafai foi ona tatou faaalia lo tatou alofa mo isi e ala ia tatou amioga *ma* o tatou uiga faaalia.

Auauna Atu e ala i le Talia

Faatasi ai ma se leo o le lapataiga, na faailoa atu ai e Iesu ia taumafaiga a Mareta e auauana atu ma lona taunuuga le mautonu: “Mareta e, Mareta e, ua e popole ma ua pupu lou loto i mea e tele” (Luka 10:41). O upu a le Faaola e le o le faaleaogaina o le auala filifilia a Mareta e faaalia ai le talimālō ae ia faaalia le aia tatau a Maria e auauana atu e ala i le faalogo ma le aoaoina. O faatinoga a Maria o loo faaalia ai ia i tatou mea e taua mo i latou uma o e mananao

e mulimuli ia te Ia po o le a lava le latou auala filifilia e auauana atu ai.

Na faatagaina e Maria le Faaola e auauana atu ia te ia e ala i le mauaina o Lana afioga. O lana faataitaiga ua faaalia ai e mafai ona tatou faaalia le alofa mo le Faaola e ala i le nofo i Ona aao e aoao ma tuputupu ae ai i le Agaga.

O Le Mea Lava e Tasi e Ao Ina la Maua

O le tali i le feteenaiga a Mareta o le iloaina lea “o le mea lava e tasi e ao ina ia maua” (Luka 10:42). O le mana loloto o le faigofie o loo faaaogaina, ae o le *faigofie* e mafai ona faauigaina o se mea e ese ia i tatou ta’ito’atasi. O le tulaga o le “maua” e le maua i totonus o a tatou galuega ae o a tatou faamoemoega.

Tusa lava po o le a le auala tatou te filifili e auauana atu ai, o le mea taua o le taliaina ma le mulimuli ia Keriso ma le loto ma le mafaufau atoa.

Atonu o le auauana atu i se “aula a Mareta” e mafai ona sili ona lelei i nisi o taimi, ae o isi taimi o le a foliga mai o le “tali a Maria” —e oo lava i se mea e le talafeagai i na vaega e lua. E mafai ona tatou faaaaoga faataitaiga a Mareta ma Maria i o tatou olaga ma ole atu mo le taitaiga a le Agaga e auauana atu i le auala sili.

Sei o tatou tilotilo i a tatou amio ao tatou auauana atu i o tatou lava ala filifilia, ma manatua o lo tatou talitonuga maumaututu e mulimuli ia te Ia, o le mea e sili ona taua. Talosia ia tatou maua pea i tatou i aao o le Faaola. ■



Saunia e Epikopo
Dean M. Davies

Fesoasoani
Muamua i le
Au Epikopo
Pulefaamalumalu

O Le Avea ma Soo o le Taitaiga Faalelagi

Afai o le a e saili e avea ma soo moni o lo tatou Faaola pele,
o le a taitaia ou ala e Alii le Atua o le lagi.

O u te fia tautala i ni fesili se lua sa ou manaomia le taliina a'o ou laitiiti.
Muamua, afai e te tuuto atu lou olaga i le auaunaga a le Atua, mata o le a Ia taitaia ou laasaga ma faaaoga oe mo Ana fuafuaga amiontonu? Lua, afai e te filifili e mulimuli i le Faaola ma savali i le ala o le avea ma soo, mata o le a puipuia oe e le Alii, taiala oe, faamanuia oe, ma faatumuina oe i se agaga o le olioli ma le faamalieina ao Ia faaaogaina oe mo Ona faamoemoega?

Ou uso e ma tuafafine pele, afai tou te tuuina atu o outou loto i le Faaola ma taumafai e savavali i le faatuatua ma le agaalofa i le ala ua Ia poloaiina, ou te iloa o le a faaaogaina oe e le Alii i auala e le mafai ona e mafaufauina.

“Ae e le o a'u o se tagata faapitoa,” o la'u tala lea. “E pei lava a'u o isi tagata i tulaga uma, Ou te le o atamai tele, malualii, laei lelei, pe amio lelei foi. E faapefea ona faaaoga a'u e le Atua?”

Talu mai le amataga o taimi, sa aapa atu lo tatou Tama Faalelagi ia i latou o e tulaga tutusa ma isi ma faaaogaina i latou mo Ona faamoemoega. Na tusi atu le Apostolo o Paulo ia te outou i le aso, e pei lava ona ia faia i tagata Korinito anamua:

“Ua filifilia e le Atua mea valea a le lalolagi ina ia faamaina e popoto; ma mea vaivai a le lalolagi ua filifilia ia e le Atua e faamaina ai mea malolosi;

“Ma mea a tagata nuu, ma mea faatauvaa a le lalolagi, ua filifilia ia e le Atua, atoa ma mea e leai, ina ia faaleogaina e ia mea o i ai:

“Ina ne'i mitamita se tagata e toatas i ona luma”
(1 Korinito 1:27–29).

Ina ua oo mai le taimi mo lo tatou Faaola e toefuatai mai ai Lana Ekalesia i le lalolagi, aisea e te manatu ai na Ia filifilia se tamaitiiti faatauvaa e le'i tele sona aoaoina aloaia?

O le a sou manatu aisea na ta'u atu ai e le Atua ia Kitiona, o se faifaato'aga, e auina atu pea fitafita i le fale seia o'o ina na o le 300 alii na totoe e feagai ma le fili le mafaitaulia? (tagai Faamasino 7:1–25).

Aisea e te manatu ai na filifilia e lo tatou Faaola se faifaiva e avea ma Ana Apostolo sili ma taitai le Ekalesia ina ua mavae atu o Ia? (tagai Mataio 16:18).

Muamua, talu ai “e le vaai Ieova pei o le vaai o tagata; aua e vaai tagata i le tino, a e vaai Ieova i le loto” (1 Samuelu 16:7).

Lona lua, aua e mafai e le Atua ona ave le ele'ele sili ona faatauvaa ma faia ai o se mea sili ona matagofie. E moni, “afai ua au ma i tatou le Atua, o ai se e faasagatau mai?” (Roma 8:31).

Lona tolu, e filifilia e le Atua ē vaivai ina ia leai se tasi e mafai ona mitamita ma fai mai, “Ua ou faia lenei mea mai lo'u lava atamai.”





Pe a ave e Peteru, o se faifaiva faatauvaa, se vaega toaitiiti o tagata talitonu ona ia leoleo lea oi latou i totonu o se Ekalesia malosi, e sii e tagata o latou leo ma faafetai atu i le Atua.

A osofaia se autau o le faitau afe o tagata e se vaega o le 300, e viia e tagata le Atua.

Ina ua tuua e se tama faifaatoaga le suotosina ma faaliliu le tusitusiga aupito sili ona musuia ma suia ai le olaga talu mai le Tusi Paia, e le viia tagata i le atamai o le tagata ae i le mana o le Atua.

E le manaomia oe e le Tama Faalelagi ia e malosi, atamai, pe tautala lelei. Na te manaomia oe e liliu atu lou loto ia te Ia ma saili e faamamalu o Ia e ala i le auauna atu ia te Ia ma aapa atu ma le agaalofa ia i latou o siomia oe.

Auaunaga a le Agaga Paia

O le mea lona lua ou te manao e faamamafa atu ia te oe, afai o le a e mulimuli i le Atua i le moni ma le malosi, o le a Ia faamanuiaina oe i auala e le mafai ona e malamalama i ai.

I le 2006, na fuafua ai e Peresitene Gordon B. Hinckley (1910–2008) ma le Au Peresitene Sili e tatau ona i ai se malumalu e fuafuaina mo San Salvador, El Salvador. Sa matou asiiasi i le tele o fanua, e aofia ai le poloka atoa o le aai o lo'o i totonu o le ogatotonu o le taulaga. A o matou tietie atu mai lea fanua i lea fanua, e leai se mea na foliga mai e lelei.

Mulimuli ane, na matou pasia se eria ua amata ona atinai e le itu i sisifo o le aai. Sa ou lagonaina se mea i lena eria ma

savalivali solo i ni nai poloka. O le tasi fanua na siosiomia e se puipui na tulagaese mai lava. Sa ou aapa atu i tagata e onaina ma mauaina le tala e le o avanoa le fanua, o lea na ou alu ai i le fale.

Ae na fai mai le perofeta o le a fausia se malumalu i San Salvador, o lea na ou toe foi ai e matamata i isi fanua. Na tote tosaina atu a'u i le fanua ma le puipui, ma ou toe faafesoottia'ia. Sa latou toe fai mai e le o avanoa le fanua.

Na ou toe foi i le fale ae sa le mafai lava ona luluesea le lagona faapea o le nofoaga lenei e tatau ona i ai le malumalu. Sa ou faafesoottia le aiga ma talosagaina pe mafai ona latou feiloi ia te a'u. Sa latou malie i ai. O lea, sa ou toe malaga i San Salvador, faatasi ai ma Robert Fox, o se uo ma se tagata faigaluega i le vaega o meatotino a le Ekalesia. O lena taeao na ma tootutuli ai i le tatalo i totonu o lo'u potu ae le'i amataina le aso ma ole atu mo le fesoasoani a le Alii.

A o matou tietie e ui atu i le pa e agai atu i le fale, sa toetoe lava e pei o ulufale atu i se togalaau paia. Sa i ai laau ma fugalaau, ma o le pisapisao mai le pisi i fafo atu na gata i le pa. Na faatalia mai i ma'ua e le susuga ia Miguel Dueñas, lona uso, ma atalii e toalua a Miguel. Sa latou faafeiloaia i ma'ua ma avatu i ma'ua i le fale o o latou augatuaa—lea e tele ma lautele.

Sa ma ta'u atu ia i latou sa ma i ai iina ona o se valaauga mai le peresitene o la matou Ekalesia ma sa manao o ia e faamanua le atunu ma tagata o le Ekalesia e ala i le fausiaina o

se malumalu iina. Sa ou faaali atu ata o isi malumalu. Sa ou fai atu sa ma lagona o lo latou fanua, o le fale o o latou augatuaa, o le nofoaga sa'o lea.

Sa le o se mea na faateia ai ina ua latou toe teenaina, ae e tatau ona ma faia se taumafaiga. Ma o lea mo le toeitiiti atoa le itula na matou taumafai ai i auala uma lava, e pei o se faatau sa'o, se fesuiaiga o meatotino, ma isi filifiliga uma e mafai ona ma mafaufau i ai. Ae na latou mausali lava i le latou faaiuga ma fai mai leai i ofo uma.

Sa ma faia mea uma e mafai ona ma faia. Sa ma saunia. Sa ma faia le mea sili i auala sa ma iloa. Ae sa le'i lava lea.

Sa tumu lo'u loto i se tatalo faanatinati: "Tama, faamole-mole fesoasoani mai ia i maua ia iloa upu e fai atu po o le mea e fai."

Na iu lava ina manino mai ua le manuia le ma malaga. Na foliga mai e leai se mea e suia o latou mafaufau. Ae a o amata ona ma sauni e o ese, na i ai se mea na tupu. Na ulufale atu le Agaga o le Alii i totonus o le potu. O se mea mautinoa. Na lagona e tagata uma i le potu. O se tasi lea o aafiaga sili ona mamana faaleagaga na ou lagonaina.

O Miguel Dueñas, e le o se tagata o le Ekalesia, na amata ona tagi. Na faliu Mr. Dueñas i lona uso ma fai atu, "Afai e le mafai ona faatau atu le fale o o tatou augatuaa, pe le mafai ea ona tatou faatauina atu le vaega pito sili ona lelei o le fanua o loo i le isi itu o le auala?"

Na tali lelei mai lona uso. Ona matou talanoa lea e uiga i le isi fanua. Sa latou umiaina le ta'i selau eka i le isi itu o le auala autu mai le fale a o latou augatuaa, ma o le ogatotonu o le fanua o loo osooso ese atu ina ia mafai ai e taavale uma e malaga i le auala ona vaai i le malumalu.

O le fanua lena na latou ofoina atu mo le malumalu o le Alii. Sa avea moni lava ma se vavega. Mai lena taimi e agai mai i luma, na i ai faamanuiaga a le Alii i le faagasologa. I le aso 21 o Aokuso, 2011, na faapaiaina ai e Peresitene Henry B. Eyring, ao Fesoasoani Muamua i lena taimi i le Au Peresitene Sili, le malumalu mo le auaunaga a le Alii.

Ou te molimau atu o loo tu se malumalu matagofie i atumauga o San Salvador ma e le o se taunuuga o se upu po o se mea na faia e Uso Fox po o a'u. O loo tu ai iina i aso nei ona o le auaunaga mamana a le Agaga Paia a lo tatou Atua Silisilise.

O Lo Tatou Tama Alofa

Afai e popole tele le Alii e auina mai Lona Agaga ma faavavanoaina se nofoaga mo se malumalu, e te le o manatu ea o le a Ia auina mai Lona Agaga ma saunia lou loto ma taiala ou ala?

E le mafaamatatalaina le sili atu o lou taua nai lo se fasi fanua. O oe o se atalii/afafine faapelepele o le Atua. O oe o le fanau a le Atua o le atulaulau!

E te le manatu e silafia oe e Ia? E te le manatu o le a Ia faaogaina oe ma faamanuia oe i auala sili atu ona mamalu nai lo mea e mafai e oe ona mafaufau i ai?

Ua ta'u mai e tusitusiga paia ia i tatou afai tatou te "faatutua ia Ieova ma o [tatou] loto atoa; ae aua le faalago-lago i le [tatou] lava atamai," afai o tatou ala uma tatou te "manatua o ia, . . . ona faatonuina ai lea e ia lava [o tatou] ala" (Faataoto 3:5–6).

O le Tupu o Peniamina na aoteleina atoatoa le savali lea ou te manao e tuu atu mo outou. Na ia faapea mai: "Ou te manao ia outou manatunatu i le tulaga manuia ma le fiafia o i latou o e e tausi i poloaiga a le Atua. Aua faa-uta, e faamanuiaina i latou i mea uma, i mea uma faaletino ma faaleagaga; ma afai latou te tutumau i le faamaoni e oo i le iuga, e talia i latou i le lagi, ina ia mafai ona latou mau faatasi ma le Atua i se tulaga o le fiafia e lē gata" (Mosaea 2:41).

Ou te sii a'e lo'u leo i le viiga ma molimauina lenei mea moni. Ou te molimau atu ua ou vaai i faamanuiaga folafolaina a le Atua na faataunuina i lo'u lava olaga ma olaga o le tele o isi.

Ou te folafola atu afai o le a outou tosina atu o outou loto i lo outou Tama oi le Lagi, afai o le a outou taumafai i aso taitasi e alolofa ma mulimuli ia Iesu Keriso ia sili atu ona atoatoa, afai o le a outou faasoa atu avega i le agaalofa ma le agalelei ma sii i luga lima oi latou o siomia outou o loo tauivi, afai o le a e saili e avea ma soo moni o lo tatou Faaola pele, o le Alii le Atua o le lagi, o le a tai-taia ou ala. O le a ia faaaogaina oe mo Ona faamoemoega mamalu. O le a Ia faamanuiaina oe i auala e le mafai ona e mafaufauina. ■

Mai se saunoaga i le faigalotu, "God Will Use You, God Will Bless You," na tuuina atu i le Iunivesite o Polika Iaga i le aso 3 o Novema, 2015.

Suiga o Loto, Suiga o Uo

le avea ai ma se talavou, sa ou matua tete lava, ma sa ou amio i ni auala na feteenai ma le auala na ou ola a'e ai. Sa amata ona ou inupia ina ua 13 o'u tausaga, ma i lo'u tausaga mulimuli i le aoga maualuga, ua ou inu i le faaiuga o vaiaso uma.

Sa ou auai i le lotu i nisi taimi e faaitiitia ai feeseseaiga ma ou matua, ae ou te moe i le sauniga faamanatuga ona ou agai atu ai lea i le matafaga ao lei amataina le Aoga Sa. O le fai atu sa le fiafia o'u matua i la'u amio o se faamatlagama [understatement]. E tatau ona viia i la'ua, ona sa la amanaiaina lo'u fitalia ao faaauau pea ona uunaia au e ola i le talalelei. Ae, e leai so'u faamoemoe e tumau ai lo'u toaga i le Lotu, ma na mautinoa lava ou te lei vaai i se misiona i lo'u lumanai.

Ina ua maea le aoga maualuga, sa ou auai i le kolisi o le itumalo ma faaauau ai pea o'u ala fouvare. Ae i le leva o se tasi po, ou te manatua le taoto i luga

o lo'u nofoa ma mafaufau e uiga i lo'u lumanai. O le a le ituaiga tamaitai o le a ou faaipoipo i ai? Afai e fuli lo'u tua i le Alii, pe mafai ea ona ou toe foi mai? E pei lava ona taua nei faaiuga, e le'i uunaia ai au e sui.

I se taimi puupuu mulimuli ane, sa ou auai ai i se pati a se uo i tua o lana fale na i ai le ava malosi ma se afi mumu. Ina ua uma ni tausuaga ma a'u uo, sa ou laa ese mo sina minute ma moeini o'u mata.

Ina ua toe pupula o'u mata, sa ou maua sina taimi o le manino. Sa ou vaaia au uo o faia ni faatinoga valea ma na amata ona ou lagona e le tatau ona ou auai i lena vaega. Na ou alu ma filifili e taofi le inupia ma le alu i pati. O lona uiga o le a manaomia ona ou suia la'u vaega o uo, lea sa le faigofie. Ae na ou faia.

O na filifiliga sa faamanuiaina ai lo'u olaga. Na iu lava ina ou auauna atu i se misiona ma faataunuina le tele o

valaauga. O le mea sili ona taua, sa ou faaipoipo i se tamaitai lelei i totolu o le malumalum. O lenei mea na taitai atu ai i faamanuiaaga silisili o lo'u olaga.

Talu ai nei na ou faitau ai e uiga i le liuaina o Alema ma atalii o Mosaea (tagai Mosaea 27) ma pe na faapefea ona latou mauaina se suiga tele o le loto (tagai Alema 5:12-14), na aumaia i se vaega o tatalo faamaoni a le tama o Alema. Ona ou mafaufau lea i ou matua ma iloa ai, i le silia ma le 30 tausaga mulimuli ane, o lo'u aafiaga iloga i lena pati o se taunuuga tuusa'o o a la tatalo.

I le taimi nei, i le avea ai o se matua o se tamaitiiti o loo tauivi ma faigata, ua ou maua ai foi i se tulaga talitutusa e pei o le tama o Alema ma o'u foi matua. Ae i le faatusaina o tusitusiga paia ia te au lava ia, ou te faatuatua ma faamoemoe o le a i ai se aso o le a oo ai foi i lo'u atalii se suiga o le loto. ■

Ua taofia le igoa, Kaledonia, ISA

se pati, sa ou vaaia au uo o faia ni faatinoga valea ma na amata ona ou lagona e le tatau ona ou auai i lena vaega.



Ua I'u Ina Faataunuina La'u Miti Faafaifeautala'i

Mo le tele o tausaga, na ou moemiti me auauna atu o se faafeautalai faamisiona. Ae ina ua ou fo'i mai i le fale ua maea ona faauu mai i le iunivesite, sa ou vaaia le manaomia tele o a'u e lo'u aiga. Sa luitauina le soifua maloloina o lo'u tama, ma na manaomia e le aiga le fesoasoani tautupe. I le avea ai ma ulumatua o le fanau e toafa, sa ou lagona e tatau ona ou nofo i le fale ma fesoasoani. Na faamanuina a'u e le Tama Faalelagi i se galuega lelei. E ui ina e le tele se totogi, ae na lava lelei.

Soo se taimi lava e fesiligia ai a'u e uiga i le auauna atu i se misionatralai, na ou tali atu o le a ou faia. O taimi uma lava ou te fai atu ai lenei mea, peitai, e tilotilo mai lo'u tina ia te au i se vaaiga fefiloi o le fiafia ma le faanoanoa i ona mata. Sa ou iloa afai ou te talosaga atu ou te alu, o le a ia fai mai ioe ma teuina ma le filemu i totonu o lona loto lona popole i le leai o ni tupe maua a le aiga.

Na mavae ni nai tausaga, ma sa fai mai se tasi o alii agavaa o umiaina le perisitua ou te faaipoipo ia te ia i le malumalu. Sa ou ioe i ai, ma mulimuli ane faamanuiaina i maua i se fanau e toatolu—toalua teine ma le tama e toatas. O se tasi o ma fiafiaga sili o le taimi na alu ai le ma atalii mo lana



Ole faitauina o tala a la'u tama teine mai lana misiona na faatumulia ai a'u i le agaga faafeautalai. Sa ou tatalo mo avanoa faafeautalai ma lagonaina le musuia e auina atu i la'u uo se savali.


misiona. O se agaga o le mafanafana ma le filemu na faatumulia ai lo matou fale. Na foliga mai ia te au o se vaega o lo'u momoo e auauna atu i se misiona ua faatumulia.

Sa ou fiafia ina ua fai mai la'u tama teine matua e manao foi e auauna atu i se misiona. O vaiaso uma i totonu o le misiona, na ia auina mai ia te au tala o lana galuega. O lana molimaui na musuia ai a'u ma faatumulia au i le agaga faafeautalai. Sa ou tatalo mo avanoa faafeautalai i aso uma.

I se tasi aso, sa musuia a'u e fesili i se uo e ala i se savali patino i luga o faasalalauga faaagafesootai pe mata e fiafia o ia e feiloai ma faifeautalai. Sa fai mai o ia "Ioe!" Sa ou faatumuina se pepa faafesootai i le initonet i luga o le LDS.org, ma e lei umi ae amata ona aoaoina o ia e faifeautalai. I le tolu masina ua auai o ia i le Ekalesia. Na sosoo ai ma lana fanau i nai masina mulimuli ane. E pei ona taitaiina au e le Agaga, sa ou valaauliaina isi uo e faalogo i faifeautalai. Ina ua foi mai la'u tama teine i le fale, sa ou lagonaina foi ua maea la'u 18 masina o le galuega faafeautalai.

Na silafia e le Tama Faalelagi manaoga o lo'u loto ma mea sili mo lo'u aiga ma au. Ou te faafetai na Ia faatagaina lo'u manao e auauna atu o se faifeautalai, lea sa i ai i lo'u loto mo se taimi umi. ■

Jean Daniel Daroy, Ontario, Kanata



O La Matou Malaga i le 30-Tausaga i le Malumalu

A'o le'i malaga
ese atu lo'u uso
mo Suitiselani, na
musumusu mai le
Agaga i lo'u loto o lenei
faigamalaga o le a
aumaia faalatalatai ai
Oswaldo i le Faaola ma
Lana Ekalesia.

Ini nai masina talu ona uma lo'u papatisoga, na auai ai lo'u uso laitiiti, o Oswaldo, i se isi lotu ma auai malosi i lana aulotu. Ae na ou manao ia Oswaldo ia iloa le mea na ou iloa e moni. Aemaise lava, na ou manao ia te ia e fesootai ma upu a perofeta.

O masina taitasi, a ou mauaina le mekasini o le *Liahona*, ou te faasoatua ia Oswaldo. Sa ou fautua atu o nisi o autu i le mekasini e mafai ona fesoasoani ia te ia e saunia ai mo fonotaga i lana lotu. Sa ou fafia ina ua ia taliaina la'u fautuaga. Na tele tausaga na mavae, ae peitai, sa ou faanoanoa i le vaai o le a le talia e lo'u uso le talalelei toefuataiina a Iesu Keriso.

I se tasi taeao, na ta'u atu ai e Oswaldo i lo matou aiga o loo ia fuafua e tuua lo matou aiga i Ekuatoa ma malaga atu i Suitselani. Sa ia taliaina se faamanuiaga mai ia te a'u i le aso na alu ese ai o ia. O se taimi ootia mo a'u aua na musumusu mai le Agaga i lo'u loto o lenei faigamalaga o le a aumaia faalatalatai ai Oswaldo i le Faaola ma Lana Ekalesia.

I Suitselani, sa feiloai Oswaldo i faifeautalai ma mulimuli ane valaauliaina i la'ua i lona pale. I le aluga o le taimi sa ia faia se faigauo vavalalata

ma i la'ua. Ae sa ia ta'u mai ia te au afai e aumaia e faifeautalai le autu o le papatisoga, o le a ia le toe taliaina i la'ua. Mafaufau i lo'u te'i ma lo'u fafia ina ua ou mauaina se imeli mai ia te ia ma ta'u mai ia te a'u o le a ia papatiso. Sa ou auai i le Ekalesia i le 1981. Na papatisoina Oswaldo i le 20 tausaga mulimuli ane, ia Me 2001. Na ia mauaina lona faaeega paia ia Iulai 2002, ma sa faamauina o ia i lana ava ia Fepuari 2003.

Ina ua toe foi mai Oswaldo i Ekuatoa, sa ia tuuina atu lana molimau i se sauniga faamanatuga. Faatasi ai ma loimata i ona mata, na ia fai mai ai, "Na faasoatua mai e lo'u uso upu a perofeta ia te au. O nei upu na musuia ai au ao ou sauni mo fonotaga i le lotu na ou auai muamua ai, ma e toatele tagata na faagaetia i lenei ala. O upu a perofeta na suia ai lo'u olaga. Na ala mai ia i latou, na ou iloa ai o le talalelei a Iesu Keriso ua toe i ai i luga o le fogaelele i lona atoaga, faatasi ai ma le mana ma le pule."

Ia Fepuari 2011, na faamauina ai ma'uua ma Oswaldo ia ma matua i le Malumalu a Guayaquil Ekuatoa. O upu a perofeta ua faamanuiaina ai lo matou aiga mo le faavavau. ■

Francisco W. Fierro, Lima, Peru

O Maturo ma La'u Molimau

Sa ou le talitonu ina ua aoao au e fai-feautalai e uiga ia Iosefa Samita ma le Tusi a Mamona. O lo'u manatu muamua o Iosefa Samita, e pei o le tele o isi tagata ua ta'ua o "perofeta," atonu na aumaia se tusi sese i le lalolagi e saili ai e avea ma mauoa, lauiloa, po o le lototoa.

Sa leai so'u faamoemoe e faitau le Tusi a Mamona. Ae i le aluga o taimi o le faauoga a faifeautalai ma lo latou naunautai mo le talalelei, na mafai ai ona tuputupu a'e lo'u fia iloa e uiga i le latou savali.

A o ou faitauina ia fuaiupu na tuuina mai e faifeautalai ia te a'u i le Tusi a Mamona, na ou maua ai le valaaulia a Moronae e ole atu i le Atua ma se loto faamaoni, manatu moni, ma le faatutua ia Keriso pe moni le Tusi a Mamona (tagai Moronae 10:4–5). Sa ou mafau-fau, "O ai, i le iloaina o le tusi e le moni, o le a mafai ona luitauina i tatou e ole atu i le Atua ma le loto faamaoni ma le

faamaoni pe moni le Tusi a Mamona?"

Ona oo lea i se tasi aso na faamalamala mai ai e faifeautalai o Iosefa Samita ma lona uso, o Ailama, na maliu faamaturo mo la molimau. Na faafuasei lava ona oo mai se manatu ia te au la te le ofoina o laua lava ola mo se mea la te iloa e sese. I lena taimi, o se lagona mafanafana, e pei o se afi mumu, na sosolo i totonus o a'u. O se molimau a le Agaga Paia na faamautu mai i lo'u loto o Iosefa Samita o se perofeta moni. Faatasi ai ma lenei molimau, sa papatisoina ma faamauina a'u.

Na faamanatu mai ia te au lenei aafiaga i le 25 tausaga mulimuli ane ina ua ou faitauina se lauga mai ia Elder Jeffrey R. Holland o le Korama a Apusetolo e Toasfululua. I lana lauga, na fesili ai Elder Holland, i le taimi taua o lo laua faamaturoina, pe o le a faaauau pea e Iosefa ma Ailama ona upu leaga i luma o le Atua e ala i le faatulagaina o

o laua ola, lo laua mamalu, ma lo laua faaolataga e faavavau i luga o se tusi la te iloa e sese.

"*O le a la le faia lava lena mea!*" sa saunoa ai Elder Holland. "Sa naunau i laua e oti nai lo le faafitia o le faapogai paia ma le moni e faavavau o le Tusi a Mamona."¹

O upu a Elder Holland na matua taua lava ia te a'u ma atili faamalosia ai la'u molimau e uiga i le Perofeta o Iosefa Samita ma le mana o le Tusi a Mamona.


Ou te faafetai mo le Perofeta o Iosefa Samita. Sa ia aumaia le Tusi a Mamona ma tuuina atu ma le naunautai lona ola e avea ma molimau ia Iesu Keriso. E ala i le Tusi a Mamona, ua ou iloa ai le i ai o le Atua ma Lona alofa mo au. ■

Sunju Kim Muir, Maryland, ISA

FAAMATALAGA

1. Jeffrey R. Holland, "Saogalemu mo le Agaga," *Liahona*, Nov. 2009, 89.

I na ua ou aoaoina o Iosefa Samita ma lona uso, o Ailama, na maliu faamaturo, na faamautuina mai ia te au e le Agaga la te le ofoina o laua lava ola mo se mea la te iloa e sese.



Matou te Talitonu i le la Atoatoa-ia Keriso

Ile taimi o Lana lauga i luga o le Mauga, na tuuina mai ai e Iesu ia i tatou le polo-aiga faigata ia atoatoa (tagai Mataio 5:48). Ae ona ua noatia i tatou uma e faia ni mea sese, e faapefesa ona faamoemoe le Atua ia tatou tausia lenei poloaga? O le mauaina o se malamalama sa'o i faamoemoega o le Atua mo i tatou, e mafai ai ona tatou iloa le uiga ina ua faapea mai le perofeta o Moronae e mafai ona tatou “atoatoa ia Keriso” (tagai Moronae 10:32–33).

O Le a le Uiga o Le la Atoatoa?


“O le upu Eleni mo le *atoatoa* e mafai ona faaliliuina o le ‘mae’ā, uma, atiina a’ē atoatoa’ (i le Mataio 5:48, vaefamatatalaga *e*). Ua poloaiina i tatou e lo tatou Faaola ina ia tatou atoatoa, mae’ā, atiina ae atoatoa—ina ia faaatoatoaina i uiga mama ma uiga ua faaalia e Ia ma lo tatou Tama oi le Lagi.”¹

“O le atoatoaga ua finagalo ai le Faaola mo i tatou, e sili atu nai lo amioga e leai se sese. O le faamoemoega e faavavau e pei ona faailoa mai e le Alii i lana tatalo maoae faapuluvaga i lona Tama—ina ia faaatoatoaina i tatou ma mafai ona nonofo faatasi ma i la’ua i le faavavau o i luma.”²

“O lea ou te talitonu ai e lei fuafuaina e Iesu Lana lauga i lenei mataupu e avea o se samala tautala mo le sasaina o i tatou e uiga i o tatou vaivaiga. Leai, ou te talitonu na Ia fuafuaina e avea o se saafiasfiga i le Atua ma po o ai le Atua le Tama e Faavavau ma le mea e mafai ona tatou ausia faatasi ma Ia i le faavavau.”³ ■

FAAMATALAGA

- Gerrit W. Gong, “Faaatoatoaina ia Keriso,” *Liahona*, Iulai 2014, 45.
- Russell M. Nelson, “Atoatoaga o loo Faatalitali,” *Liahona*, Ian. 1996, 103.
- Jeffrey R. Holland, “Ia Atoatoa Ona Lelei o La Outou Amio—I Le Iuga,” *Liahona*, Nov. 2017, 41.



“O le malamalama i le alofa togiola mauafua na tuuina mai e le Faaola e mafai ona faasaolotoina ai i tatou mai avega faaletagata, faamoemoega sese ma le le tonu o le uiga sa'o o le atoatoa.”

Elder Gerrit W. Gong o le Korama a Apostolo e Toasefululua, “Faaatoatoaina ia Keriso,” *Liahona*, Iulai 2014, 42.

O Mea o loo Faamoemoe Mai ai le Atua

"Faafiti outou lava mai mea uma e le faaleatua . . . ma alolofa i le Atua ma o outou manatu atoa, mafaufau, ma le malosi atoa" (Moronae 10:32).

Faatasi ai ma le faatuatua ia lesu Keriso, salamo pe a tatou le atoatoa.

Tausi feagaiga, po o folafolaga, ua tatou faia ma le Atua.

Fai le mea sili e tausi ai poloaiga i o tatou olaga atoa.

"Faaauau pea i le onosai seia faaatoatoaina outou" (Mataupu Faavae ma Feagaiga 67:13).



O Mea e Le o Faamoemoe mai ai le Atua


la atoatoa *loa!* Aua lava nei faia ni mea sese.

O le mafatia i se uiga faaalia o le atoatoa i mea uma.

Ia pisi i taimi uma—ia galue i taimi uma ae le o le taalo.

Ia faitio ia te oe lava ona o le leai o se alualu i luma.

Taumafai ia “maua” lou auala i le lagi.



Pili, Alisi, ma le Taimi ma Tamaiti

Saunia e Nancy Thomas

Ou te le'i mafaufauina o le a i ai se aafiaga tumau o repitaila (reptiles) i le ma mafutaga ma la'u tama tama.

Emasani lava ona fiafia la'u tama tama o Dallin i repitaila. O a'u, i le isi itu, ou te le fiafia lava i ai. Na faatagaina o ia ia i ai sana repitala i luga o le tulaga po o le a lava le meaola na te filifilia ae ia mafai ona ofi lelei i le fagaau o se masini mimiti [vacuum], ina nei te'i ua sao i fafo o lana pa a'o i ai o ia i le aoga. Na tele ni filifiliga na feagai ma i matou, mai lane i pili feololo [iguanas], a'o le'i tumau ai loa i pili felanulanua'i e lua o Fuzz ma Diane.

Na auai uo fou a Dallin i lo matou aiga ina ua fitu ona tausaga. O se tasi o itu o le onaina o pili ou te le'i mafaufau i ai o le manaomia lea ona fagagaina o i la'ua i alisi-ola—e faa-tasi i le vaiaso. Mo le tele o tausaga, na ma faia ai ma Dallin ni "tuliga alisi." E seasea lava ona talafeagai, e masani lava ona tupu i le leva o le po ao taumafai e mili ma le uati a'o le'i tapunia le faleoloa mo manu.

O Diane na ola mo le tolu tausaga, ae sa ola Fuzz mo le tele o tausaga, maloloina ma fiafia. I le fafiuga o le tausaga sinia a Dallin i le aoga maualuga,

na tofia ai o ia e tuuina atu se faaaliga mo lana vasega o le tautala faalautele. Sa ia tauanauina ma'uua ma lo'u to'alua mo ni manatu. Na ma fautua atu ia te ia e talanoa atu i pili felanulanuai aua ua ia iloa le tele o mea e uiga ia i latou ma mafai ai ona aumai Fuzz e avea o se faataitaiga. Ona ta'u mai lea e Dallin ia i ma'uua ua pe Fuzz.

"E te mo'i? O anafea na pe ai?" sa ou fesili atu ma le le talitonu.

Ona ta'u mai lea e Dallin ia i ma'uua na pe Fuzz i le vaiaso na mavae atu.

"O loo i tottonu o lo'u potu, ae aua le popole. E le manogi. O lae faaluaina tagapepa [o loo tuu ai]."

Ina ua uma ona ia vaiai lo ma maofa tele, sa faamalamalama mai e Dallin, "O loo ou faia se suesuega—ou te manao e matamata ia te ia a'o pala."

O le suesuega a Dallin na sili atu nai lo le matamata atu ia te ia a'o pala. Na te faatuai le faiga e ala i le tu'uina o Fuzz i le fulisa mo ni nai vaiaso ona aumai ai lea o ia i fafo e faavaivai ona toe faapala foi lea.

I le tausaga mulimuli ane, ina ua i ai Dallin i lana misiona, sa ou faamainaa le fulisa ma maua ai Fuzz, o loo i ai lava i tottonu o tagapepa e lua, i le pito i tua. Talu ai sa ou saunia se afifi e auina atu ia Dallin, sa ou manatu ai o se mea malie pe a lafo i ai lana tama'i suesuega. Na ou tuuina ma le fa'aeteete Fuzz i tottonu o se atigipusa, afifi i le pepa iiila lanu uliuli ma le paepae e i ai ni togi, ma tu'uina lelei i tottonu o le afifi alofa a Dallin ma se fa'amatalaga e fataitaina, "O lo'o i ai se vaega e faate'ia ai oe i tottonu o lau afifi." Ona ou faatalitali lea ma le naunautai mo lana tali mai.

"Na ou mafaufau i lena pili talu ona aumai," o lana tusi lea. "E le o le pili, ae e faatatau i taimi na fa'aalu i le tietie taavale i vaiaso uma e maua ai alisi ma faia isi feau, a'o fa'alogologo i ou manatu, tala, ma lau molimau ao i tottonu o le taavale. O se 'alofaga lelei le tatau ona ou alu ma maua ai le avanoa e talanoa atu ia te oe (e le'i faapea na tele la'u talanoa, ae sa ou faalogo)."



Faatauina o alisi. O ai na iloaina? I le avea ai ma matua e le mafai ona tatou fuafuaina i taimi uma le taimi o o tatou aafiaga. E masani lava ona tupu. Atonu o le taimi tatou te faamomoeina ai tatou fanau i le moega i le po, o le tietie faatasi i se lifi mo le faase'e i le aisa, pe na'o le feoai i fe'au i totonu o le taavale. E tatau ona tatou fa'aalu se taimi e faatasi ai ma a tatou fanau.

Na faaalia e le Faaola le faataitaiga silisili o le faaavanoaina o le taimi mo tamaiti. Ina ua mavae se aso umi o le

aoaoina o sa Nifaē, sa poloaiina e Keriso tagata e aumai a latou fanau ia te Ia. Sa ia tootuli faatasi ma tamaiti laiti ma tatalo. Ina ua uma le tatalo, sa tutulu o Ia. Ae te'i ane, "sa ia ave a latou fanau laiti taitoatasi, ma faamanuia i latou ma tatalo atu i le Tama mo i latou" (3 Nifae 17:21).

Na iloa e na tamaiti e alofa Iesu ia i latou. Na Ia naunau e ave le taimi mo i latou. Sa ia faalogo ia i latou, tatalo mo i latou, ma faamanuia i latou. O i latou na molimauina lenei mea sa faatumulia i le mana lea na faamaumaufina i

faamaumauga, "E lei vaiai lava e le mata, pe na faalogoina foi muamua e le taliga, le tetele ma le ofoofogia naua o mea e pei ona matou vaai ma faalogo o fetalaia e Iesu i le Tamā" (3 Nifae 17:16).

O le aafiaga a Iesu Keriso i na tamaiti na tumau mo augatupulaga. A'o tatou fa'atupeina lo tatou fafia ma le taimi ia tatou fanau, e tusa lava pe na'o le tatou o faatasi ma i latou e fa'atau mai alisi, fa'amoemoe o le a tumau a tatou faatosinaga mo augatupulaga. ■

E alala le tusitala i Iuta, ISA.

Pe a Le Auai le Tasi po o Matua Uma i le Lotu

Saunia e Karmel Newell

Na ola ae Peresitene Russell M. Nelson i se aiga alofa faatasi ma matua sa ia faamemelo i ai. Ae a o tamaitiiti sa alu o ia i le lotu e aunoa ma lonta po o lona tama, ma sa ia lagonaina le mana'o tele ina ia faamauina i lona aiga i le malumalu.¹ Ae leai se tamaitiiti e manaomia ona savali toatasi i le ala o le feagaiga. O le alofa ma le tausiga o tagata o le aiga ma tagata o le uarota e mafai ona faatumuina avanoa mo tamaiti o e atonu e leai se lagolago o le talalelei i le fale. I le faaiuga, o aaoaga lelei o le talalelei ma aafiaga lelei i le fale ma le lotu e mafai ona fesoasoani i tamaiti uma ia lagonaina le alofa o le Tama Faalelagi.

Mo Matua O Auai i le Ekalesia e aunoa ma se Toalua

- Faasoa atu faamanuiaga o le ola ai i le talalelei.** Fesoasoani i lau fanau ia iloa o le ola i le talalelei e mafai ona aumaia le filemu-ma siitia ai avega. Faamalamalama pe aisea ua e filifili ai e auai i le Ekalesia, e aunoa ma lou tautala leaga i se matua e le manao e auai. Faasoa atu ou lagona e uiga i le tausia o lau feagaiga o le papatisoga e te maua ai le mafanafana ma le taitaiga.
- Atiae se uiga lelei.** Fesoasoani i tamaiti ia iloa le lelei i totonu o o latou aiga. E mafai foi ona e fesoasoani ia i latou ia iloa le lelei io latou faiaoga o le Ekalesia, taitai, ma tagata o le uarota. Talanoa e uiga



O le talatalanoa i tamaiti e uiga i mea lelei latou te maua i le fale ma le lotu e mafai ona fesoasoani latou te lagona ai le alofa o le Tama Faalelagi.

i mea na a'oa'oina e lau fanau i le lotu. Aua le nofoai ai i vaivaiga po o manatu le mautonu o isi. Nai lo lena, tautala lelei ma fa'aalia se naunau e a'oa'o mai isi.

- Galue e ala i lagona le lelei.** Fesoasoani i tamaiti e tusi lagona le lelei, e pei o le fefe, tuulafoaiina, le fafia, ma le ita. Ona mafai lea ona e fesoasoani ia i latou e faatea o latou lagona e ala i le tusiata, ta'alo, po o le talanoa. A mana'omia, e mafai fo'i ona e sailia

se fesoasoani faapitoa. O le faamaloloina o loto ua faamanualia o le a fesoasoani i tagata uma ia sili atu ona talia lagona faaleagaga ma maua ni aafiaga sili atu i le lotu.

- Fesili atu mo se fesoasoani pe a mana'omia.** Afai e te manaomia se fesoasoani, aua nei faatali mo se tasi e ofo atu. O nisi taimi e le matauina e taitai o le Ekalesia ma tagata o le uarota se manaoga, pe atonu latou te faatuai e fesoasoani e aunoa ma

se valaaulia. Afai e mana'omia e se tamaiti se faamanuiaga, mafaufau ma le agaga tatalo po o ai e mafai ona fesoasoani, ona fesili mai lea. Mafaufau foi pe o ai e mafai ona e fesoasoani ai.

Mo Tagata Matutua Uma

- Maitau ma alofa i tamaiti e auai i le lotu e aunoa ma se tasi po o matua uma.** Ia iloa o latou igoa ma faafeiloia i latou i le mafanafana ma le agalelei. Taofi le faamasinosino e uiga io latou tulaga, ma aua le fesiligia fesili e uiga i matua e le auai. A o lagona e tamaiti le alofa faamaoni mai uso a tagata o le Ekalesia, o le a sili atu ona latou maloloina, aoaoina, ma lagonaina le Agaga.
- Ia nofoua i manaoga faapitoa.** Pe a auai tamaiti i le lotu e aunoa ma se tasi pe o matua uma foi, ia mafaufau pe mafai faapefesa ona aafia i latou i ni aoaoga patino po o ni gaoioiga. I se lesona e uiga i faamanuiaga faaleperisitua, ia aoao atu e mafai e tagata uma ona mauaina nei faamanuiaga. Afai o se gaoioiga e a'afia ai matua, aofia uma matua. Ia nofoua i tamaiti e ono i ai ni lagona ma'ale'ale i aso fa'apitoa e pei o le Aso o Tama po o le Aso o Tina.

- Fesoasoani ia latou alolofa ma faamalolosia o latou aiga.** Aoao tamaiti o le aiga ua faauuina e le Atua.² Fautuaina i latou e talisapaia le lelei io latou aiga. O galuega o

talafaasolopito o aiga e mafai ona fesoasoani i tamaiti ia iloa na amataina o latou aiga ae le'i fananau mai. Ma o le faia o galuega o talafaasolopito o aiga e mafai ona faamanuiaina ai i latou "i le sili atu ona vavalalata ma le olioli i o [latou] aiga."³

- Aoao i latou i mataupu faavae moni.** O le fitalia o se aoaoga autu i le ata o le faaolataga, ma o fanau e le tali atu mo filifiliga ma agasala a o latou matua (tagai Mose 6:54). O faafitauli a mātua e le tuuaia ai a latou fanau, e le o le tiutetauave a latou fanau le toe faaleleia. O le iloaina o lenei mea e mafai ona fesoasoani i tamaiti e popole itiiti ai i mea e le mafai ona latou suia ma talisapaia le tele o faamanuiaga i aso uma o le aiga.

Na aoao mai Peresitene Henry B. Eyring, Fesoasoani Lua i le Au Peresitene Sili: "O loo naunau lo tatou Tama Faalelagi ia faapotopoto ma faamanua Lona aiga atoa. O Lana fuafuaga ua tuuina atu i Ana fanau taitasi le avanoa e talia ai pe teena Lana valaaulia. Ma o aiga o loo i ai i le fatu o lenei fuafuaga."⁴ ■

E alala le tusitala i Iuta, ISA.

FAAMATALAGA

- Tagai Russell M. Nelson, "Faaaliga mo le Ekalesia, Faaaliga mo o Tatou Olaga," *Liahona*, Me 2018, 93.
- Tagai "O Le Aiga: O Se Folafolaga i le Lalolagi," *Liahona*, Me 2017, 145.
- Quentin L. Cook, "O Le Olioli o le Galuega o Talafaasolopito o Aiga," *Liahona*, Fep. 2016, 27.
- Henry B. Eyring, "Faapotopotoina o le Aiga o le Atua," *Liahona*, Me 2017, 20.

MO TAMAITI

I totonu o le *Uo*:

- Aafiaga a Peresitene Nelson: "Loto faafetai mo Mātua" (luni 2019, itulau U2)
- "O se Mataupu Fou" (luni 2019, itulau U4)
- Uluai Aso o Tama Faoleole a Steven" (*Liahona*, luni 2015, itulau 72)

MO LE AUTALAVOU

I totonu o le *Liahona*:

- "O Le Olaga o se Malafoni" (Ape. 2019, itulau 54)



O Le Fuafuaga Atoatoa

O le a le taimi mulimuli na le taunuua ai au fuafuaga? Vaiaso ua tea? Na tupu ia te a'u. Pe o le a lava le atoatoa o a tatou fuafuaga, **o fega-uiaiga ma pioga e le'i mafaufaufina i le olaga** e foliga mai o se mea moni o le olaga faitino. Ou te lei fuafua e fafano ni o'u maitaga se fa i le va o la'u fanau e toalua, ae na tupu. Pe a faateia i tatou i fuafuaga na faataatitia ma le agaga tatalo i ni auala e lei mafaufaufina-pe touulu faatasi mai i lalo—**o le a le mea tatou te fia?** I lenei lomiga, o loo faasoaina mai e le autalavou matutua mai tulaga eseese ni tali na latou maua i lenei fesili ina ua le o gatasi o latou aiga fuafuaina ma fuafuaga.

Mo a'u ma lo'u toalua, na taofia e le fafano o o'u maitaga o ma'uua auala ma nuti ai o ma'uua fatu (tagai itulau 44). Mo Katerina ma lana tane, o le faavasegaina o manatu o le alalafaga e saili ai le siufogaga o le Alii na faamaonia ai se faalavelave i lo la ala (tagai itulau 48).

I nisi tusiga faaopoopo i luga o le initonetii, na fa'aalia ai e Christina ona popolega ma le mautonu e uiga i le avea ma se tina, ma

faamatalaina e Brian pe na fa'apefea ona sua fuafuaga a le la aiga ma lona toalua talu ai lona malaga atu e tautua i le militeli. Ua tuuina mai e Katie, o se talavou nofofua matutua, se malamalamaga i le natura e faavavau o lo tatou faasinomaga o ni matua.

Pe o e faatalitali mo tamaiti e faamanuia lou fale, ia maua nisi tamaiti e sili atu tamaiti nai lo le mea na e fuafuaina muamua, pe o loo faatalitali mo le faaipoipoga, o le mea e tasi e mautinoa: **O le Tama Faalelagi e i ai le fuafuaga atoatoa**, ma o loo la taialaina ma lagolagoina i tatou i tulaga patino i le tagata lava ia, ao tatou saili e faaogatusa o tatou loto ma Lona finagalo.

E tusa lava po o le a le taunuuga, o le **manao e aumai fanau i lenei lalolagi** o le a faamanuiaina ai i tatou i se vaaiga loloto atu o le fuafuaga sili o le fiafia a le Tama Faalelagi. Po o fea lava o e i ai i lau malaga o le faatupuina o lou aiga, ao e faitauina a matou tala, ou te faamoemoe moni o le a taiala oe e le Agaga Paia i malamalamaga po o tali atonu e fesoasoani ia te oe ao e agai i lau lava ala.

Manua le faitauga!

Matāmua mā Brachte

AUTALAVOU MATUTUA

FAUTUAGA SILI . . .

Ua faasoa atu e le autalavou matutua le fautuaga sili ua latou mauaina e uiga i le mauaina o fanau:

"Ina ua ma faatoa faaipoipo, na fai mai se faiaoga lelei faapea o se filifiliga i le va o oe, lou toalua, ma le Alii. Na ia lapataia i ma'ua e masani ona fai mai tagata o le va o le tane ma le ava ae tuuese le Alii. O le i ai o le Alii ia ma'ua filifiliga ua sili atu ona faamanuiaina ai i ma'ua nai lo mea e mafai ona ou fai atu ai.

—**Bonnie Cornick, Idaho, ISA**

"Aua nei faatali mo le 'taimi lelei' e maua ai fanau—o le a outou faatalitali e faavavau."

—**Annie Hall, Kuiniselani, Ausetalia**

"Aua le popole i tala a isi e fai mai! E i le va lava o oe ma lou toalua ma le Tama Faalelagi."

—**Kulani Walters, Aukilani, Niu Sila**

O le a le fautuaga sili lava ua e maua e uiga i le faatoilaloina o faigata?
Auina mai lau tali i le [liahona.Ids.org](#) ae le'i oo i le aso 30 o Aperila 2019.

FAASOA MAI LAU TALA

E i ai ni au tala uiga'ese e faasoa mai? Pe e te manao e vaai i ni tusiga e uiga i ni mataupu faapitoa? Afai o lea, matou te fia faalogo atu ia te oe! Auina mai au tusiga po o lou manatu faaalia i le [liahona.Ids.org](#).

E UIGA I TUSITALA AUTALAVOU MATUTUA


O **Marianne von Bracht** e fiafia i taimi faaleaiga, musika ma le susulu o le la. I le avea ai o se tagatanuu o Michigan, ISA, i le mea e le masani ona susulu ai le la, na te iloa o le Malamalamo Keriso e mafai ona susulu i soo se aso, tusa lava po o le a le mafafia o ao.



O **Katherine Ramirez de Pineda** mai Managua, Nicaragua, ma na auai i le Ekalesia ina ua 18 ona tausaga. Sa aotauina o ia i le auala e aoao atu ai le Igilisi o se gagana ese ma o loo galue o se faiaoga i se aoga tulagalua [elementary school]. Sa faamauina o ia ma lona toalua i le Malumalu o le Aai o Kuatemala i Kuatemala ma maua ni fanau aulelei se toatolu.



O **Katie Sue Embley** e manatu o le lalolagi e tumu i tagata lelei o a latou tala e ao ona faasoa atu. E na te suesueina le faatusitala ma le faaSipaniolo, faatasai ai ma le sini e #sharegoodness.



O **Brian Morrill**, lona toalua, ma le la fanau teine e toalua o loo faamautu i le Nofoaga o le Neivi [Naval Station] i Virginia, ISA. I le avea ai o ia ma se lutena, e galue o ia o se aveaaleletau a le neivi i lugia o le E-2 Hawkeye.



O **Christina Crosland** e le'i leva ona faaunu mai le lunivesite a Polika laga. Na te faaaluina lona taimi avanoa e faitau ai ma aoina tusi mo lana faletusi mo le lumana'i. O ia ma lona toalua o loo fiafia nei i lo latou fale fou i Texas, ISA, faatasai ai ma le la pepe teine.



I LE VAEGA LENEI

44 **Faatalitali i Molitaofi o le Ola**
Saunia e Marianne von Bracht

48 **Faamanuiaina i le Mauaina o Fanau**
Saunia e Katherine Ramirez de Pineda



NA O POLOKALAMA FAAELETONIKA

O Lo Tatou Faasinomaga e Faavavau o ni Matua
Saunia e Katie Sue Embley

O Manaoga o le Neivi [Navy]—ma lo Matou Aiga
Saunia e Brian Morrill

Faatoilaloina o Lo'u Fefe i le Mauaina o Fanau
Saunia e Christina Crosland

Saili nei tusiga ma le tele:

- I le [liahona.Ids.org](#)
- I le **YA Weekly** (i lalo o le vaega mo Autalavou Matutua i le Gospel Library)
- I le [facebook.com/liahona](#)

Faatalitali i Moli-taofi o le Olaga

O le feagai ai i nei maitagafafano e sosoo na pei lava o o'u tu i ni moli-taofi i lo'u olaga, ae ao ou liliu atu i le Alii, na ou iloa ai o lena leiloa taitasi e o mai faatasi ma le filemu, vaaiga, ma le alualu i luma.





Saunia e Marianne von Bracht

Na uumau e o'u tamatamai lima le uili ao ou tilotilo ma le popole i le moli momu. Ina ua iu ina suia i le lanumeamata, sa ou agai i luma ae na o le faatalitali i se isi moli-taofi e le muta. Sa 10 minute le mamao ese mai le lesona ma uso faifeautalai lea sa tatau ona amata i le 5 minute talu ai. Ana faapea o a'u o se tina atamai, semanu ou te iloa mamao le ita a la'u tama teine ua lata i le tolu tausaga a'o ma agai atu i fafo o le faitotoa mo le 15 minute, ae ou te leiloaina. Ioe, o le a alu pea le lalolagi pe a ou tuai, ae talu ai sa ou taumafai e faia se mea lelei, pe le tatau ea ona i ai ni *nai* moli e fesoasoani mai ia ta ita ma galulue faatasi ma lo'u manao? A'o ou faatalitali ma le le to'a i se isi foi moli-taofi, na ou lagonaina ua amata ona liua lo'u popole i le ita. "O lea ou te taumafai e faia se mea lelei; taumafai i le mea e sili ou te mafaia! O fea ea le fesoasoani lea ou te manaomiaina?"

I le luasefulu masina talu ai, na ou maua ai a'u lava o fesili ni fesili e talafeagai lelei ma le tulaga sa ou i ai, ae sa ou faia i se nofoaga matua tumu i le filemu ma le to'afilemu lea e le o i ai i le taimi sa ou tu ai i le moli-taofi.

I le Togavao Paia, i Palamaira, Niu Ioka, o laulaau na tau le mafai ona fuga mai i lala lanu enaena o siomia au. O le vaomatua lanumeamata fou lea na faasusuina le eleele na foliga mai na manavaina le ola i le ea. Sa na o le pau o se savili malu, le ma taavale pepe, ma o'u tulagavae na o'o mai i o'u taliga-leai ni taavale, leai ni auala, leai ni talanoaga leotele. Ae e ui lava i le to'afilemu, ae na tumu lo'u mafaufau i fesili ma le le mautonu. O lo ma faatalitali ma lo'u toalua, o Lance, mo itula tiga e 72 mo lo'u foma'i e valaau mai ma taunuuga o se faata na faia faatopetope ma le su'eina o le toto. Sa ou moo-moo mo tali ma faamafanafanaga.

Mauaina o le Faamafanafanaga

"Sa asiasi mai le Alii ia te i latou e ala i lona Agaga, ma fetalai mai ia te i latou: *la faamafanafanaina outou. Ma sa faamafanafanaina i latou*" (Alema 17:10).

Na ou iloa atu lo'u maofa i le taumalulu o fugalaau i fafo o le Malumalu o Palamaira Niu Ioka. O lo'u mafaufau na suesueina ma le mamafa ia fesili na i ai: "Afai e fafano lenei ma'itaga, aisea? O le a le mea e sosoo?" E pei o le malu o le savili o le tautotogo o siomia au, na fetalai mai le Alii i lo'u mafaufau i le mafanafana sa ou moomoo i ai. Ou te le'i toe manaomia le fomai e faailoa mai ia te a'u; Sa ou iloa o le a fafano lenei maitaga, ae na faafuasei lava ona ou malamalama o lenei agaga laitiiti sa i ai i aao lelei, ma alofa o le Tama Faalelagi. I le taimi lava e tasi, o le le fafia na fa'aumatia ai a'u na suia i se fa'amafanafanaga na lagolagoina ai au i vaiaso ma masina na sosoo ai.

Faatatalitali mo le Moli Lanumeamata

"E pei o oe, ou te faafetai lava mo le tele o auala ua asiasi mai ai le Alii ia te au faatasi ma Le Faamafanafana i taimi sa ou manaomiaina ai le filemu. Ae e le na o lo tatou mafanafana o loo popole ai lo tatou Tama oi le Lagi ae faapena foi lo tatou alualu i luma."¹ —Peresitene Henry B. Eyring

I ni nai aso talu ona ou asiiasi i Palamaira, sa ou oo ai i se maitaga fafano matautia. E ui o se lagona o le filemu na faaauau pea ona lagolagoina a'u, sa ou lagona le vaivai faaletino ma faalelagona mai le leiloa ma le le saunia mo le faatali na sosoo ai. Na muamua ou faatalitali mo taunuuga o le falesuesue [lab], lea na faailoa mai ai se mea e le masani ona tupu i la'u maitaga, o se maitaga le manuia [partial molar pregnancy]. Ona ou fa'atali lea mo su'ega o le toto i vaiaso ta'i tasi, ta'i lua vaiaso, ma mulimuli ane i masina taitasi ina ia mautinoa e leai ni faailoga o se kanesa. E oo lava i le tele o masina o faatalitali, na faigofie ona ma vaaia ma Lance le aao o le Alii o faamafanafana ma faamautinoa mai ia i ma'uia i lena taimi. O le maitaga le manuia [partial molar pregnancy] e lei i ai se aafiaga tumau, ma ina ua mavae le ono masina na fai mai lau fomai e mafai ona ma toe taumafai e fai se isi pepe. Sa ou toe foi i luga o le ala e agai i luma i lo'u olaga; ua iu lava ina suia le moli mai le lanumumu i le lanumeamata.

Ae i lalo ifo o le tolu masina ma le tele o su'ega toto i se taimi mulimuli ane, na ou toe fafano ai foi la'u mai—o le taimi lenei na o le vaiaso ao lumana'i le Kerisimasi. Na mavae atu isi masina e tolu ma na mauluga o'u faamoemoega ina ua mae'a se isi su'ega iloa ai ua ou toe maitaga, ae na fafano i le vaiaso mulimuli ane—o se isi moli-taofi.

Tuuina o le Faatuatua ina ia Tofotofoina

"E tusa lava pe malosi lo tatou faatuatua, e tele mauga o le a le aveesea ai. . . . Afai e faata-pulaaina mea faafeagai uma, afai e aveesea uma ia faafitauli, o lona uiga o le a le faataunuina faamoemoega autu o fuafuaga a le Tama."²

—Elder David A. Bednar

Na ou toe maitaga, ma na fuafua ou te fanau latalata i le vaitaimi o le isi Kerisimasi. Sa ou maua se lagona lelei e uiga i lenei maitaga. Sa ma vaaia le tata o le fatu i se faata na faia ao lei taitai ma iloa ai o tagata o le aiga o tatalo mo i ma'uia. A o matou nofonofo i se sauniga o le faaeega i le malumalu i se tasi aso, sa ou maua se vaitafe manino o mafaufauga: "Afai e fafano lenei maitaga, pe o le a tumau lo'u faatuatua? Aea o le a tumau. Ae o le mea moni o le a le toe i ai se isi maitaga fafano ona o le taimi lenei ua ou saunia e talia le finagalo o le Alii tusa lava po o le a."

E ui lava i o'u uiga lelei, i nai vaaiso mulimuli ane, na ou vaaia ai faailoga, alu e faataunu a'u faata, ma amata ai le lagona tiga na sili ona ou masani i ai. O lo'u faatuatua e le i tumau e pei lava ona ou faamoemoeina. O tali na lagolagoina ai a'u e ala i a'u faaletonu muamua na foliga mai ua le lava. Ua i ai se galu o le atuatuvalue. Na ou lagona le nutimo-moia, gaogao, ma sina faalataina laitiiti lava. E le na o ma'uia ma lou toalua na faatalitali i le Alii; sa ta'u soo mai e lo ma tama teine le tele o lona mana'o i se uso po o se tuagane pepe. Na tiga ma loto mo ia foi. A o ou liliu atu o'u lagona vaivai i le Alii i le tatalo faatauanau, na ou toe mauaina se molimau manino o le Tama Faalelagi na matua silafia o'u tiga ma tulaga ma e alofa o la ia te au. E ui ina tumau pea o'u tulaga, o lenei mea matagofie ma le faigofie na faamalamalamaina faavavega ai le avega sa ou lagonaina ma tuuina mai ia te au le malosi e taulima ai ma lagona ai le fiafia ao ou faaauau pea i lo'u olaga i lea aso ma lea aso. Po o le a lava le mea e tupu i le lumanai, o le a lelei mea uma.

Ina ua toe fo'i mai suesuega tau tupuaga [genetic testing] i le tele o masina mulimuli ane e aunoa ma ni tali, na ma toe lagona le le mautonu e uiga i le mafua'aga o nei faaletonu io ma olaga. Sa ou taumafai i le mea sili ou te mafaia e tuu ese o'u lava manaoga ae faatulaga lo'u loto i le Alii, ae i taimi faigata o le a tagi lo'u fatu, "O le a se mea e tatau ona ou aoaoina mai lenei mea? O lea ou te taumafai e fai se mea lelei! O fea ea le fesoasoani lea ou te manaomiaina?"





Suiga o Lo'u Tali

*"O le faigata o se tulaga masani! E tofu uma i tatou ma luitau. O le fetuunaiga o la tatou tali atu i le faigata."*³ —Elder Stanley G. Ellis

E valu masina talu ona mavae la'u maitaga lona fa ma na o ni nai vaiaso talu ona ou alu atu e feiloi ma tamaitai faifeautalai, sa ou faatalitali ma le filemu i se moli-taofi a o ou alu i le fale ina ua oo mai a'u tali. A o ou matauina le tutu o taavale i o'u autafa ma taavale o agai i lalo i le auala i ou luma, sa ou mauaina se vaaiga e faavavau o lo'u olaga. Na faafusei lava ona ou iloaina o le mea e taua i la'u malaga o le tumau lea i luga o le ala o le a ou toe foi atu ai i lo'u aiga faalelagi. E fia "moli-taofi" na ou fa'atali i ai o le a leai se aoga i lo'u faigamalaga. O le auala ou te tali atu ai o le a i ai.

Na amata ona ou faapelepeleina ia moli-taofi uma i lo'u olaga, i talafaatusa ma le mea moni. Nai lo le faamaumauina o le taimi, o taimi uma sa avea ma se avanoa e maua ai le onosai ma maua ai se vaaiga e o'o mai e ala i le fa'atali. E pei lava ona feso'ota'i uma moli lanumumu ma se moli lanumeamata i se isi itu, na ou iloa ai o moli uma i lo'u olaga na tatalaina ai se auala mo le tuputupu ae, ae le o le auala na ou fuafua e tupu ai i le taimi lena. Nai lo le tumau i luga o le le fiafia, na amata ona ou fiafia i le avanoa mo le alualu i luma o mea uma e le i mafaufauina o mea na tutupu.

Faalagolago i le Faaola

*"O se fesili taua tele e manatunatu i ai o le 'O fea e tuu ai lo tatou faatuatua?' O taulai atu ea lo tatou faatuatua i le na o le manao ia tuuitiitia le tiga ma le mafatia, pe o faaogatotonuina mausali i le Atua le Tama ma Lana fuafuaga paia ma ia lesu le Keriso ma Lana Togiola?"*⁴ —Elder Donald L. Hallstrom

I le lua tausaga talu ona mavae la'u ulua'i maitaga lea na fafano, na ou fanaua ai se pepe tama aulelei ma maloloina. I le taimi e tau atu i lena aso fiafia mo lo matou aiga, na ou iloa ai e le i puapuagatia lesu Keriso mo au ina ia aveesea uma mafatiaga mai lo'u olaga. Nai lo lena, na puapuagatia o la ina ia mafai ai ona faamalosia a'u ma tuputupu ae mai luitau e feagai ma a'u. E ui lava o taimi o le loto nutimomoia o le aveeseina ma le tele o masina o le faatalitali o loo tiga pea e manatua, ua avea i latou ma oa i lo'u olaga. I na taimi paia, na ou malamalamai ai i le auala na silafia ai e le Faaola o'u mafatiaga. Sa ia fesoasoani mai ia te au i se auala e na o le toatasi lava e iloa o'u faanoanoga patino e mafai ona fesoasoani. E ui o le tetee io tatou olaga e masani lava ona foliga mai e taofiofia a tatou fuafuaga mo le alualu i luma, e faaaoga e le Alii lena tetee e faaosofia ai i tatou i luma i se taunuuga mauluga atu-iloaina ma tumau i Lona alofa. ■

E alala le tusitala i Texas, ISA.

FAAMATALAGA

1. Henry B. Eyring, "Ou Te Tuuina Atu Ia Te Outou Le Manuia," *Liahona*, Me 2017, 17.
2. David A. Bednar, "Taliaina o le Finagalo ma le Taimi a le Alii," *Liahona*, Aok. 2016, 22.
3. Stanley G. Ellis, "Pe Ua Tatou Faatuatuaaina Ea o Ia? Hard Is Good," *Liahona*, Nov. 2017, 113.
4. Donald L. Hallstrom, "Pe Ua Uma Ea le Aso o Vavega?" *Liahona*, Nov. 2017, 90.

Sa fesiligia i ma'ua e tagata i le tele o le ma fanau, ae e ala atu i le ma fanau, ua mafai ai ona ma malamalama atili i le alofa o le Tama Faalelagi ma atiina ae lo ma'ua gafatia paia.



Faamanuiaina i le Mauaina o Fanau

Saunia e Katherine Ramirez de Pineda

Olau tama mulimuli lenei?" Ina ua ou maitaga i la'u tama lona tolu, ua i ai na o isi tamaiti e toa-lua i lalo ifo o le lima tausaga, e masani lava ona i ai se manatu faaalia a tagata e uiga i la'u fanau. "O lau tama mulimuli lea?" "E te le manatu o saoasaoa tele lou alu?" "O le a lau mea o le a fai ma tamaiti e toatolu?" O fesili ia e masani ona ou faalogo i ai. E ui lava e malamalama, talu ai o tagata i lo'u atunu u e masani ona na o le tasi pe lua tamaiti ona o tulaga tau tamaoaiga, o mea e le iloa e tagata ina ua ma tafafao faamasani ma lo'u toalua, na ma talanoa pe toafia tamaiti ma te mananao ai ma le taimi e maua ai. O le fuafuaina o se aiga o se filifiliga taua ma le ogaoga ia i ma'ua, o lea e tatau ai ona faia i le va o i ma'ua uma, ma saili pea mo le taitaiga

a le Atua. Sa ma faalogo i le Agaga nai lo leo oi latou o siomia i maua, ma ua faamanuiaina i ma'ua i le mauaina o fanau.

Ina ua osia e le Alii se feagaiga ma Aperaamo, sa la folafola atu ia te ia se fanau toatele (tagai Kenese 17:5-6; 22:17). Mai lena fuaitau o tusitusiga paia, tatou te maua ai le lagona faapea i lo tatou Tama Faalelagi, o le i ai o fanau o se tasi lea o faamanuiaaga sili e mafai ona tatou mauaina. E ala ia tatou fanau, ua mafai ai ona tatou malamalama lelei i le alofa o lo tatou Tama Faalelagi, ma tatou atiina ae lo tatou tulaga paia ma faavavau. Pe a e maua ni fanau, e le gata i lou fesoasoani i na agaga o loo i le muai olaga e o mai i le lalolagi ma maua se tino, ae ua e maua foi le avanoa e aoaoina ai i latou i le talalelei. Ou te talitonu o nai mea laiti i le olaga e saunia lelei ai i tatou mo le ola e faavavau nai lo



le mauaina o fanau. O o tatou aiga o le nofoaga sili lea tatou te aoao ai e faa-aoga ia uiga o le Alii. O lenei la ua avea a'u ma se tina, ua faamanatu mai ai ia te au i aso uma le taua o le tumau latalata i lo'u Tama Faalelagi. Ou te tatalo i taimi uma, ole atu mo le taitaiga, malosi, ma le onosai ma faafetai atu ia te la mo le tele o faamanuiaga e oo mai faatasi ma le maua o fanau.

O le tulaga faamatua o se aafiauga e suia ai le olaga ua tumu i nisi o luitau ae tele le olioli. O taimi uma lava ou te faalogologo ai i la'u tama teine matua o usuina se pese a le Peraimeri, pe mata-mata i lo'u atalii e lua tausaga o taumafai e tapuni ona mata i le taimi o a matou tatalo faaleaiga, pe a ou uuina la'u pepe tama o loo moe i o'u lima, ou te lagona ua tumu lo'u loto ma le fiafia e le mafaa-matalaina. O le ma fanau o le suauu

lea e taofia ai i ma'ua e tumau seja oo i le iuga, tusa lava po o le a le tele o luitau e feagai ma i ma'ua i le olaga. Ou te matuai faafetai lava i lo'u Tama Faalelagi mo le tuuina mai ia te au o le avanoa e avea ai ma tina o la'u fanau.

Ou te iloa e alofa lo tatou Tama Faalelagi ia i tatou. Na ou lagonaina Lona alofa i na taimi toafilemu e tumu i le fiafia tumau e faavavau faapea foi i taimi o tofotofoga. Na la auina mai Lona Alo, o Iesu Keriso, e faaali mai ia i tatou le ala e toe foi atu ai i lo tatou aiga faalelagi. Ou te alofa i lo'u aiga, ma ou te iloa e mafai ona faatasia aiga e faavavau. ■

E alaala le tusitala i Managua, Nicaragua.


I le aoga o ou aoga ai i le taimi nei,

e toaitiiti lava tagata o le au paia. O lea e taua ai le ola i o'u tulaga faatonuina aua ua na o le pau lea o le auala mo le malamalama o le talalelei e susulu mai ia te au ina ia mafai e tagata le lolotu ona maua lo latou auala i le Ekalesia. Atonu e le o le taimi nei, ae e i ai le aso o le a latou manatuaina ai lenei tama ese e le inu i le lauti ma le kofe, e le palauvale, ma o le sa avea ma se vaega o se lotu. Atonu e i ai se aso o le a taitai atu ai i latou e la'u faataitaiga i le mea o loo manaomia ona latou i ai.

E mafai ona faigata le tulaga ese, ese mai isi. E matua faigofie lava le aveesea o tulaga faatonuina. O le faataitaiga ma tatalo a lo'u aiga e tuleia a'u i le aso atoa. O le tatalo e faamanatu maia ia te au ia tausia o'u tulaga faatonuina.

Aua le masalosalo mo sina taimi o le mea o lo'o e faia e le sa'o. E masani ona taumafai tagata e tu'u oe i lalo mo mea e te le faia. Atonu o le a e le lauiloa. O se mea lelei tele. Ua silasila mai lou Tama Faalelagi ma lesu Keriso ia te oe o se tagata lauiloa mo le tausia o tulaga faatonuina. O le a e iloaina mulimuli ane o le mea o lo'o e faia i le taimi nei e te maua ai le fiafia. O le mea moni o le olioli tumau lea e sau mai le tausia o ou tulaga faatonuina. O lea faaaauau pea, ona e tausia ou tulaga faatonuina!

Nathan O., Manila, Filipaina





AUTALAVOU

I LE VAEGA LENEI



- 52 Sauniuniga o le Olaga:
Faatulagaina o Sini Moni e
Mafai Ona E Faataunuina**
Saunia e Chakell Wardleigh

- 54 O Le Malamalama i le Ata o
le Faaolataga na Aumaia ia
te A'u le Filemu**
Saunia e Nance Regold J.
Micabani

- 56 Tagata o Kalilaia**
Saunia e Breanna Call Herbert

- 60 Fesili ma Tali: E faapefea
ona ou taofia au masini
faaeletonika mai le faalave-
lave ia te au i le lotu ma le
seminare?**

- 62 O La Tatou Avanoa**

- 64 O Le Upu Mulimuli:
"Aua Le Fefe, Ou Te la Te Oe"**
Saunia e Elder David A,
Bednar

FAATULAGAINA O SINI MONI

e Mafai Ona E Faataunuina

E te mana'o e faaleleia? sili atu ona lelei i se tomai faapitoa? aoao se mea matuai fou lava? Atonu e te ono seti ni sini ina ia oo atu ai iina.

Saunia e Chakell Wardleigh

Mekasini a le Ekalesia

O nisi taimi tatou te tusi ai i lalo ni lisi uumi o sini ma taumafai malosi e ausia, ona galo ai lea ia i tatou pe faavaivai i ai. O se mea e masani ona faalogo i ai? Aisea tatou te mananao ai e suia ma sili atu ona lelei, o nisi taimi tatou te le mafai ona tumau i sini tatou te setiina? la, ua fuafua uma i le moni o a tatou sini ma le tele o galuega tatou te naunau e tu'u i ai!

O nai motugaafa nei i le auala e faatu ai ni sini moni:

- **Faatu ni sini lelei.** Ia taulai atu i le faamalosia o le tele o vaega o lou olaga, ae le na o le tasi. Na faatuina e le Faaola se faataitaiga atoatoa: "Na tupu lesu i le poto ma le tino, ua alofagia o ia e le Atua atoa ma tagata" (Luka 2:52). O lona uiga, na tuputupu ae o la faalemafaufau, faaletino, faaagafesootai, ma le faaleagaga. E mafai ona e faatuina ni sini e faia foi faapea. O le iloaina o au sini o lo'o fesoasoani ia te oe e avea ma se tagata e sili atu ona lelei e mafai ona faamalosia oe e faaauau ai pea ona galue i ai.
- **Tusi i lalo au sini.** Tuu au sini i se nofoaga e mafai ona e vaai i ai i aso uma! Po o luga o se laupapa i lou potu, i lau loka [locker] i le aoga, po o totonusi o lau telefoni, fai ma iloilo au sini. O le tele o lou manatuaina o sini na e faatutuina, e le taumate o le a e galue pea agai ia i latou.



O SINI AUPITO TAU

"O le *toe foi* atu i le afioaga a le [Atua] ma le *mauaina* o faamanu-iaga e faavavau lea e sau mai le osia ma le tausia o feagaiga, o sini aupito sili ia ona taua e mafai ona tatou setiina."

Peresitene M. Russell Ballard, Sui Peresitene o le Korama a Apostolo e Toasefululuu, "Toefoi Atu ma Mauaina," konafesi aoao ia Aperila 2017.

- **la patino.** Afaí e te "Aoao se mea fou" i luga o lau lisi o sini, e mautinoa lava o se sini moni, ae e le o patino lelei. O le a le ituaiga mea e te fia a'oa'oina? O se mea faifaili [instrument] fou? O se fua fou o se kuka? Atonu o se mea fou e te fiafia i ai? la patino e uiga i mea e te manao e ausia!
- **Faatu ni sini e mafai ona ausia i se taimi puupuu.** E mafai ona e setiina se sini autu mo oe lava, ae ina ia mafai ona ausia lena sini, e tatau ona e pasia ni nai mea taua i le auala e ausia ai. Muamua, e te mana'omia se fuafuaga. Mo se faataitaiga, e te mana'o e tamoe i se malafoni i lenei tausaga. Ina ia mafai ona e oo i le tulaga e mafai ai ona e tamoe i le 26 maila (42 km), e tatau ona e amata laitiiti. Seti se sini e tamoe i ni nai maila i vайасо uma, ma faaopoopo lemu le mamao i vайасо taitasi. Pe a tatou faia ni fuafuaga e ausia ai a tatou sini, o le a fesoasoani le Atua ia i tatou e faataunuina (tagai Faataoto 16:9).
- **la faaavanoa se taimi mo au sini.** Talu ai e matua pisi tele le olaga, e mafai ona faigofie mo au sini le leiloa i le a'oga, galuega, uo, ma aiga. Ae afaí e te faataatia ese se taimi faapitoa e galue ai i lau sini i aso taitasi, i vайасо taitasi, po o le a lava le taimi e te mana'o ai, masalo o le a sili atu ona e tumau i ai.
- **Aua le soona faia se mea.** Aua le setiina ni sini se tele e te tau le manatuaina mea uma na e fuafuaina e fai. Afaí e te amata i na o ni nai sini taua, nai lo le faasagasaga i le 40 i le taimi, o le a e lagona le lofituina ma sili atu le to'a i au taumafaiga e ausiaina i latou. E tatau ona tatou faia mea "i le poto ma le faatulagaga lelei; ona e le tatau i se tagata ona momo'e televave atu nai lo le malosi ua ia te ia" (Mosaea 4:27). Ma afaí e te ausia se sini se tasi, o le a faapea ona ausia se isi! O mea laiti e tau atu i mea tetele. ■



O Le Malamalama I LE ATA O LE FAAOLATAGA

na Aumaia ia te
A'u le Filemu

*Ina ua maua
lo'u tina i le
kanesa, e na o
le faanoanoa na
ou vaai ai i lo'u
lumana'i. Ona ia
tuuina mai lea o
lana molimau e
uiga i le ata o le
faaolataga.*

Saunia e Nance Regold J. Micabani

ni nai tausaga ua mavae, i le aso o
le faamanatuga o tausaga talu ona
faaipoipo o'u matua, na maua ai lo'u
tina i le laasaga 4 o le kanesa o le atepili
[pancreas]. O taunuuga o lana faata na
faaalia ai o lona kanesa e lamatia ai le
ola ma ua amata ona faaleagaina ai lona
tino. O le taimi lena na ou iloa ai e le toe
umi le soifua o lo'u tina.

Ou te lei sauni mo lena mea. Sa ou
va'ai pe o le a le olaga e aunoa ma lo'u
tina. Na pogisa, faavauvau, ma faanoa-
noa mea uma. Sa le toe i ai le fiafia po o
le ata--ma sa leai ni fusi mafanafana mai
lo'u tina o le a faamafanafanaina ai a'u.
Na foliga mai ua le o toe i ai se ola.

Na mavae atu masina ma ua faaauau
pea ona vaivai le tino o lo'u tina. Ae o
le mea na sili ona ou maofa ai o lona
manao lea e alu i le lotu, auai i suesuega
o tusitusiga paia i aso taitasi, tuuina mai
ni lesona ia matou afiafi faaleaiga, ma
talie faatasii ma i matou.

I se tasi aso, na ou fesili ai ia te ia, "E te lei fesiligia le Tama Faalelagi? E te le o mafaufau pe aisea e te maua ai i le kanesa?" Ona ia tuuina mai lea o lana molimau e uiga i le ata o le faaolataga. Sa ia fai mai ia te au e manaomia ona ou malamalama i le ata o le faaolataga ina ia ou lagonaina le fiafia moni o loo aumaia ai. Na fai mai o ia pe a ou malamalama i le mea na tatou o mai ai, o le a lo tatou faamoemoega i lenei olaga, ma o fea tatou te o i ai, o le a ou malamalama o le a matou faatasi pea, o le a le mafai lava ona leiloa o ia ia te a'u. Sa ia uunaia au e faaauau ona sauniuni mo se misiona ma faasoa atu le talalelei a Iesu Keriso ma le ata o le faaolataga faatasi ma isi ina ia latou maua faamanuiaga o le mafanafana ma le fiafia.

Na ou iloa e sao lo'u tina. Aisea o le a ou fefe ai i le toesea o ia mai iinei i le lalolagi pe a ou iloa afai lava ou te tausia a'u feagaiga ma faamaea le finagalo o le Tama o le a ou vaai ia te ia i le olaga a sau? Sa ou lagona le filemu.

I sina taimi mulimuli ane, na maliu lo'u tina. I le taimi o le falelauasiga a lo'u tina—o se aso faamanatu o lona olaga na matou faia ao lei teuina o ia—e ui lava sa faigata ma sa ou faanoanoa,


na foliga mai ua filemu mea uma, ma na mafai lava ona ou lagonaina le i ai o lo'u tina. E oo lava i tagata na siomia au na foliga mai na faagaeetia. Sa ou iloaina sa ou lagonaina le faamanuiaga moni o le malamalama i le fuafuaga paia a le Atua.

Mulimuli ane, ina ua oo i le taimi e ave ai lo'u tina i le fanuatanu, na sau se tamaititi laitiiti ia te au ma fesili mai pe aisea ua ou le tagi ai. Na ou manatua le auala na ou mafaufau muamua ai i le maliu o lo'u tina ma pe na faapefea ona ou vaaia le tele o le faanoanoa ma le faavauvau. Sa ou ataata ma tootuli ifo i ona autafa. Sa ou fai atu ia te ia, "Ou te iloa o le a ou toe vaai i lo'u tina pe afai ou te faaauau pea ona mulimuli i poloaiga a le Atua." Sa ataata foi le tamaititi, ma na ou iloa na ia lagonaina le filemu lava lea sa ou lagonaina.

Ua leai lo'u tina, ae o le pogisa, faavauvau, ma le faanoanoa sa ou manatu o le a faatumulia ai lo'u olaga ua le o i ai. Sa ou faatofa atu ia te ia ma ta'u atu ia te ia o le a ma feiloi i le isi olaga. Sa ou lagonaina le mafanafana e ui lava ua leai le matou tina. O se faamanuiaga na oo mai i le malamalama i le ata o le faaolataga. ■

E alala le tusitala i Filipaina.

Ina ia aoao atili e uiga i le olaga pe a mavae le oti, fai-tau le Mataupu Faavae ma Feagaiga vaega e 76, lea o loo faamatatalaina ai e le Alii i latou o e mautofi i malo selesitila, terasitila, ma telesitila ma faatusatusa le mamalu o na malo i le la, masina, ma fetu.



Tagata o KALILAIA



Breanna Call Herbert
Mekasini a le Ekalesia

Ao i ai le Faaola i le lalolagi, sa la aoao atu ma auauna atu i le toatele. O nisi nei o tagata sa auauna atu ai lesu Keriso i Kalilaia. Mata o le a se tala e fai mai e nei tagata pe ana mafai ona latou faamatalaina a latou lava tala o loo maua i totonu o tusi-tusiga paia? O ni nai manatu nei.



TAMAITIITI: Sa ou tu latalata ia lesu Keriso ma Ana Apostolo. E i ai le vaega sa finau ai le au Apostolo, ma na fesili lesu Keriso ia i latou e uiga i lea vaega. Sa matua filemu lava le au Apostolo, ma e leai se tasi na tautala ona sa latou finau po o ai o i latou e sili i le malo o le lagi. Ona talo mai lea o le Faaola ia te a'u. Sa ou tu i le ogatotonu o i latou, ma na la aveina atu a'u i Ona aao. Sa ia ta'u atu ia i latou soo se tasi e lotomualalo e pei o se tamaitiiti e sili lea i le malo o le lagi. (Tagai Mareko 9:33-37; Mataio 18:1-5.)



TAMA: Na ou faa-logo ia lesu Keriso ma vavega na la faia mo e mamai. Ma ina ua afio atu o ia i Tiperia, sa ou auai i le motu o tagata na mulimuli ia te la. E toatele i matou, e tusa ma le 5,000 tagata. Sa i ai a'u falaoa e lima ma i'a e lua. Na aveina i latou e lesu Keriso ma faamanuia i latou. O se mea ofoofo-gia, na fafagaina tagata uma mai mea'ai na ia te a'u. E lei muta ai iina. Ina ua maoona tagata uma, sa faapotopotoina e le au soo meaai na totoe. Na tumu ai ato e 12. (Tagai Ioane 6:5-14.)



TAMALOA: Sa ou maua i le ma'i supa, o lea sa le mafai ai ona ou gaoioi. Ma faaopoopo i lena tulaga, sa ou maua i le ma'i tete. Sa matua matautia lava. Na faalogo a'u uo o lesu Keriso o loo aoao atu i se fale. Sa latou iloa e mafai ona la fesoasoani mai ia te au, o lea na latou taumafai ai e aumai au ia te la. Sa tumu le fale, o lea na latou filifili ai e tuu ifo a'u i luga o le taualuga. Na latou tatalaina ona tu'u ifo ai lea o a'u i luma o lesu Keriso. Ina ua la vaai mai ia te a'u, na la fetalai mai ua faamagaloina a'u agasala. Sa ia fetalai mai ia te au e tu i luga ma ave lo'u moega ma savali. O lea sa ou faia-ma na ofo tagata uma! (Tagai Mareko 2:1-12.)



TAMALII: Sa ou i ai i Kana i lena taimi. Ma o lo'u atali'i, o le sa i Kapanaumi, sa faasolosolo ina vaivai. Sa ou faalogo o lesu o loo i le eria, o lea na ou alu atu ai ia te la. Ina ua ou faia, sa ou talosaga atu ia te la e alu i Kapanaumi e faamalolo lo'u atalii. Sa fai mai o la ou te alu i le fale aua o loo ola lo'u atalii. Sa ou talitonu ia te la. A o ou taunu i le fale, na o mai a'u auauna e faafeiloai au. Sa latou ta'u mai ia te a'u o loo ola lo'u atalii. Sa ou fesili ia i latou pe o anafea na amata ai ona malosi o ia. Sa latou tau mai ia te au ananafi i le itula lona fitu. O le taimi lava lea na fetalai mai ai Keriso ia te a'u o lo'o ola lo'u atalii! (Tagai Ioane 4:46-53.)



MARIA LE MAKATALA: Na tulieseae e lesu Keriso agaga leaga e fitu mai ia te au. Sa ou mulimuli ia te la ao la malaga i le tele o nuu e talai le talalelei. (Tagai Luka 8:1-3.) Ina ua faasatauroina Keriso, sa ou i ai i le satauro (tagai i le Ioane 19:25). Sa ou asiiasi atu i le tuugamau lea na tuu ai Lona tino. O a'u o le tagata muamua na vaai ia te la ina ua mavae Lona Toetu. I le taimi muamua na ou manatu ai o la o se fai togalaau, ae ina ua la valaa mai i lo'u igoa, sa ou iloa o lo'u Faaola. (Tagai Ioane 20:11-16.)



SALOME: O au o le ava a Sepetaio ma le tina o lakopo ma loane, o e na avea ma Aposetolo e toalua a Iesu Keriso. Sa ou mulimuli ma auauna ia te la ao i ai o ia i Kalilaia. Sa ou i ai i Kolokota ina ua faasatauroina o la. (Tagai i le Mareko 15:37-41.) Sa ou aumaia mea manogi i Lona tuugamau e uu ai Lona tino, ae ina ua ou taunu, sa le i ai o la iina. Nai lo lena, na ou vaai i se tamaloa o ofu paepae umi. I le taimi muamua, sa ou fefe, ae na ia fai mai ia te au e aua [ou te fefe]. Na ia fai mai ua toetu lesu Keriso ma e tatau ona ou tauina i le au Aposetolo. (Tagai Mareko 16:1-8.)



O LE TINA FAA-LETULAFONO O SIMONA PETERU: Sa matua'i o'u ma'i i se fiva matautia. Ina ua faalogo Iesu Keriso i ai, na la afio mai ia te au. Sa ia uuina lo'u lima ma sii a'e a'u i luga. Na vase lava ona tuua a'u e le fiva. Sa ou lagona le manuia na ou auauna atu foi ia i latou o siomia au. (Tagai Mareko 1:29-31.)



TINA UA MALIU LANA TANE MAI NAINA: Faatoa maliu lo'u atalii. Ua maliu lo'u toalua. Sa ou matua faavauvau lava. E ui lava sa toatele tagata sa i ai ma au, na le mafai ona ou taofia lo'u tagi. A o matou aveina atu le tino o lo'u atalii i fafo o faitotoa o le aai, sa sau se alii ia te au. O Iesu Keriso. Na ia alofa mai ia te au ma fai mai ia te au e aua le tagi. Ona afio atu lea o la i lo'u atalii. Na tutu ma le le gaoioi tagata o e na aveina atu o ia. Na fetalai atu lesu Keriso i lo'u atalii e tulai. Ona ia faia ai lea! Sa ia nofo i luga ma amata ona tau-tala ma na sau o ia ia te au. Ua ola o ia! Na matou vivii uma i le Atua ma iloa ai sa i ai se perofeta maoae ia i matou. (Tagai i le Luka 7:11-17.)



MARIA: Na ou faa-logo e uiga i le Mesia o le a afio mai. Ou te lei faamoemoe e avea o se vaega o lena mea. Sa ou faamau e faaipoipo atu ia losefa ina ua ta'u mai e se agelu ia te au o le a ou fanauina se tamaititi o le a avea ma Alo o le Atua ma faaigoa ia lesu. (Tagai Luka 1:26-38.) Ma na afio mai le Mesia. Sa ou fanauina o la i se fale o manu. Na asiasi atu leoleo mamoe ma le Au Makoi ia te la ma tuuina atu ia te la meaalofa. (Tagai Mataio 2:1-12; Luka 2:1-20.) Na ma tausia o ia ma losefa, ae na la faaofoina i ma'ua i le tele o taimi. I se tasi taimi na leiloa ai o la mo aso e tolu. Sa ma mauaina o la i le malumalu. Na faalogologo tagata aoaoina ia te la ma fesili atu ia te la. (Tagai Luka 2:40-52.)



FILIPPI: O au o se tasi o Apostetolo a Keriso. Na la auina mai i matou e talai Lana talalelei. Sa la fetalai mai ia taulai atu i mamoe ua leiloloa o Israuelu. Na ia tuuina mai foi ia i matou le mana e faamalolo ai ma'i, faamama lepela, faatutuina tagata ua feoti, ma tutuli ese temoni. Sa la faapea mai ia i matou e aua nei aumaia ni tupe po o ni lavalava, ae na la lapataia i matou o le a sauaina i matou. Ae sa matou faalagolago ia te la aua sa matou iloa afai matou te tumau e oo i le iuga o le a faaolaina i matou. (Tagai Mataio 10:1-10, 17-18, 22-23.)



TATAIO IUTA: O a'u o se Apostetolo a Keriso. I se tasi aso, ao la aoaoina i matou-na la faia soo lena tulaga-na la faapea mai ia i matou e le toe umi ona i ai o la i le lalolagi. Sa ia fetalai mai ia i matou afai matou te tausia Ana poloaiga ma alolofa ia te la, o le a la afio mai ma faaali mai o la lava ia i matou. Na la fetalai mai o le a la auina mai le Agaga Paia e fesoasoani ia i matou ia manatua mea na la aoao mai ia i matou. (Tagai Ioane 14:19-27.) ■

“E faapefea ona ou taofia au masini faaeletonika mai le faalavelave ia te a’u i le lotu ma le seminare?”

“O masini e uu i lima, e pei o telefonipoto, o se faamanuiaga, ae e mafai foi ona latou faalavelave ia i tatou mai le lagonaina o le ‘leo malu, itiiti.’ E tatau ona avea i latou ma ni a tatou auauna, ae le o ni o tatou matai. . . .

“. . . Pe a amata ona faalavelave telefonipoto ia tatou fegalegaleaiga ma uo ma aiga— aemaise lava le mea taua, o le Atua—e manaomia ona tatou faia se suiga.”

Peresitene M. Russell Ballard, Sui Peresitene O le Korama a Apose-tolo e Toasefululua, “Be Still, and Know That I Am God” (Faigalotu a le Ofisa o Aoga a le Ekalesia, mo talavou matutua, 4 Me, 2014), broadcasts.lds.org.



**Le Iloa Atu,
Le I Ai i le Mafaufau**

Na ou matauina talu ai nei lo'u naunau e faaaoga mea faaeletonika i le taimi o le lotu ma gaoioiga a le autalavou. Na avea ma se mea ou te fiafia i ai. Soo se taimi lava na ou vaai ai i la'u telefonu, sa tatau loa ona ou tago i ai ma siaki e vaai pe i ai ni ou fa'amatalaga fou po o ni feau omiomu. O le tali? O le nanaina o la'u telefonu mai ia te a'u lava. Pe o totonusi o se ato, i lalo o se nofoa, pe o i ai foi i se uo—afai e le mafai ona ou iloa la'u telefonu, o le a le faaososoina au e faaaoga.

Taryn M., 15 tausaga, Florida, ISA



**Saunia Au Masini
e Fa'aitiitia ai le
Fa'alavelave**

Saunia au masini i le auala tutusa e te saunia ai lou mafaufau ma lou tino mo le Sapati. Fa'afilemu lau telefonu i le taimi o vasega. E mafai ona e tu'uina ese le polokalama o le Gospel Library mai isi polokalama aua afai e te manaomia ona faaaoga tusitusiga paia po o le api o tusiga, e le faalavelave na polokalama ia te oe.

Delguimar S., 21 tausaga, São Paulo, Pasila

Tatalo mo le Fesoasoani.

Ou te vaai mo le Agaga e ala i le tatalo. E fesoasoani lenei mea ia te a'u ina ia mafai ona lafoai a'u masini faaeletonika i le aso Sapati ma le taimi o le seminare. Soo se taimi lava ou te tatalo ai i lo'u Tama Faalelagi ma faitau le Tusi a Mamona, ou te maua se auala e tuuese ai a'u masini.

Desire M., 18 tausaga, Comoé District, Ivory Coast

Aua Nei Galo Kopi Malo [Hard Copies]!

O le faaaogaina o masini faaeletonika mo suesuega o le talalelei e lelei, ae o nisi taimi e mafai ona faaaoga sese. Ina ia taofia oe lava mai le faalavelave, tau-mafai e faaaoga kopi malo [hard copies] o tusitusiga paia. O le a taitai oe e le Alii. O le a sili atu ona e aoaoina ma lagona le Agaga.

Aiyana A., 13 tausaga, Laguna, Filipaina

Tuu Ese

I le lotu, ou te tapeina le leo o la'u telefoni ma tuu i la'u taga sei vagana ua ou faaaogaina mo tusitusiga paia. I le taimi o le faamanatuga, ou te le faaaogaina. Ou te aveesea mai o'u lima e aloese ai mai le faaosoosoga e faaaoga.

William W., 17 tausaga, Virginia, ISA

O tali ua faamoemoe e mo se fesoasoani ma ni manatu ae e le o se faalauiloaina aloaia o aoaoga faavae o le Ekalesia.



O le a se mea e tatau ona ou fai atu ai pe a fesiligia e a'u uo a tatou talitonuga e uiga i le faaipoipoga ma le aiga?

I le "O le Aiga: O se Folafolaga i le Lalolagi," ua folafola mai e le Au Peresitene Sili ma le Korama a Apostolo e Toasefululua faapea "o le faaipoipoga i le va o se alii ma se tamaitai, ua faauuina e le Atua, ma o le aiga o le totonugalemu lea o le fuafuaga a Lē Foafoa, mo le taunuuga e faavavau o Lana fanau" (familyproclamation.lds.org).

O lenei folafolaga "o se malelega o le upumoni e faavavau" na oo mai i se "faagasologa o faaaliga" ma e le "na o se faamatalaga o aiaiga faavae" (Dallin H. Oaks, "O Le Fuafuaga ma le Folafolaga," *Liahona*, Nov. 2017, 30, 29). E mafai ona e faasoa atua lou talitonuga patino o lenei mea, ma e mafai ona e faasoa atua ia faamanuiaga ua aumaia e nei upumoni ia te oe.


I le tali atu i isi, e tatau ona tatou aloese mai le faafia-amiontu po o le fefinauai. E tatau ona tatou saili ia alolofa ia i latou. O i latou o e lotomatala ma faamaoni e tatau ona maua se tali faamaoni. Ae afai e manino o se tasi e le o naunau ma e na ona manao e taufaalili pe taufaaleaga i ou manatu, pe latou te mananao e amata se misa, e sili ona aloese mai le talanoaga (tagai Mataio 7:6).

O Le A Sou Manatu?

"E fa'apefea ona ou faamalosia au uo e foliga mai o loo mafatia?"

Auina mai lau tali ma, afai e manaomia, o se ata manino lelei a o le'i oo i le aso 15 o lulai 2019, i le liahona.lds.org (kiliki le "Submit an Article or Feedback").

E ono iloiolina tali mo le uumi po o le manino.



TAMOE!

I SE tasi afiafi, sa ou savali ai i lo'u fale. E na o ni nai poloka mai le mea na matou feiloi ai ma nisi o uo i le taimi ua sola, ae o lenei ua matuai pouliuli lava. Sa le mafai ona ou iloa le mea ou te savali ai.

Na ou iloina ni alii talavou se toatolu o mulimuli mai ia te a'u. Na amata ona topetope la'u la'a e taufaamamao ma i latou, ae na latou mulimuli mai pea. Sa ou lagonaina se lagona mamafa i totonu o au. Ona oo mai lea ia te a'u o se manatu manino: tamoe! Na amata ona ou tamo'e i luga o le a'ega. O le a'ega e matuai mauluga lava, ae sa ou lagonaina se malosiaga e le o so'u malosi. E sili atu nai lo a'u lava.

O le taimi lea ua tamomoe foi alii talavou nei ma ua latalata mai ia te a'u. Sa ou le mautinoa

po o le a le isi mea e fai. Na toe oo mai foi se manatu manino i lo'u mafaufau lea na ta'u mai ia te au e oso i se auala vaiti. Ina ua ou faia, o le mea na ou te'i ai, na ou vaai atu i se leoleo. I le vaivai ai mai le tamoe i na poloka uma ma toetoe a le manava, sa ou fesili atu ia te ia mo se fesoasoani. Ina ua vaai mai alii talavou o loo ou talanoa i le leoleo, sa latou le toe tuliloaina a'u ma iu ai ina savavali ese atu. Ina ia faamautinoa ua ou saogalemu, na savali le leoleo e momoli a'u i le fale.

O lena po na ou mafaufau ai pea e uiga i uunaiga na ou mauaina. Sa ou lagonaina le filemu i le iloina na fesoasoani mai le Tama Faalelagi ia te au. Na ou faia se tatalo faafetai ia te la mo Lana taitaiga. Ou te iloa afai tatou te usitai i le leo o le Agaga, o le a tatou saogalemu.

Martín S., Puerto Madryn, Atenitina

"E mafai ona e aoao pe faapefea ona e mulimuli i le taiala sili ona lelei—o musumusuga a le Agaga Paia. O le faaaliga lena a le tagata lava ia. O loo i ai se faagasologa e mafai ai ona tatou mataala i mea matautia faaleagaga."

Peresitene Boyd K. Packer (1924–2015), Peresitene o le Korama a Apostolo e Toasefululua, "Spiritual Crocodiles," *Ensign*, May 1976, 31.

E mafai faapefea
ona ou saunia e
faalogo ma muli-
muli i uunaiga?

1. **la filemu.**

O le faaluina o
le taimi filemu e
mafaufau loloto ai
ma manatunatu o
le a fesoasoani e te
lagona ai le Agaga
(tagai Salamo
46:10).

2. **Salamo.**

O le salamo e te
mama ai ina ia avea
le Agaga Paia ma
au soa (tagai Alema
34:36).

3. **Suesue.**

A e iloa afioga a le
Alii, e mafai ona fai-
gofie ona iloa Lona
siufogfa (tagai
Matapu Faavae
ma Feagaiga 1:38).

O LE NOFO I LUGA E PATINO LAVA IA TE A'U

I ASO Sa e masani lava ona fafagu au e lo'u tina ina ia mafai ona ou sauni mo le lotu ma ou i ai iina ao le i amataina sauniga. Ae i se tasi Aso Sa na le fafaguina ai a'u e lo'u tina. Na ou ala ae ma ou matauina ou te lei faalogoina le leo masani a lo'u aiga o sauniumi mo le lotu. Sa ou tilotilo ma le popole i le uati ma iloa ai ua afa itula lo'u tuai i le lotu. Ua ou misia le faamanatuga. Masalo ou te misia fo'i le Aoga Sa.

Sa ou lagona le le mautonu ma le tuulafoa'i. Aisea na le fafagu ai a'u e lo'u tina i lenei taeao? Na te fafaguina lava a'u i taimi uma. Ae na ou toe manatuaina: E le o le tiute o lo'u tina le fafaguina o a'u ina ia mafai ona ou alu i le lotu i le taimi sa'o—o a'u lava ia. Sa ou faia a'u lava feagaiga ma le Tama Faalelagi, ma o lo'u tiute le tausia.

I se taimi mulimuli ane i lena aso na fai mai ai lo'u tina i le le fafaguina o a'u i luga mo le lotu. Fai mai o ia o le a ia le toe fafaguina a'u i luga. Sa fai mai o ia e tatau ona tuu i ai la'u lava taumafaiga ma maua ai la'u lava molimau.

I lena vaiaso, sa ou mafaufau ai i le auala e le mafai ai ona ou ola pea i molimau a o'u matua ma pe faapefea ona ou taumafai malosi e faamalosia la'u lava molimau. Talu mai lena taimi, ua ou galue malosi e alapo i Aso Sa uma ina ia mafai ona ou alu i le lotu i le taimi sa'o ma ai i le faamanatuga. O loo ou a'o'a'o ina ia mafai ona ou ola tutoatas i faaleagaga.

Lia Alves, Ceará, Pasila



MAI LE KIKI I LE AGALELEI

SA MA tutu faatasi ma lo'u tina e totogi a ma faatau. Sa tumu le laina, o lea na punou ifo ai lo'u tina i luga o lenei tamaitiiti i luma oi maua e totogi le ma faatau. Na amata ona kiki o ia e le tamaitiiti. O le taimi lona lua na ia kikiina ai o ia, na ia soso ese ma fai atu, "Faamolemole e mafai ona aua nei e kikiina a'u?"

Na faliu mai le tina o le tamaitiiti ma fai atu i lo'u tina o ia le mafuaaga na kiki ai o ia. Na ia fai mai ituaiga upu leaga uma ia i ma'ua. Na amata ona ou pulato'a atu ia te ia ao ia toe faasaga i luma ma faaali foi le le mafaufau i le faatauoloa. Sa ou to'afilemu, ae o totonu na ou ita. Na le mafai ona aveesea ma lo'u mafaufau. Sa ou iloa o le mea na tupu e le o le sese o lo'u tina po o a'u foi, ae sa ou lagonaina pea le tiga.

Ina ua matou taunu i le fale, sa ou alu i lo'u potu ma toso mai a'u tusitusiga paia. Ina ua uma ona faitau mo se minute, sa ou lagona le manaomia ona ou tatalo. Sa ou tau le lagonaina se lagona lelei, ae na ou tootuli i lalo ma amata ona ou tatalo. Mulimuli ane, sa ou tatalo mo lenei fafine o le na leaga le faiga o ma'ua. Na faatumulia a'u i se lagona pito sili ona toafilemu. Sa le mafai ona ou maua se avanoa i lo'u loto e toe ita ai ia te ia. Sa ou lagonaina le alofa.

Teresa G., Idaho, ISA



“Aua Le Fefe, Ou Te la Te Oe”

Saunia e Elder David A. Bednar
O Le Korama a Aposetolo e Toasefululua

Sa taua e se taitai militeli lauiloa i se tasi taimi: “Aua nei e taliaina ni fautuaga [mai] ou popolega.”¹

A o tatou mafaufau i mea o lo’o tutupu i aso nei, atonu tatou te ono maua le tele o mafua’aga e fefefe ai, fa’atuai, ma mafaufau pe mafai e mea io tatou olaga ona suia le ala ua leva ona tatou fa’amoemoeina.

O nisi o outou e ono fesiligia pe leai foi se talitonuga i lou lava gafatia e manuia ai i le faaletino ma le faaleagaga. Masalo e te mafaufau pe o folafolaga a le Alii mo le lagolagosua ma le taitaiga-lea e vave ona e iloina ma faailoa i olaga o le toatele o isi tagata-o le a faapena foi ona iloa i lou olaga. Atonu e te le mautonu e uiga i le sailia o se avanoa ona e le mafai ona e va’avia uma auililiga e uiga i auala o le a manuia ai mea, ma o lea ua e le mautonu e amata ma faia laasaga muamua i lena ala. Pe atonu foi e te popole tele i le faia o se mea sese ua e le galue i le faatuatua ma fetaomi atu i luma ma ua faateleina ai le le manuia lea e te fefe ai.

O le le taliaina o fautuaga mai o tatou popolega, o lona uiga tatou te le faatagaina le fefe ma le le mautonu e fuafua ai la tatou ala i le olaga, e aafia ai le le lelei o o tatou uiga ma amioga, e faatosinaina ai a tatou filifiliga taua, pe liliuese pe faalavelaveina i tatou mai mea uma i lenei lalolagi e mama, matagofie, pe logolelei. Aua le faaaogina se fautuaga mai lo tatou fefe o lona uiga o le faatuatua ia lesu Keriso e solipala ai lo tatou fefe ma tatou fetuleni atu ai i luma ma le mausali ia te

la. O le le taliaina o fautuaga mai o tatou popolega o lona uiga tatou te faalagolago i le taitaiga, faamautinoaga, ma le taimi a le Atua io tatou olaga. Ou te folafola atu e mafai e i tatou taitoatas ma o le a faamanuiaina i le taitaiga, puipuiga, ma le olioli tumau ao tatou aoao e aua nei taliaina fautuaga mai o tatou popolega.

A o tatou faatinoina le faatuatua ia Keriso ma faalagolago i Ana folafolaga, e mafai ona tatou savavali i le pogisa faatasi ai ma le mautinoa o le a malamalamā o tatou ala-ina ia mafai ona mamao leisi laasaga e sosoo ai-ma le isi laasaga-ma le isi laasaga.

Na tautino mai e Iosefa Samita, “E leai se mea tatou te fefefe ai pe afai tatou te faamaoni.”²

Sa fautua mai Peresitene Thomas S. Monson (1927–2018), “Aua le fefe. La outou lototetele. E manuia le lumanai e faapei o lou faatuatua.”³

A’o e fetaiai i lou lumanā’i ma le faatuatua, o le a muamua atu le Faaoia i o outou luma, o le a i ai o outou lima taumatau ma lo outou agavale, ma o le a i ai Lona Agaga i o outou loto (tagai Mataupu Faavae ma Feagaiga 84:88) i au taumafaiga amiontonu uma ma i aso uma o lou olaga. ■

Mai se faigalotu sa tuuina atu i le lunivesite o Polika Iaga-Hawaii i le aso 15 o Tesema, 2012.

FAAMATALAGA

1. In Mary Anna Jackson, *Memoirs of Stonewall Jackson* (1895), 264.
2. *The Personal Writings of Joseph Smith*, ed. Dean C. Jessee, rev. ed. (2002), 338.
3. Thomas S. Monson, “la Fiafia,” konafesi aoao, Aperila 2009.

Na fanau i
San Leandro,
Kalifornia,
i le aso 15 o luni, 1952.



Auauna atu i se
misiona
i le Itu i Saute o
Siamani

Sa avea o ia ma
peresitene o le
BYU-Idaho
mai le 1997 sei oo i le 2004



Elder

DAVID A. BEDNAR



Sa faaipoipo ia
Susan Robinson
i le 1975 i le
**Malumalu o
Sate Leki**



Ao laitiiti, na ia
fesoasoani
i lona e aiga
e tuu apa
ia fualaau
aina.

E masani ona ia
tausua e tele atu
fualaau aina na ia
'aia nai lo mea na
iu i totonus o fagu.



Sa avea o se
quarterback o le au
**futipolo a
lana aoga
maualuga**

Na fetaui atu i lona toalua i se taaloga futipolo.
Na ia faaofoina o ia
ina ua ia sapoina se tasi o ana pasi umi.



Sa avea ma se
polofesa
i le lunivesite o
Texas Tech ma
le lunivesite o
Arkansas

Faauu mai le
Iunivesite o Polika Iaga

**Na maua foi lona
faailoga fomai**
o le tofamanino i aga faafaapotopotoga
mai le lunivesite o Purdue



**E toatolu lana
fanau tama**



Sa lagolagoina
o se uso o le
**Korama a
Apostolo e
Toasefululua**
i le aso
7 o Oketopa, 2004



O le viiga e fiafia lava i ai o le
**"Faaola o
Isaraelu"**
(Viiga, nu. 5)



AUTALAVOU MATUTUA

FUAFUAINA O LOU AIGA

*O lenei masina, e faasoa atu ai
e le autalavou matutua o latou
aafiaga o feagai ma faatoilaloina
teteega i le i ai o fanau.*

42



AUTALAVOU

**O SE TAIALA I LE
FAATUINA O SINI**

52

MALIU MA LE
FAANOANOA

**MALAMALAMA I LE
FUAFUAGA A LE ATUA**


54

FEAGAIGA FOU
**FEILOAI I TAGATA
MAI KALILAI**

26, 56

O LE EKALESIA A
IESU KERISO
O LE AU PAIA O ASO
E GATA AI

Uo



Talofa mai le
**Ripapelika
Tominiko!**

Tagai i itulau U8-U11



Saunia e
Peresitene
Russell M. Nelson

Faafetai mo Mātua

Pe na e
faatali ea mo se
mea lelei e tupu? O le
a se mea e mafai ona
fesoasoani ia te oe
ao e faatali?



O'u matua o matua matutua uma e toavalu na auai i le Ekalesia i Europa. Sa matuai faamaoni lava i latou i le Ekalesia. Ina ua mavae lena, o nisi o ou tuaa sa le ola i le talalelei. Ona o lenei mea, na tele ina le o ou matua i le lotu ao ou laitiiti.

Sa ou alofa i o'u matua. Na la aoaoina a'u i ni lesona taua. E le mafai ona uma lo'u faafetai ia i laua mo lo matou aiga fiafia. Ae e ui lava i lo'u laitiiti, na ou iloaina sa ou misia se mea aua e le o le matou aiga i le lotu. I se tasi aso sa ou tietie ai i se taavale la'u pasese ma alu i se faletusi e sue se tusi e uiga i le Ekalesia. Sa ou fiafia lava e aoao e uiga i le talalelei.


Ina ua ou aoao e uiga i le Upu o le Poto, sa ou iloaina e le o ola o'u matua i le ala ua aoao ai i tatou ia ola ai. Ae sa ou manao la te ola ai! O lea la, i se tasi aso, sa ou taeia uma fagu ava malosi i totonu o lo'u fale i luga o le

fola sima! Sa ou manatu o le a faasalaina au e lo'u tama, ae sa leai ma sana tala.

A o ou matua, sa faaaauau pea ona ou aoao e uiga i le talalelei. Na amata ona ou malamalamā i le fuafuaga matagofie a le Tama Faalelagi. Sa ou papatiso ina ua 16 o'u tausaga. I le vaitaimi o le Kerisimasi, sa tele ina ou faapea ifo ia te a'u lava ia, "Ou te le toe fia manao lava i se isi meaalofa o le Kerisimasi! Ua na o lo'u manao lava ia faamauina i o'u matua i le malumalu." Sa ou faatalitali mo le tele o tausaga mo lena miti ina ia taunu. Ina ua silia ma le 80 tausaga a o'u matua, na iu lava ina faamauina i matou o se aiga! Na ou lagonaina se olioli maoae i lena aso. O aso uma, ou te lagona pea le fiafia ona sa faamauina faatasi i laua ma na faamauina a'u ia i laua. ●

Mai le "Faaaliga mo le Ekalesia, Faaaliga mo o Tatou Olaga," konafesi aoao ia Aperila 2018.

Itulau e Valivali



“Liligi atu
lou loto i lou Tama
Faalelagi. Liliu atu ia
te Ia mo ni tali ma mo
le mafanafana.”

—Peresitene
Russell M. Nelson

O Se Mataupu Fou

Saunia e Jane McBride

E faavae i se tala moni

"These many blessings make me feel so thankful to be me" (Children's Songbook, 11).

Sa tatalaina e Sara se pusa i totonu o lona potu ao savali atu Tina i totonu.

"E mafai ona ta valiina puipui i le lanu samasama?" na ia fesili ai ia Tina.

Sa faatoa latou siitia atu lava i se isi fale. Sa mafai e Sara ona piki mai se ie soosoo ma ni ie faamalama mo lona potu fou!

"Ou te manatu e mafai," fai mai ai Tina. "O le lanu samasama o se lanu fiafia."

Sa tuu e Sarah ni nai tusi i luga o se tamai fata i tafatafa o lona moega.

E lei lagona e Tina le lagona *fiafia* i le taimi nei, talu lava ona maliu

Tama i le faalavelave faafuasei. Na tuu ma le

faaeteete e Sarah lana ata e sili ona fiafia i ai o Tama i autafa o tusi, i le mea e mafai ona ia vaai ai i taeao uma pe a ala i luga.

Sa ia faalogo i se masusu ma vaaia loimata i tulimanu o mata o Tina.

"Ou te alofa ia te oe, Tina," o le tala lea a Sarah, ma opo ona lima i le puimanava o Tina ma opomau mai.

"E sili atu lo'u alofa ia te oe."

O le Aso Toonai ao le'i amataina le a'oga, na fai ai e Tina ma Sarah la lavalava tuai, sii le meafale i le ogatotonu o le potu o Sarah, ma tuu ma le faaeteete ia lola pulumu i totonu o fata vali lanu samasama. Ina ua mavae sina taimi, na uftia i le lanu samasama puipui-ma o la foliga ma lavalava!



"E foliga mai ua vali solo le la i luga o oe," o le tala lea a Tina ma se ata.

Na ata Sarah. "Ma e te foliga e pei o se fa'i na pa'i ou autafa!"

Sa la talie ao la tapenaina. Ae na mou atu le ataata o Sarah ina ua ia mafaufau e alu i le Peraimeri taeao ma le a'oga i le aso na sosoo ai.

"Ou te popole e uiga i le lotu ma la'u a'oga fou," sa ia fai atu ia Tina ao la fufuluina ni pulumu vali i totonu o le faatanoa [sink]. "O le a ou le iloa se tasi o faiaoga po o tamaiti po o soo se tasi."

Na tape e Tina le vai ma toso mai Sarah i se fusi.

"O le a e faia ni uo. E te agalelei o le a tosina mai ai isi ia te oe. Ia avea oe ma le tagata lelei na e te i ai, ma o le a o mai ni uo."

Na tau feololo lagona o Sarah, ae sa popole lava o ia.

"Maimau pe a na i ai Tama iinei e tuu mai ia te au se faamanuiaga," o lana tala lea. "E pei lava ona ia masani ai ae ou te lei toe foi i le aoga."

Sa filemu Mama mo se minute. "Ae a ia Uncle Wyatt?" o lana tala lea. "Ou te mautinoa o le a fafia e avatu ia te oe se faamanuiaga."

Sa luelue atu le ulu o Sarah. Atonu o le a fesoasoani se faamanuiaga.

I lena po, na tuu ai e le uso o le tama o Sara ona lima i luga o lona ulu e tuuina atu ia te ia se faamanuiaga.



"Ou te faamanua oe ia e iloa o loo silafia oe e le Faaola ao e amataina lenei mataupu fou i le olaga," o lana tala lea. "Na te le tuulafoaiina oe."

Na gauai faapitoa Sara i upu *mataupu fou*. Sa fafia o ia e faitau ma sa fafia pea e amata se mataupu fou i se tusi.

O le taeao na sosoo ai na o atu ai Tina ma Satah i le lotu.

Ina ua uma le sauniga faamana-tuga na fesoasoani Tina ia Sarah e sue le potu o le Peraimeri. Sa ataata mai se teine i totonu ia te ia ma faatalofa mai.

"E mafai ona e nofo ii pe afai e te mana'o ai," o lana tala lea, a'o tuuina lona lima i se nofoa avanoa i ona talaane.

"Faafetai," o le tala lea a Sarah. "O lo'u igoa o Sarah. Ou te fou iinei."

"O a'u o Melody. Ou te fou foi! Ua na'o lo'u vайасо lona lua lenei."

E lei leva ae talanoa ia Melody ma Sarah i isi tamaiti Peraimeri. Sa matua lelei lava le latou faiaoga.

"Ou te faamoemoe o le a sologa lelei faapea le aoga!" Na mafaufau Sarah ao alu e moe i lena po.

O le aso na sosoo ai, na alu ai Sarah i le pasi i lana aoga fou. Sa fafia o ia e vaai i ni nai tamaiti mai le Peraimeri i lana vasega tolu.

"Faafetai, Tama Faalelagi," sa tatalo lemu Sarah i le taimi na aai ai i le aoauli ma ana uo fou. "Masalo o le a avea lenei mea o se mataupu lelei, pe a uma." ●

E alaala le tusitala i Kolorato, ISA.

Ua Asiasi Elder Cook i Pasila



Sa la asiasi le aai tele o Belo Horizonte. O le igoa o lena aai o lona uiga o le "tafailagi matagofie." Na fai mai Elder Cook o loo i ai la goto aupito sili ona matagofie na ia vaaia!

Na malaga Elder Quentin L. Cook ma Sister Mary Cook i Pasila e asiasi i tagata o le Eklesia. Na la o atu e aoao ma faasoa atu le alofa o Iesu Keriso.

A avea i tatou o se malamalama,
tatou te uunaia le lalolagi mo le lelei.





Na asiasi atu Elder ma Sister Cook
i se nofoaga autu e aoao ai faifeatalai.
E faasoa atu e faifeatalai le malamalama
o Iesu Keriso i aso uma!



Sa matuai fafia tamaiti ina ua
feiloai ma se Apostolo a le Atua!

MATAMATA I LE GOTO O LE LA

Faaalu se taimi e matamata ai
ma fafia i le goto o le la e pei ona faia
e Elder Cook. Tusi se ata o le la goto na
e va'aia. Ona mafaufau lea i se tagata
o le vasega, tuaoi, po o se tagata o le
aiga e mafai ona ia faaaogaina se uo.
Ia faafiaflaina le latou aso i le
faasoa atu o lau ata.

Fai se Moli Pepa



ipu pepa
faapu pepa po o se penitala ma'ai
moli uila po o se moli susulu [glow stick]

1. Fa'aaoga le faapu pepa po o le penitala e faapupu faataamilo ai le ipu. Tui foi pu i le pito i lalo pe oti ese atoa (talosaga atu i se tagata matua mo se fesoasoani).
2. E pule lava oe i le teuteuina o lau ipu. Ona tuu lea o le moli po o le moli susulu i lalo o le ipu.
3. Tape moli ma vaai i le susulu o lau moli pepa!

Fautuaga: Afai e leai ni au ipu pepa, e mafai ona taai se fasi pepa ma faapipii faatasi pito.

E faapefea ona avea oe ma se
malamalama i le fale, i lou tuaoi,
ma i le a'oga?

Faatalitali mo Ian

Saunia e Joshua J. Perkey

Mekasini a le Ekalesia

E faavae i se tala moni



“O le a
le mea na tupu
ia te a’u?”
o le fesili
lea a Ian.

“We like to be in Primary; we’re happy that you came too” (Children’s Songbook, 256).

I na ua ala mai ia Ian, sa ia faalogoina le pese o lona tina. O le pese “Le Alofa o lo’u Faaola.” O le pese Peraimeri lena e fiafia lava i ai Ian. Sa amata ona pese faatasi ma ia.

“Ua e ala!” o le tala lea a tina. Na ataata o ia ma sa loimatā ona mata. Na vaai Ian i lona tama o nofo i autafa o ia. Na foliga fiafia foi o ia.

“Sa ou usuina pese e sili ona e fiafia i ai i aso uma,” o le tala lea a Tina.

Sa ataata atu Ian–ae na tiga lona ulu. O le mea moni, na tiga lona tino atoa, aemaise o lona vae.

Sa ia autilo solo ma le faaeteete. E le o i ai o ia i le fale. Sa taoto i luga o se moega uamea i se potu ese. Ona ia vaia lea o se tausimā’i ma le tele o isi moega i tafatafa ane. “E pei a o se falemai,” na ia mafaufau ai.

“O le a le mea na tupu ia te a’u?” o lana fesili lea.

Na foliga faanoanoa foliga o Tina. “Sa e lavea i se faalovelave matuia.” Na pau se pa uamea i luga o oe. Ua e i ai i le falemai mo le lua vaiaso, ae o le a e toe malosi.”

Lua vaiaso! “Oka, matuai umi lena taimi e moe ai,” o mafaufauga ia a Ian. O le mea mulimuli na mafai ona ia manatua o le i ai i le falesa, faia faataitaiga mo le polokalama a le Peraimeri . . .

Auoi, leai! Le polokalama!

“Na ou misia le polokalama a le Peraimeri?” o le fesili lea a Ian. Sa ia tulimatai atu i ai mo se taimi umi! Sa fiafia o ia e usuusu pese ma ana uo.

Sa ataata Tina ma lulu lona ulu. “Leai, e te le’i misia. Na filifili le uarota e tolopo sei e ala i luga ina ia mafai ona e avea ma se vaega o le polokalama.”

“E mo’i?”

“E moi,” na fai mai ai Tama. “Na talosaga tamaiti uma o le Peraimeri i le epikopo e faatali. Sa latou mananao

ina ia e i ai iina. Na latou iloa lou fiafia i le polokalama i lenei tausaga."

Sa fiafia Ian ina ua mafai pea ona ia i ai i le polokalama a le Peraimeri. Ae e tatau ona ia malosi muamua.

"Ou te le iloa," o le tala lea a Ian.

"Lea, tatou taumafai," o le tala lea a Chaís. Sa ia fesoasoani e faatu o ia i luga. Ma le faaeteete, na tuu e Ian lona vae i lalo. Sa ia faaminoiina i luma lona tino.



Ma na umi se taimi. Sa tatau ona ia nofo i le falemai mo sin a taimi umi. Ina ua taunu o ia i le fale, sa le mafai ona savali pe taalo.

Ae na o mai ana uo e asiasi ia te ia. E fesilisili Ian ia i latou e uiga i le aoga ma le lotu. Ma latou fesili atu ia te ia pe toe foi mai afea.

"Sei lelei lo'u vae," o lana tala lea ia i latou. "E le'i mafai lava ona ou savali."

Na uma Oketopa sosoo ai ma Novema, ma na faasolosolo malosi Ian. I se tasi aso sa valaaulia ai o ia e ana uo e sau e matamata i se tifaga ma i latou. Sa fesoasoani le tina o Ian ma lona tama e momoli o ia iina.

"E tiga lou vae?" na fesili ai lana uo o Chaís ia te ia.

"Ioe," o le tala lea a Ian. "Ae ua faasolosolo ona lelei i aso uma."

"Ua mafai ona e savali?" O le fesili lea a Chaís.

O loo tu pea o ia! O lana laa muamua lea i le silia ma le masina! Sa patipati tagata uma.

"O lona uiga e mafai ona e sau i le lotu!" fai mai ai Chaís.

Ma sa sa'o o ia. I ni nai vaiaso, na iu lava ina le tiga le vae a Ian. Na aveese e le fomai le sima mai lona vae ma tuu ai se fusi. Ina ua oo mai le Aso Sa, ua oo i le taimi mo le polokalama a le Peraimeri.

I le taimi o le sauniga faamanatuga, sa savali Ian i luma o le falesa ma ana uo. Sa tu sa'o o ia ma ataata atu i lona tina ma lona tama. I le taimi o pese, sa ia pese leotele i le mea na te mafaia. Ina ua oo i lona taimi, sa tu o ia i le masini faaleoteli leo ma faasoa atu lana molimau. Sa faafetai o ia mo ana uo Peraimeri. Ma sa fiafia o ia ua mafai pea ona avea o ia ma vaega o le polokalama a le Peraimeri. ●

**O le tamaitiiti i lenei tala e alaala i le Ripapelika Tominiko.
Faitau le tusiga o sosoo ai e o'a'o ai e uiga i lenei atunuul!**

Talofa mai le Ripapelika o Tominiko!



**Talofa!
O a'u o Margo.
O lo'u tuagane
lenei o Paolo.**



O loo ma asiasi
i le Ripapelika o
Tominiko. Sau, auai
faatasi ma i ma'ua!

Ripapelika Tominiko

O le Ripapelika o Tominiko e i le atu Keripeane. O loo i se motu ma le atunuu o Haiti. Pe a ma le 10 miliona tagata e nonofo i le Ripapelika o Tominiko, faatasi ai ma le 130,000 tagata o le Ekalesia.

Sana Tominiko



I le Ripapelika o Tominiko, latou te talanoa i le faa-Sipaniolo. O se tamaitiiti lenei ma le el Libro de Mormón—o le Tusi a Mamona.



O le toatele o tamaiti i le Ripapelika o Tominiko e fiafia e taalo peisipolo. O le taaloga lea e sili ona lauiloa i le atunuu.



O le tausaga na te'a na asia ai e le perofeta le Ripapelika o Tominiko ma talanoa i tagata i le gagana Sipaniolo.



E tasi le malumalu i le Ripapelika o Tominiko, e tu i Santo Domingo. Fai mai le faaupuga, "Santidad al Señor: La Casa del Señor." O lona uiga, "E Paia i le Alii: O Le Maota o le Alii."



O tagata i le Ripapelika o Tominiko latou te 'aia le tele o fualau faisua ma fualau aina. O nei tama o lo'o inu mai ni niu!

**E te sau mai
le Ripapelika o
Tominiko? Tusi
mai ia i matou!
Ma te fiafia lava
e faalogo atu
ia te oe.**

Faafetai mo le suesueina o le Ripapelika o Tominiko faatasi ma i ma'ua. O lenei ua ma o i le isi ma malaga!



"Ou te fiafia e fesoasoani i tamaiti laiti i le Peraimeri pe a latou pisapisao. Ou te tusia ni pese i luga o ni fasipepa ma fesoasoani ia i latou i le usuina. Ou te fesoasoani ia i latou ia malamalama pe a matou faitau i tusitusiga paia."

Ambar O., 11 tausaga, Ripapelika o Tominiko



"Ou te alofa ia Iesu, ma ou te lagona le latalata tele ia te la. Ou te fiafia foi i viiga ma pese Peraimeri."

**Ian R., 8 tausaga,
Ripapelika o Tominiko**

O Le Agaga

Sau

Marissa

Mekasini a




Pei o se **palanikeke**
mafanafana o siomia ai
lou loto. E mafai ona la
faamafanafana ia te oe
pe a e lagonaina le
faanoanoa po
o le fefe.



E pei o se **faailoga** e
lapatai ai oe i tulaga
matautia. E mafai ona
ia ta'ita'ia oe mai mea
o le a afaina ai oe.

1. O se tasi o sui o le Aigaati
ma le Tama Faalelagi ma Ies
E ta'ua o ia i nisi taimi o le A
2. O se meaalofa lea e oo ma
vai, o le a outou maua se faa
“faamauga” lea e valaaulia a
3. O se folafolaga mai le Tar
le faamanatuga, ua e folafola
le taui, ua folafola mai e le T
Agaga Paia ma oe.



Pei o se **faiaoga** agamalu.
E mafai ona ia ta'u atu ia
te oe le mea moni
ma fesoasoani e te
manatuaina mea
na e aoaoina.

Agaga Paia E . . .

nia e
Widdison
le Eklesia

ua. O lona uiga e galulue o Ia su Keriso e fesoasoani ia i tatou. Agaga aua e leai sona tino.


ai i le papatisoga. Pe a tuua le amanuiaga faapitoa e taua o le i oe ia talia le Agaga Paia.

na Faalelagi. Pe a e tagofiaina a atu e mulimuli pea ia Iesu. O Tama Faalelagi o le a faatasi le

Pei o se **ave feau** mai le Tama Faalelagi.
E mafai e le Agaga Paia ona fesoasoani ia te oe ia e lagona le alofa o le Atua ma malamalama i mea e finagalo o Ia ia e iloa.



Pei o se **faailo**
e fesoasoani ia te oe e iloa le mea e alu i ai. Ao e faia filifiliga, e mafai ona Ia fesoasoani ia te oe e tumau i luga o le ala i le ola e faavavau.



Pei o se **uo mamae** e fia i ai ma oe i taimi uma! O le faia o filifiliga lelei, e te valaaulaina ai o Ia e mafuta ma oe.

I TUSITUSIGA PAIA:

Ioane 14:26

Kalatia 5:22

2 Nifae 31:17-18

Mataupu Faavae ma Feagaiga 130:22



Saunia e
Becky Craven

Fesoasoani Lua i
le Au Peresitene o
Tamaitai Talavou

Ola ai i O'u Tulaga Faatonuina

*"Tutu o ni molimau a le Atua i taimi uma ma i mea
uma" (Mosaea 18:9).*

O lo'u tama sa i ai i le militeli, o lea sa matou fesiitai solo ai ao o'u laitiiti. O se tasi o mea sili ona faigata e uiga i le siitia ese o le tuua o a'u uo. Sa faigata ia te au le faia o ni uo fou aua sa ou matamuli. O le mea e faafetai ai, o tagata sa masani ona faauogofie i le a'oga ma le



Peraimeri. I le lotu e le afaina pe na faapefea ona eseese i matou. Sa matou uo uma.

O se tasi auala na ou faatoilaloina ai lo'u matamuli o le fesoasoani lea i le lotu. Na amata i le Peraimeri. Sa ou faasoaina atu se mau i le taimi o fetufaaiga. Sa ou faitau leotele i le vasega. O sina mea itiiti i lea taimi ma lea taimi, na ou lagona atili ai le to'a. Na fesoasoani lenei mea ia te a'u e tu atu ai mo o'u talitonuga.

A o ou i ai i le vasega fa po o le vasega lima, sa nonofo lou aiga i Maryland, ISA. E le tele ni tagata o le Ekalesia i la'u aoga. Sa i ai ni a'u uo o e na avea ma tagata o le Ekalesia ma uo e le auai.

A o ou talavou, na faia e nisi o a'u uo ni mea e le talafeagai ma o'u tulaga faatonuina. Ae latou te le'i taumafai e tulei a'u e faia. Ou te faafetai ona sa faaaloalo au uo i o'u talitonuga. O nisi taimi ou te lagona ai le tuuatoatasi ona ua le mafai ona ou faia mea uma na faia e a'u uo a'oga. Ae ou te lagona pea le lelei e uiga i le mulimuli i o'u tulaga faatonuina. Sa ou filifili o le a ou ola i le talalelei, e tusa lava po o le a. Na tuputupu ae malosi lau molimau i le Peraimeri ma le afiafi faaleaiga. Na ou iloa o au o se atalii o le Atua.

I tausaga mulimuli ane, na ou iloaina ai e toa-lua a'u uo aoga na auai i le Ekalesia. Sa matuai o'u fiafia lava! Sa latou fai mai ia te a'u o le vaavaai mai ia te au o ola i le talalelei ao matou laiti na fesoasoani ia i latou e filifili ai e faa-logo i faifeautalai.

Au uo talavou pele, o outou o alo o le tatou Tama Faalelagi. Afai e te manatua lenei upumoni taua i *aso uma*, o le ola ai i le talalelei o le a faigofie atu. ●

**E mafai
ona ou
faalogo
i le
Agaga
Paia.**

E mafai ona ou AGALELEI.

E mafai ona ou **SALAMO** ma toe taumafai pe a ou faia se mea sese.

E mafai ona ou faia mea i le Sapani e fesoasoani ia te au e manatua ai Iesu Keriso.



E mafai ona ou faaalia le **faaaloalo** mo le Atua, isi, ma a'u lava.

E mafai ona ou laei ma amio **tauagafau.**

**E mafai ona ou
faamaoni.**

E Mafai Ona Ou Filifilia le Mea Sa'o

E mafai ona ou talanoa e uiga i le Atua ma le migao.

**E mafai ona
ou faaaogaina
upu lelei.**

E mafai ona ou saunia nei e alu i le malumalu.

**E mafai
ona ou
saili mo
UO LELEI.**

**E mafai ona
ou tausia lo'u
mafaufau ma
lo'u tino ia
maloloina.**

**E mafai ona ou
USITAI
i o'u matua ma
FESOASOANI
i lo'u aiga.**

E mafai ona ou faitau, matamata, ma faalogo i mea lelei.

E alofa Iesu ia te a'u. O sina mea itiiti lava,
e mafai ona ou aoao ai e mulimuli ia te la.



Faaali ma Ta'u Atu



Sa ma taaalo
ma la' u uo
na tuuatoatasi.
**Alexis H.,
7 tausaga,
Nova Scotia,
Kanata**



Ou te
tulimatai
atu i le mauaina
o le perisitua
ma alu i le
malumalu e faia
papatisoga mo
igoa faaleaiga
na ma mauaina ma lo'u tina!
**Brigham W., 11 tausaga,
Victoria, Ausetalia**



Ou te fiafia e
aoao e uiga ia
Iesu. Ou te faafetai
mo le taulaga sa Ia
faia mo i tatou.
**Sara D., 6 tausaga,
Rio Grande do Sul,
Pasila**



Philip W., 8 tausaga, Lancashire, Egelani



Ou te fesoasoani i lo'u tina
ma o'u tuagane pepe.
**Samantha S., 8 tausaga,
Berlin, Siamani**




Ila'u a'oga, na
ou matauina
ai otaota na i
luga o le malae
taalo. O lea sa
ou fesili ai i
lo'u puleaoga
pe mafai ona
ou pikina le otaota ma se uo.
Ou te fiafia o o'u avea ma se
tagatanuu lelei.

**Ellea D., 10 tausaga,
Baden-Württemberg, Siamani**



Feranmi F., 8 tausaga, Lagos, Nigeria



Faatalofa
Atu ia
Halim!



E MAFAI ONA TATOU AGALELEI



"E mafai e i tatou taitoatasi ona atiina ae le agalelei faaleuso i le fale, i le a'oga, i le galuega, po o taaloga."

Peresitene Russell M. Nelson, "These . . . Were Our Examples," *Ensign*, Nov. 1991, 62.

Saunia e Katie Richey

E faavae i se tala moni

"Ua maua fua e outou, ia outou foai fuaina atu"
(Mataio 10:8).

Ile aoga i lena taeao, na maitauina ai e Marcus se tama fou o savali i totonu o le potuaoga.

"Talofa, tamaiti," o le tala lea a Mrs. Becker a'o amata on fifilemu tagata uma. "O Halim lenei. E fou o ia i le tatou aoga. O le mea moni, e fou o ia i lo tatou atunu."

Sa tilotilo solo Halim i le foloa ao ia fai mai talofa. Na mafaufau Marcus e tau ese lona leo. Ae sa faaaauau pea ona talanoa Mrs. Becker.

"Matou te fiafia tele ua i ai o ia iinei ma o le a avea o ia ma vaega o la tatou vasega. Ou te faamoemoe e mafai ona tatou fesoasoani uma ia te ia ia lagona le taliaina."

A o faailoa e Mrs. Becker ia Halim le mea e nofo ai, na mafaufau Marcus e uiga i le popole o le a ia lagona-inia pe afai e tatau ona siitia atu i se atunu fou ma se aoga fou.

Ina ua uma a latou meaai i le taeao, na fai atu Mrs. Becker ia i latou uma e i ai se mea faate'i [surprise] mo i latou. Sa saofai sao i luga Marcus ina ia mafai ona ia iloa le mea na ia toso ese mai lana ato. O ni pakete laiti. Sa amata ona ia pasi atu ia i latou uma i le vasega.

"E tofu i tatou ma se pakete faalemafaufau i totonu oi tatou lava," o lana tala lea ao ia tuuina atu ia Marcus se pakete samasama.

"E faatumu e tagata a tatou pakete pe a latou faia ni mea lelei mo i tatou. Ma e mafai ona tatou fa'atumu isi pakete e ala i le avea ma tagata lelei ia i latou. Mo se faataitaiga, pe a fusiina oe e lou tina, o lo'o ia faatumuina lau pakete. A e fai atu se mea lelei i se tasi, o lo'o e faatumuina a latou pakete."

Na tilotilo atu Marcus i lana uo mamae o Kalepo. Na i ai foi lana pakete lanu samasama! "O lenei vaiaso, o le a tatou teuina nei pakete i luga o tatou kesi ina ia mafai ona tatou tusia ai ni tusi matagofie mo le tasi ma le isi," o le tala lea a Mrs. Becker. Sa ia gaugaua se tamai fasi

pepa ma tuu i totonu o se pakete. "Ma o lena mea o le a fesoasoani ia i tatou e manatua ai pakete faalemafaufau o i totonu o tatou uma. Tatou te mananao ia agalelei ina ia avea i tatou ma tagata faatumu pakete."

Na aumai e Marcus se fasipepa ma mafaufau i mea e mafai ona ia tusi ia Kalepo, e pei o le e lelei o ia i taaloga. Ae na ia tilotilo atu ia Halim. O ona tau'au na foliga mai o faagai i lalo, e pei o faanoanoa.

Na mafaufau Marcus pe na maua e Halim se uo lelei i le mea na nofo ai muamua. Ai na faigata le faatofa ma taufaamatau le me'i i se nofoaga mamao.

Sa tilotilo ifo Marcus i le fasi pepa avanoa i luga o lana kesi. Na i ai sona manatu, ona ia tusitusi lea,

"Mo Halim,

E faafeiloi atu i le matou aoga. A e manao, e mafai ona tatou taaaalo i le malologa puupuu. O le a ou avea ma au uo. Ma ou te iloa o le a avea foi Kalepo ma au uo.

Mai ia, Marcus."

Ona ia gaugaua lea ma le faaeteete o le pepa ma tuu i le pakete a Halim. Na ata Halim. Sa lagona e Halim le mafanafana ma le fiafia i lona loto. Sa fiafia o ia e avea ma se faatumu pakete! ●

E alala le tusitala i Idaho, ISA.



Na Aoao Mai Iesu e uiga i le Faamanatuga



A o le i maliu Iesu, sa Ia taumafa faatasi ma Ona soo
i se taumafataga faapitoa. Sa ta'ua o le Talisuaga Mulimuli.


Na tauaveina e Iesu le areto ma faamanuiaina. Sa ia tuu atu i Ona soo. Sa ia talosagaina i latou ia taumamafa, e fesoasoani latou te manatua ai o Ia.



Na ave e Iesu le ipu ma avatu i Ona soo. Sa ia fetalai atu ia i latou e inu e fesoasoani ia latou manatuaina o Ia.

Na usuina faatasi foi e Iesu ma Ona soo se viiga.





E mafai ona ou manatuaina Iesu e ala i le tagofia o le faamanatuga
i vaiaso uma, e pei ona Ia fetalai mai tatou te faia. ●

Faitau po o le a le vaega na aoaoina e lesu i le Mataio 26:26–28; 1 Korinito 11:24–25.

Sa Tuuina Mai e Iesu ia i Tatou le Faamanatuga



Matua Pele,

E tele aiga e leai se tama ma se tina ua uma ona faamauina i le malumalu. Na soifua ae Peresitene Russell M. Nelson i se aiga faapena. Po o le a lava le tulaga o o tatou aiga, e mafai ona tatou aoaoina a tatou fanau e tulimatai atu i faamanuiaga sili o le malumalu. Ma e mafai ona tatou fesoasoani ia latou faia talafaasolopito o aiga ina ia mafai e o tatou tuaa ona maua foi na faamanuiaga. E mafai ona e faitau i le itulau U2 e uiga i le ala na faatalitali ai Peresitene Nelson mo lona aiga ina ia faamauina i le malumalu.

Faamolemole tusi mai e faailoa mai pe na faapefea ona faaaoga e lou aiga nei tala ma gaoioiga i le *Uo* mo lenei masina.

Alofaaga,

O Le *Uo*

P.S. Afai e le o i ai sou alo i le fale, faamolemole mafaufau e faasoa atu le *Uo* ma se tasi e i ai.

New Friend

**50 E. North Temple St.,
Rm. 2393
Salt Lake City, UT 84150 USA
liahona@ldschurch.org**



**Saili le Liahona o loo
natia i totonu!**

ANOTUSI

- U2** Mai le Au Peresitene Sili: Faafetai mo Matua
- U4** O Se Mataupu Fou
- U6** O Apostolo i le Salafa o le Lalolagi: Ua Asiasi Elder Cook i Pasila
- U8** Faatalitali mo Ian
- U10** Talofa mai le Ripapelika o Tominiko!
- U12** O le Agaga Paia E ...
- U14** Ola ai i O'u Tulaga Faatonuina
- U15** E Mafai Ona Ou Filifilia le Mea Sa'o
- U16** Manatu Lelei: E Alofa Iesu ia te Au
- U17** Faaali ma Ta'u Atu
- U18** Faatalofa Atu ia Halim!
- U20** Tala o Tusitusiga Paia: Na Aoao Mai Iesu e uiga i le Faamanatuga
- U23** Itulau e Valivali: Sa Tuuina Mai e Iesu ia i Tatou le Faamanatuga